

Մ. Ծամտաճեան, *Հայ մտքին հարկը եղեռնին*, Հալէպ, 1947, էջ 62:

Ապրիլ 24/7 մայիսի.- *Բանտից Կոմիտասը նամակ է գրում Կարապետ վարդապետին:*

Նոյն օրը.- *Կոմիտաս վարդապետը նամակ է գրում նաեւ Ամերիկեան դեսպանատան թարգմանիչ, հայազգի Արշակ Շմաւոնեանին:*

Նոյն օրը երեկոյեան.- *Մեհտերհանի բանտից երեկոյեան Պազիլ խանին ազատում են եւ նրա անկողինը յատկացնում են Կոմիտաս վարդապետին:*

«Էջմիածին», 1968, թիւ 4, էջ 34:

Ապրիլ 26/9 մայիս, առաւօտ.- *Ստացւում է ազատման հրաման եւ Կոմիտաս վարդապետի հետ միասին (Բիւզանդ Քեչեան, Վահրամ Թորգոմեան եւ այլոց) եօթը անձնաւորութեան ազատում են բանտից:*

«Էջմիածին», 1968, թիւ 5, էջ 6. *Ամենուն տարեցոյց*, 1922, էջ 40. Ծանօթ Ծամտաճեան, 1918, թիւ 5, էջ 7:

Ապրիլ 27/10 մայիսի, երկուշաբթի, Չամուղի.- *Կոմիտասն իր բախտակիցների հետ ազատօրէն շրջում է քաղաքում:*

«Էջմիածին», 1968, թիւ 7, էջ 6:

Ապրիլ 28/ 11 մայիսի, երեքշաբթի.- *Ազատուածները Չանղլիից մեկնում են Կ. Պոլիս:*

«Էջմիածին», 1968, թիւ 7, էջ 6:

Ապրիլ 28/11 մայիս, Գալեմահիք.- *Աքսորից վերադարձող Կոմիտասը եւ իր ընկերները երեկոյեան հասնում են այս գիւղաքաղաքը. «Թէեւ ուշ հասանք,- պատմում է Բիւզանդ Քեչեանը,- հայ ընտանիք մը չթողուց, որ ազտոտ խանը գիշերենք եւ տաք կերակուրներով հիւրասիրեց մեզ կէս գիշերուան մօտ»:*

Թէոդիկ, *Ամենուն տարեցոյց*, 1922, էջ 43:

Ապրիլ 29/12 մայիսի, Գալեմահիք.- *Աքսորականների խումբը իր ժամանակը անցկացնում է այս գիւղաքաղաքում:*

Նոյն տեղում:

Ապրիլ 30/13 մայիսի, Անկարա.- *Ազատուած քսորականները 16 օր յետոյ, Համբարձման տօնի օրը, կրկին յայտնուում են էնկիւրայում (Անկարա):*

Կոմիտասը հրաւիրուած էր մասնակցելու տեղի եկեղեցական արարողութեանը:

«Համբարձման տօնը,- գրում է Բիւզանդ Քեչեանը,- վայելեցինք էնկիւրիի եկեղեցին մէջ: Թաղ. խորհուրդը մեզի նախաճաշով մը հիւրասիրել է հոգը առաջարկեց Ս. Աստուածածնի վանք»:

Թէոդիկ, *Ամենուն տարեցոյց*, 1922, էջ 43. «Էջմիածին», 1968, թիւ 10, էջ 52:

Ապրիլ 30/13 մայիսի, Անկարա.- *Աքսորից վերադարձող Կոմիտասը իր եօթը քսորականների հետ էնկիւրիի եկեղեցում տօնում է Համբարձման տօնը: Թաղական խորհուրդը նրանց տալիս է նախաճաշ, այնուհետեւ նրանք մեկնում են Ս. Աստուածածնի վանքը, որտեղ մեծ բազմութիւն էր հաւաքուած Կոմիտասին լսելու համար: Հանդէսից յետոյ 60 հոգու համար բացւում է ճոխ սեղան. մի դեռատի աղջիկ երգում է, որին Կոմիտասը տալիս է խորհուրդներ:*

Թէոդիկ, *Ամենուն տարեցոյց*, 1922, էջ 43:

Մայիս 2/15, Կ. Պոլիս.- *Շաբաթ օրը երեկոյեան Կոմիտաս վարդապետը հասնում է Կ. Պոլիս:*

«Էջմիածին», 1968, թիւ 7, էջ 6:

«ՉԱՆՂՐԸԻ 1915 Թ. ԱՊՐԻԼ 11. ՅԻՇԱՏԱԿ»...
ԹԱՆԳԱՐԱՆԱՅԻՆ ՑՈՒՑԱՆՄՈՅԸ

Կարիստ Աւագեան

*Ելանի՛ կրակ, որ խոցի ու ծորան ունեի սրբաբարեան,
որովհետեւ կրակի սիրտի յագեան [Մարտ. Եւ 6]:*

Հայոց Ցեղասպանութեան վերաբերեալ 2002 թ. լոյս ընծայեցինք «Շղեունա-յուշ Մասունք կամ Խոստովանողք եւ Վկայք Խաչի»¹ վերտառութեամբ փաստավաւերագիրքը, որն ուսումնասիրութիւնն էր Հայաստանի պատմութեան պետական թանգարանի նոր պատմութեան ֆոնդի 948 համարի տակ պահուող ցուցանմոյշ-համրիչի:

1908 թ. իրագործած յեղաշրջմամբ երիտթուրքերն, իշխանութեան գալով, շարունակեցին համրեան հայաջինջ քաղաքականութիւնը:

1915-ի գարնան կէսին արդէն Թալէաթի կարգադրութեամբ լրման հասած «սեւ ցուցակներում» ամրագրուեցին այն հայ մտաւորականները, որոնք իրենց գործունէութեամբ համարուում էին կայսրութեան համար վտանգաւոր տարրեր:

Ցուցակագրումը վստահուած էր Կ. Պոլսոյ ոստիկանութեան տնօրէն Պետրիին² եւ Ն.Գ.Ն առաջին քարտուղար Մեմուհին³ (ապա՝ Թալէաթի դրածոյ կառավարիչներից՝ Երզնկայում)⁴:

Չարագոյժ այս իրողութեան վկայութիւնն է ՀՊՊԹ քննարկուող ցուցանմոյշ-համրիչը, որի անհամաչափ նախամուտ հատին քսորական մուխթար Վարդերեսը (համրիչի 71-րդ հատի անուանակիրը⁵) մինչ նահատակուելը փորագրել է. «Չանղրը 1915 թ. Ապրիլ 11. Յիշատակ»...

Յաջորդող 99 հատերին քսորականների ազգանուններն են, երբեմն՝ անունները, թիւ 55-ին եւ 86-ին, համապատասխանաբար՝ «Լեւոն-2», «Օհնիկեանք-4» թուերով, ինչը հաւաստում է 103 քսորականների մասին:

Ահաւասիկ ցուցանմոյշի ամբողջական բովանդակութիւնը.

«Չանղրի 1915 թ. Ապրիլ 11. Յիշատակ»

1. Կոմիտաս Վ.
2. Յովհանն Վ.
3. Քաջունի Քհնյ
4. Ծէվաֆիթի
5. Ռ. Սեւակ
6. Միսքեան
7. Թօփեան
8. Վարդան Քհնյ.
9. Գ. Ծէլալ
10. Գազազեան
11. Թորգոմեան բժիշկ
12. Պողոսեան
13. Տիմանեան

1 Կարիստ Աւագեան, *Շղեունայուշ մասունք կամ Խոստովանողք եւ Վկայք Խաչի*, Եր., 2002

2 Գրիգորիս Ծ. Վրդ. Պալաքեան, *Հայ Գողգոթան*, հտ. Ա, Վիեննա, Միսթարեան տպարան, 1922, էջ 76. նոյնը, II հրտ., Եր.,- «Հայաստան», 1991, էջ 78

3 Անդրանիկ Մառուկեան, *Սէրը Եղեռնին մէջ* (վէպ), Եր., 2004, էջ 9, 19, 40

4 Թէոդիկ, *նոյն տեղում*, «Ծերմակ եւ կարմիր Տոսալ», էջ 119

5 Համարակալումը 1-99 կատարուած է անուանակիրներին վկայակոչելու համար:

- 14. Միրզա
- 15. Այթունեան ատամնաբոյժ
- 16. Կիլիստան
- 17. Զարեհ
- 18. Եզնիկ
- 19. Ասատուր Վ. դեղագործ
- 20. Մանիկեան
- 21. Զարիֆեան
- 22. Միսքեան
- 23. Հաճեան
- 24. Ղազարոս
- 25. Թերզեան
- 26. Նշան
- 27. Նարկիլեճեան
- 28. Արսենեան
- 29. Դանիելեան Պ. փաստաբան
- 30. Չերազ
- 31. Մովսէս
- 32. Տ. Քելէկ խմբագիր
- 33. Բ. Քէչեան
- 34. Թօփեան
- 35. Անտոնեան
- 36. Թօլայեան
- 37. Շահնուր
- 38. Ս. Սրենց ուսուցիչ
- 39. Խօճասարեան
- 40. Վարուժան
- 41. Շամտանճեան
- 42. Չավուշեան
- 43. Թապագեան
- 44. Տիւրունի
- 45. Աղապապեան
- 46. Բարսեղեան
- 47. Տօրեան
- 48. Եսայեան տաղարտը
- 49. Գոչո Արթին
- 50. Երջանիկ
- 51. Զեմոր
- 52. Խաչիկ
- 53. Հրանդ
- 54. Երեսում
- 55. Լեւոն-2
- 56. Ագրիկ
- 57. Գանթարեան
- 58. Կոզմոս
- 59. Պէլլերեան
- 60. Թաշճեան
- 61. Հանեսեան
- 62. Արամ
- 63. Մելիք
- 64. Տէօվլերեան
- 65. Քէրեանեան արհեստաւոր
- 66. Մաղազաճեան
- 67. Պասմաճեան
- 68. Մելքոնեան
- 69. Զպճը ճարտարապետ
- 70. Արսլանեան
- 71. Վարդերես մոլորաբար
- 72. Ֆերոյսան
- 73. Սարաֆեան
- 74. Այթունեան
- 75. Ծամպազ
- 76. Հրաչ
- 77. Մոմճեան
- 78. Գալէնտեր
- 79. Վաղինակ
- 80. Գալֆայեան պաշտօնեայ
- 81. Պէլլերեան
- 82. Պարոյր
- 83. Նոյիկ յանձնակատար
- 84. Թաթարեան
- 85. Քէօլեան
- 86. Օրնիկեանք-4
- 87. Թերլեմէզ սեղանաւոր
- 88. Տէր-Գեորգեան
- 89. Պասմաճեան
- 90. Գայրճեան
- 91. Ինճիճեան
- 92. Գարակէօզեան
- 93. Մանեսեան
- 94. Ղոնչէկիլ
- 95. Փարիսեան
- 96. Յ. Գորեան վճռկն
- 97. Քերոբեան պատուելի

- 98. Թումանյան
- 99. Պալագեան ծ. վ.:

Սկզբնաղբիւր ընդունելով ցեղասպանութեան վերապրածների եւ նրանց անմիջական սերնդի փաստավաւերագիր-յուշերը, երբեմն միայն՝ զեղարուեստական երկերը⁶, ստուգութեանը խստիւ յետամուտ⁷ պարզել ենք, որ ցանկում ընդգրկուած են եղել նաեւ Արշակ Չոպանեանը, Վահան Թեքէեանը, Լեւոն Բաշալեանը, Ռուբէն Որբերեանը, Տիգրան Կամսարականը, Հրանդ Նազարեանցը, Կոստան Եղիազարեանը (Զարեան), Յակոբ Քիւֆէճեանը եւ Շաւարշ Միսաքեանը, որոնցից 7-ը երկրում չէին. վերջինին փախչել չյաջողուեց:

Ուսումնասիրութեան Հիմնակոնք դարձած Գրիգորիս ծ. վրդ. Պալաքեանի (Համրիչի թիւ 99-ը - Կ. Ա.) «Հայ Գողգոթ»

6 Ա. Մառուկեան, *ճոյն տեղում*, էջ 102
 7 ա) «Հայկական սովետական հանրագիտարան», (այսուհետ՝ ՀՍՀ), հտ. 9, Եր., 1983, էջ 59 (տե՛ս յօդուած՝ Չոպանեան Արշակ),- «Հայկական հարց հանրագիտարան», էջ 374 (տե՛ս յօդուած՝ Չոպանեան Արշակ). բ) ՀՍՀ, հտ. 4, Եր., 1978, էջ 181-182 (տե՛ս յօդուած՝ Թեքէեան Վահան),- «Հայկական հարց հանրագիտարան», էջ 139-140 (տե՛ս յօդուած՝ Վահան Թեքէեան). գ) ՀՍՀ, հտ. 2, Եր., 1976, էջ 291 (տե՛ս յօդուած՝ Բաշալեան Լեւոն). դ) ՀՍՀ, հտ. 8, Երեւան, 1982, էջ 642 (տե՛ս յօդուած՝ Որբերեան Ռուբէն). ե) ՀՍՀ, հտ. 5, Եր., 1979, էջ 214-215 (տե՛ս յօդուած՝ Կամսարական Տիգրան). զ) Վարդան Մատթէոսեան, «Հրանտ Նազարեանցի նամակները Եւնովք Արմէնի», - «Բազմավէպ», ԾԿԴ տարի, թիւ 1-4, Վեներտիկ-Ս. Ղազար, 2006, էջ 312. է) ՀՍՀ, հտ. 3, Եր., 1977, էջ 670 (տե՛ս յօդուած՝ Զարեան (Եղիազարեան) Կոստան). Յակոբ Միրունի, *Ինքնակենսագրական ճօթեր*, հրտ. Սարգիս Խաչեանը, Եր., 2006, գլ. Զ - Մէտթերհանէն, գլ. Է - Թաքստոցի տարիներ, «Անուանացանկ», էջ 121, 165, 349 (տե՛ս Յակոբ Քիւֆէճեան). *ճոյն տեղում*, էջ 159, 165, 338 (տե՛ս յօդուած՝ Միսաքեան Շաւարշ), Երուանդ Օտեան, *Թիւ 17 խաֆիէն*, Բ գիրք, գլ. Լ, Զ - Անակնկալ... գլ. ԼԷ - Նոր հաւատաքննական ատեան, Գրականութեան եւ արուեստի թանգարանի (այսուհետ՝ ԳԱԹ) հրատարակչութիւն, Եր., 2001, էջ 194-201, 201-214. *ճոյնը*, Գ գիրք, Եր., 2001, «Անուանացանկ», էջ 288-289:

թան» փաստում է իրադարձութիւնների շղթան 1915 թ. ապրիլի 11/24-ից՝ իրազեկելով, որ նոյն օրը ձերբակալուած 220-ից աւելի անձերից 75-ին (Հիմնականում ազգային կուսակցական գործիչներ) Սենճանքէոյի կայարանում առանձնացրել եւ ուղղորդել են Այաշ⁸: Մնացեալներին վիճակուած էր շարունակել ճանապարհը մինչեւ Զանդըրը, որի իրեղէն վկայութիւնն է քննարկուող ցուցանմոյշ-Մասունքը:

Առաւել քան ուշադրաւ են վարդապետի ե՛ւ Այաշի, ե՛ւ Զանդըրըի աքսորականների անուանացանկերը՝ Համապատասխանաբար՝ 62 եւ 69 տարագրեալների ընդգրկումով⁹: Առաջինի վերաբերեալ նա ծանուցում է. «Ցաւալի է, որ մնացեալ 13 աքսորական մեր տարաբախտ ընկերներու անունները Հնար չեղաւ Հոս արձանագրել, Հակառակ ամէն պրպտումներու»¹⁰: Զանդըրըի աքսորականների ցանկն աւարտում է՝ ամփոփագրելով. «Դժբախտաբար Զանդըրի մեր աքսորական տարաբախտ ընկերներուն Հազիւ կէսին անունը կարելի եղաւ ձեռք բերել մեծ դժուարութեամբ, մինչդեռ ասոնցմէ դուրս կային նաեւ Հայրենասէր ծաղկահասակ ազնիւ երիտասարդներ եւ ժողովրդի խոնարհ դասակարգէն անձնանուէր անձեր, որոնք այնքան պիտի փափաքէինք, որ յիշէինք այս տեղ»¹¹:

Արհաւիրքի վերաբերեալ իսկութիւնը պատմութեանն աւանդելու միեւնոյն ազնիւ մղումով ու պարտաւորութեամբ, Զանդըրըի աքսորականներից մուխթար Վարդերեանն է ի գործ դրել փորագրիչի իր բնատուր շնորքը՝ Համրիչի Հատերին փորագրելով բախտակից ընկերներից արդէն 103-ի ինքնութիւնը Հաւաստող ազգա-

8 Գ. Պալաքեան, *ճշ. աշխ.*, I հրտ., էջ 82, 86. II հրտ., էջ 83, 86-87
 9 Նոյն տեղում, էջ 86-90/87-90, 96-99 (I, II հրտ.)
 10 Նոյն տեղում, էջ 90 (I, II հրտ.)
 11 Նոյն տեղում, էջ 99 (I, II հրտ.)

նունները կամ անունները՝ ասես պատգամելով. շարունակել պրպտումը յանուն պատմական ճշմարտութեան վերհանման: Աշխատանք, որ ստանձնեցինք, այսօր արդէն Չանդրըրի աքտորականների թիւը հասցրած լինելով 117-118-ի:

Չենք անտեսել նաեւ Այաշի աքտորականներին՝ նրանց եւս միեւնոյն՝ ապրիլի 11/24 արհաւիրակի օրուայ զոհեր ընդունելով, եւ Գրիգորիս Ծ. վրդ. Պալաքեանի 62 տարագրեալներից բաղկացած անուանացանկն արդէն նրա յիշատակած նախնական 75 անձերից անց է՝ հասնելով 82-83-ի, քանզի, ինչպէս պարզուեց, յաջորդել է աքտորականների երկրորդ քարաւանը՝ ե՛ւ Չանդրըրը¹², ե՛ւ Այաշի¹³: Աքտորուել են մարդիկ նաեւ անհատապէս¹⁴, ինչպէս, օրինակ, Ռուբէն Սեւակը՝ Չանդրըր, Պետրոս Գալֆայեանը՝ Այաշ, եւն:

Ահաւասիկ Չանդրըրի աքտորեալների անուանացանկի քննութիւնը՝ ըստ համրիչի հերթականութեան:

«Չանդրըրի 1915 թ. Ապրիլ 11. Յիշատակ»

1. Կոմիտաս Վ.15- Սողոմոն Գէորգի Սողոմոնեան: (26.09(08.10)1869, Քեօթահա, Փոքր Ասիայի Կուտինա ք. - 22.10.1935, մահկանացուն կնքել է Փարիզում)¹⁶:

12 Բիզանդ Պօզաճեան, *Աշ. աշխ.* (յուշագիր), տե՛ս Թէոդիկ, *Յուշարձան...*, էջ 99, 100/117, 118, (I, II հրտ.). Յ. Ծ. Սիրունի, *Կոմիտասի ճիշտ, գլ. V - Քրիստոս պատարագեալ*, «Էջմիածին», 1968, էջ 102:
13 Թէոդիկ, *Մոյն տեղում*, էջ 101, 119, (I, II հրտ.)
14 Նոյն տեղում, էջ 15/33, 34/52 (I, II հրտ.)
15 Լուսանկարը տե՛ս Կ. Աւագեան, *Աշ. աշխ.*, Պրպտումն Գարաշար Չանդրըրի աքտորականների, էջ 101:
16 ՀՍՀ, հտ. 5, էջ 539. «Հայկական հարց հանրագիտարան», էջ 187-188, «Հայկական համառոտ հանրագիտարան» (այսուհետ՝ ՀՀՀ), Եր. 1995, հտ. 2, էջ 718-719. Թէոդիկ, «Ամէնուն տարե-

Ձերբակալուել է Կ. Պոլում ապրիլի 11/24-ին, տարագրուել Չանդրըր: Ազատման հրամանը՝ դիմումի հիման վրայ, աքտորավայր է հասել ապրիլի 26 կամ մայիսի 9-ի դրութեամբ՝ ամերիկեան դեսպան Հենրի Մորգընթաուի, նոյն դեսպանատան իրաւագէտ, խորհրդական, թարգմանիչ Արշակ Շմաւոնեանի, վարդապետի նկատմամբ անհատական համակրանք տածող Մէջիդ իշխանի միջնորդութեամբ, ինչպէս նաեւ թղթատարականի (կապի - Կ. Ա.) նախարար Ռսկան Մարտիկեանի ջանքերով: Կ. Պոլիս է հասել մայիսի 2/15-ին¹⁷:

1916 թ. հոկտեմբերի վերջին կամ նոյեմբերի սկզբներին, բժիշկ Վ. Թորգոմեանը (համրիչի թիւ 11-ը - Կ. Ա.) եւ յոյն դոկտ. Գոնոսը, Կոմիտասին փոխադրել են Շիշլիի Hôpital de la Paix բուժարանը... Թուրք ջլխատաբոյժ (հոգեբոյժ) Մազհար Օսմանի հսկողութեան տակ¹⁸: 1919 թ. «Կոմիտաս վարդապետի պաշտպան յանձնախումբ»-ը նրան Կ. Պոլսից տեղափոխել է Փարիզ, ապրիլի 7-ին վարդապետն ընդունուել է Վիլ-Էլբարի հոգեբուժարան (մայրաքաղաքի արուարձանում, որը մինչ այսօր կայ), ուր մնացել է մինչեւ 1922-ի օգոստոսի սկիզբը, ապա փոխադրուել է Վիլ ժուլիֆ, (միշտ նոյն հեղինակաւոր հոգեբոյժ դոկտոր Լուոֆի հսկողութեան ներքոյ)¹⁹, որ-

ցոյցը», Դ տարի, Կ. Պոլիս 1910, էջ 214 (ինքնակենսագրութիւն):
17 Յ. Սիրունի, *Կոմիտասի ճիշտ, գլ. II - Կեղրոնական բանտի մէջ*, «Էջմիածին», 1968 - Դ, էջ 34, գլ. VI - *Դարձ խաչի ճամփին*, VII - *Աքտորէն դառնալէ յետոյ*, «Էջմիածին», 1968, Ժ, էջ 53, 55. Հ. Խօճասարեան (համրիչի 39-ը - Կ. Ա.), *Կոմիտաս վարդապետ. անձնական յուշերէս*, Նիւ Եօրք, «Հայաստանի կոչնակ», ԼՁ տարի, թիւ 1, Յունուար 4, 1936, էջ 13. Թէոդիկ, «Ամէնուն տարեցոյցը», ԺՁ տարի, էջ 45
18 Յ. Սիրունի, *Աշ. աշխ.*, գլ. VII - *Տագնապը կու գայ*, էջ 30, գլ. VIII - *Մազհար Օսմանի խնամքի մերթեւ.*, «Էջմիածին», 1969-գ, էջ 30-31
19 Գոհար Աճեմեան, *Աշ. աշխ.*, էջ 75-76

տեղ էլ կնքել է մահկանացուն տասնվեց տարի անց:

Ուշագրաւ է, որ Կոմիտասը ներառուած է Արշակ Ալպոյաճեանի նահատակաց անուանացանկում՝ ծանօթագրութեամբ²⁰:

2. Յովհան Վ.- Կարապետեան²¹, վերապրող, կարգաթող: Զինադադարին Կ. Պոլիս է վերադարձել Ուշագից, ուր հասել էր Չանդրըրից²²: 1919-ի սկզբներին վերականգնեալ «Ազգային Լիկ»-ի հայկական միութեան երկու ներկայացուցիչներից մէկն էր²³:

3. Քաջուհի Քչնյ.- Յուսիկ (1851, Արաբկիր - 1916, Համմամ): 1886-ին քահանայ է ձեռնադրուել, եղել է նաեւ ծննդավայրի առաջնորդական փոխանորդ: Դաշնակցական, Ազգ. երեսփոխան: Վախճանուել է Համմամում, որը կայան էր Մեսքենէի եւ Տէր-Զօրի միջեւ²⁴: Որդիները՝ Եղիկն ու Եղիշէն, տեղեկանալով հօր աքտորի եւ մահուան մասին, կամաւորագրուել են Անդրանիկի «Հայկ. Առանձին Հարուածող զօրամաս»-ին²⁵:

20 Գ.Ա.Թ., Արշակ Ալպոյաճեանի ֆոնդ, արխիւ 44, թիւ 4, թերթ 1-4. Կարիճէ Աւագեան, *Աշ. աշխ.*, էջ 37-38
21 Յովհան Կարապետեան, *Էջ մը աքտորականի յիշատակներէս*. տե՛ս Միսաք Մեծարեանը եւ Դանիէլ Վարուժանը ժամանակակիցների յուշերում, կազմեց եւ ծանօթագրեց Ա. Ծարուրեանը, Եր., 1986, էջ 267-271, 327. Գ. Պալաքեան, *Մոյն տեղում*, էջ 96 (I, II հրտ.):
22 Թէոդիկ, «Ամէնուն տարեցոյցը», Ժ-ԺԴ տարի, Ապրիլ Տասնըմէկ 1915, էջ 113-114. Կ. Աւագեան, *Անգուցական ցուցանմոյշ կամ վերագոմուած մասունք*, «Գարուն», 1995, օգոստոս, էջ 74
23 Թէոդիկ, *Մոյն տեղում*, «Պոլսահայ Լիկ», էջ 177-178
24 Թէոդիկ, *Յուշարձան...*, էջ 48, 66 (I եւ II հրտ.), թիւ 108. Գ. Պալաքեան, *Աշ. աշխ.*, էջ 96, 301-303, 282-284 (I, II հրտ.)
25 Վազգէն Անդրեասեան, *Վահան Չերազ եւ իր երգն Հայաստանի*, «Քաջուհի եղբայրները»,

4. Ծէվահիրճի.- Միսաք (1858, Կեսարիա - 1924, Կ. Պոլիս), արքունի բժիշկ, վիրաբոյժ: Աւարտել է Կ. Պոլսի բժշկական ուսումնարանը, կատարելագործուել Փարիզում: 1908-1909 թթ. եղել է Հայոց պատրիարքարանի դատաստանական, Մայր Եկեղեցու թաղային խորհուրդների անդամ: Աքտորից վերադարձել է Բեսիմ Օմեր փաշայի բարեխօսութեամբ²⁶, դոկտ. Մեհճեդ Ալի Պէյի անմիջական ջանադրութեամբ²⁷:

5. Ռ. Սեւակ.- Չիլինկիրեան (1885, 15.02, գ. Սիլիւրի - 1915, 13/26.08, Թիւնէյ): Կ. Պոլիս է վերադարձել 1914-ին, ձերբակալուել է 1915-ին: Թէոդիկի անմիջական վկայութեամբ. «Իբր բժիշկ Մազրիքէյի բանակին զին. ծառայութիւնը կատարած միջոցին էր, որ առանձին տարագրուեցաւ Չանդրըրի»²⁸:

Նահատակուել է Չանդրըրի եւ Գալայճըքի ճանապարհին՝ Թիւնայ (Թիւնէյ) կոչուած վայրում²⁹ (Չանդրըրից վեց ժամ հեռու՝ կառքի ընթացքով), 1915-ի օգոստոսի 13/26-ին³⁰: Ըստ Գոնիայի պատերազմական ատեանում կառապան Հասանի տուած վկայութեան՝ վերջին սպանուողն էր³¹:

տպ. Սեւան, Պէյրութ-Լիբանան, 1977, էջ 531-535
26 Միսաք Ծէվահիրճեան, *Նամակ խմբագրութեանը*, «Գարուն», 11-12, 1995, էջ 36-37
27 Նոյնը, *Մէկ թանգարանային ցուցանմոյշ՝ մէկ վաւերագիրը...*, «Բնօրրան», Հայաստանի հայրենակցական միութիւնների խորհրդի հանդէս, թիւ 1-2-3, (14-16), 2001-2003, էջ 292-293. Կ. Աւագեան, *Թանգարանային ցուցանմոյշն անխօս՝ ամենախօս վկայ. պրպտումը շարունակուում է՝ արձագանգների թելադրանքով...*, «Մեծ Երդեան-90, Հանրապետական գիտական նստաշրջանի նիւթեր», «Դպիր» հրտ., Գիւմրի, 2005, էջ 129
28 Թէոդիկ, *Յուշարձան...*, էջ 15, 33 (I, II հրտ.)
29 Գ. Պալաքեան, *Աշ. աշխ.*, էջ 96 (I, II հրտ.). Ա. Ծարուրեան, *Մոյն տեղում*, էջ 258
30 Ա. Ծարուրեան, *Մոյն տեղում*, էջ 269, 272
31 Նոյն տեղում, էջ 258

Իրականանում է դեռևս 1912-ի ապրիլի 29-ին Հրանտ Նազարեանցին հասցեագրած նամակում դրսևերոուած իր իսկ մարգարէութիւնը, որ է. «... Այս բոլորին վրայ աւելցուր նաեւ Կ. Պոլսոյ մղձաւանջը, այն հորիզոնը, որ քանի մը տարիէն իմինս պիտի ըլլայ, եւ ուր հեռուէն կը տեսնեմ արդէն Սողոմի մուխն ու Գոմորի մեղքին բոցը»³²:

6. Միսքճեան.- Ստեփան (1852, Կ. Պոլիս - 1915, Էնկիւրի)³³: Կայսերական բժշկանոցից վկայուած բժիշկ, մանկաբարձ, վիրաբոյժ: Օրթաքէոյի բնակիչ էր, որի կաթոլիկ եկեղեցու թաղային խորհրդի անդամ էր նաեւ: Պաշտօնավարել է Էջմիշտի հիւանդանոցում³⁴: Չարաղէտ օրուայ ձերբակալուածների մէջ նրան յիշատակում է Երուանդ Օտեանը³⁵:

Ընդգրկուած է Արշակ Ալպոյաճեանի 303 նահատակաց անուանացանկում³⁶:

7. Թօփճեան.- Պետրոս, բժիշկ: Երուանդ Օտեանը յիշատակում է ապրիլի 11-ին ձերբակալուածների կազմում³⁷:

8. Վարդան ՔՀՆյ.- Գարակեռղեան, Յէրիքէոյի (Յէրիգիւղ) քահանան, վերապրող: Ջինադադարին Կ. Պոլիս է վերադարձել Ուշագից, ուր հասել էր Չանդըրըից³⁸:

9. Գ. Ճէլալ.- Գրիգոր, բժիշկ, հին հնչակեան գործիչ, վերապրող³⁹:

10. Գազազեան.- Արշակ, դեղագործ, հանրային գործիչ, վերապրող⁴⁰:

11. Թորգոմեան բժիշկ.- Վահրամ (1858.20.04, Կ. Պոլիս, Իսկիւտար - 1942, Փարիզ): Փարիզի բժիշկական վարժարանից վկայուած 1884 թ., նոյեմբ. 14-ին: Եղել է Կ. Պոլսի Կայսերական բժշկական ընկերութեան փոխնախագահ, Քաղաքապետութեան Առողջապահական բարձրագոյն ժողովի, Փարիզի բժշկա-պատմական ընկերութեան անդամ: Հեղինակ է բազմաթիւ ուսումնասիրութիւնների, արժանացել է Officier d'Académie պատուանշանի⁴¹:

Չանդըրը է աքսորուել տարագրեալների առաջին իսկ քարաւանի հետ, առաջին Կ. Պոլիս դարձողներից էր երեք շաբաթ անց իշխան Մէջիդ էֆենդու միջամտութեամբ՝ Սայիդ Հալիմին (Վահրամ Թորգոմեանը իշխանի անձնական բժիշկն էր)⁴²: Կ. Պոլիս է վերադարձել 1915-ի մայիսի 2-ին, ըստ 1331 (1915 թ.) 26 ապրիլի հրամանի⁴³:

12. Պողոսեան.- Այս ազգանունը, անուանատառով (Գ.), կայ Գրիգորիս ծ. վրդ. Պալաքեանի Այաշի աքսորեալների ցանկում՝ որպէս Ղախտաբոյժ, Ազգ. երեսփո-

32 Թէոդիկ.- «Ամէնուն տարեցոյցը», ԻԲ տարի, տպ. «Մասիս», Փարիզ, 1928, էջ 368-369
33 Գ. Պալաքեան, *Աշխ.*, էջ 97 (I, II հրտ.). Թէոդիկ, *Յուշարձան...*, էջ 37, 55 (I, II հրտ.)
34 Թէոդիկ, *Յուշարձան...*
35 Եր. Օտեան, *Անիծեալ տարիներ. 1914-1919 (անձնական յիշատակներ)*, գլուխ՝ «Չարաշուք գիշերը», «Անուանացանկ», «Նաիրի» հրտ., Եր., 2004, էջ 92, 556:
36 ԳԱԹ, Արշ. Ալպոյաճեանի ֆ., արխիւ 44, թերթ 4
37 Եր. Օտեան, *Անյն տեղում*, էջ 92, 550
38 Գ. Պալաքեան, *Անյն տեղում*, էջ 96 (I, II հրտ.). Թէոդիկ.- «Ամէնուն տարեցոյցը», Ժ-ԺԴ տարի, *Ապրիլ Տասնըմէկ 1915*, Ա - *Ջինադադարէն վերջ դարձողներ*, էջ 114. Յ. Սիրունի, *Կոմիտասի մեծ ճանապարհ խաչի*, գլ. I - *Չարա-*

շուք մանգաղը, «Էջմիածին», 1968, թիւ Դ, էջ 30. Եր. Օտեան, *Անյն տեղում*, էջ 92, 564
39 Գ. Պալաքեան, *Անյն տեղում*, էջ 97 (I, II հրտ.). Եր. Օտեան, *Անյն տեղում*, էջ 92, 98, 554
40 Գ. Պալաքեան, *Անյն տեղում*. Թէոդիկ, *Յուշարձան...*, էջ 37, 55 (I, II հրտ.)
41 Կենսագրութիւնը եւ մատենագիտութիւնը տե՛ս Vahram Torkomian. *Memoires d'un medecin stambouliote. 1860-1890*. Traduit de l'armenien par Simone Denis-Torkomian. Édité Raymond H. Kévorkian, Paris, 2007.
42 Յ. Սիրունի, *Կոմիտասի մեծ ճանապարհ խաչի մասին*, «Էջմիածին», 1968-ժ, էջ 53-54
43 ԳԱԹ, Վահրամ Թորգոմեանի ֆ., 1331-26 ապրիլ (թուրքերէն, պատճեն, 1 թերթ), ֆ. թիւ 323/16 - III

խան, վերապրող⁴⁴: Թէոդիկի 1916-1920 թթ. (Ժ-ԺԴ տարի) համահաւաք տարեցոյցի «Ջինադադարէն վերջ դարձողներ»-ի կազմում ներկայացուած է «Ղախտաբոյժ տքթ. Պողոսեան - Այաշ, Էնկիւրի, Հալէպ» ընթացքով⁴⁵: (Ինչպէս տեսնում ենք, այստեղ բացակայում է եւ անուանատառը): Գեղարդ սուրիահայ տարեգրքի 1976-78, Բ. գրքում Ղախտաբոյժ խաչիկ Պողոսեանը ներկայացուած է որպէս Այաշի աքսորական^{46,47} սակայն ի թիւս Դանիէլ Վարուժանի, Միքայէլ Շամտանեանի, որոնք հաստատապէս Չանդըրըի աքսորականներ են (տեղեկատուութիւնը կը հաղորդենք տեղում):

Ըստ Հալէպահայ անուանի բժիշկ եւ մշակութային գործիչ Թորոս Թորանեանի «Այս ցանկերուն մէջ յիմարաբոյժ դոկտ. խաչիկ Պողոսեանը ներկայացած է որպէս Գ. Պողոսեան: Վրէպ մը ըլլալու է»⁴⁸: Հետեւաբար եթէ Այաշի այս աքսորականը, ինչ որ ժամանակ Չանդըրըում չի եղել, ինչպէս, օրինակ, համրիչի թիւ 76-ը՝ Հրաչ, որը Այաշ է տեղափոխուել իր իսկ դիմումով (տե՛ս առաջիկայում), ապա Ղախտաբոյժի ազգանունակիցն է համրիչի թիւ 12-ի աքսորականը:

13. Տինանեան.- Բարսեղ, բժիշկ, հանրային գործիչ, վերապրող⁴⁹: Յիշատակում է Մ. Շամտանեանի (համրիչի թիւ 41-ը - Կ. Ա.) յուշերում, ուր ծանուցում է, որ մեկնելիս իր թուրք հիւանդին՝ չէթէճի առապաճը Իսմայիլի աղջկան յանձնել է Ռ.-Սեւակի (համրիչի թիւ 5-ը - Կ. Ա.) խնամքին⁵⁰: Այս ազգանունն առկայ է Թէոդիկի դիմումով աքսորից վերադարձողների ցանկում⁵¹:

1919 թ. ապրիլի 11/24-ին Կ. Պոլսում կայացած յիշատակի առաջին սզահանդէսի կազմակերպիչ-յանձնախմբի անդամներից էր⁵²:

14. Միրզա.- Քեթենեան, դոկտ., դաշնակցական գործիչ, վերապրող: Չանդըրըից փրկուել է փախուստով: Գասթեմունիում ձերբակալուել է, բայց շնորհիւ տեղի ոստիկան զինուորների հրամանատարի բարեացակամութեան ազատուել է Տէր-Ջօր աքսորուելուց: Ապա պաշտօնի է կոչուել օսմանեան բանակում՝ իբրեւ բժիշկ՝ հարիւրապետի աստիճանով, եւ անցել է Չանդըրըից Էնկիւրի եւ Գոնիա⁵³: 1920-ին Ուրֆայում թուրքական բանակի դէմ մղուող ժողովրդական պայքարի ղեկավարներից էր⁵⁴:

44 Գ. Պալաքեան, *Անյն տեղում*, էջ 87, 88 (I, II հրտ.)
45 Թէոդիկ.- «Ամէնուն տարեցոյցը», Ժ-ԺԴ տարի, էջ 114
46 Հայկ Պարիկեան, *Դիմաստուերներ հալէպահայ ազգային դէմքերու*, Է - Դոկտ. խաչիկ Պողոսեան, «Գեղարդ», Բ. գիրք, Հալէպ. 1976-78, էջ 156-157. Կ. Աւագեան, *Թանգարանային ցուցանմոյշն անիսու՝ ամենախոս վկա...*, «Մեծ Եղեռն - 90, Հանրապետական նստաշրջանի միութեան», «Նաիր» հրտ., Գիւմրի, 2005, էջ 130-131
47 Խորիմ շնորհակալութիւն պրն. Միհրան Միմասեանին, տյն յօդուածի պատճեն համար:
48 Թորոս Թորանեան, *Եղեռնայու Մասունք կամ խօստովանողք եւ վկայք խաչի*, Արկայացնող՝ Թորոս Թորանեան, «Նոր օր. մշակութային լաւելուած», Այլմբեր, 2006, 11 (155):

49 Գ. Պալաքեան, *Անյն տեղում*, էջ 97 (I, II հրտ.)
50 Միքայէլ Շամտանեան, *Չանդըրըէն վերջիշուսներ*, տե՛ս Թէոդիկ, *Յուշարձան...*, էջ 115, 133-134 (I, II հրտ.):
51 Թէոդիկ.- «Ամէնուն տարեցոյցը», Ժ-ԺԴ տարի, էջ 115
52 Թէոդիկ, *Յուշարձան...*, «Վերջաբանի տեղ», էջ 128, 146 (I, II հրտ.)
53 Գ. Պալաքեան, *Անյն տեղում*, էջ 97, 172-173, 164 (I, II հրտ.)
54 Հրաչ Տասնապետեան, Հ. Յ. Դաշնակցութիւնը իր կազմութեան միջեւ Ժ-ըմբ. ժողով (1890-1924), Աթէնք, 1988, էջ 119-120, 127

15. Ալթունեան ատամնաբոյժ.- Վահան (1888-1964), ծնունդ եւ մահացել է Կ. Պոլսում⁵⁵:

Աքսորից ազատման վերջին հրամանը ստացած երեք տարագիրներից (տե՛ս համբնի թիւ 15, 87, 96-ը - Կ. Ա.) մէկն է: Չանդըրըից դուրս են եկել 1915-ի օգոստոսի 6/12-ին, օգոստոսի 8-ին հասել են էնկիւրի (Անկարա - Կ. Ա.), որտեղ բանտարկուել են: Օգոստոսի 17-ին դուրս են բերուել բանտից եւ տեղի կաթոլիկ հայութեան 750-800 հոգուց բաղկացած քարաւանի հետ, բազուկներն իրար կապոտած, մահուան ճանապարհ են հանուել: Փրկուել են, սակայն, Պապի Կ. Պոլսոյ նուիրակ Մոնսենոր Դոլչի միջնորդութեամբ, տարուել Գարակէտիկ գիւղ: Օգոստոսի 20-ին այստեղից երեք ընկերները դուրս են եկել եւ ոտքով 21 օրում հասել Պոզանթի, որտեղից էլ քշուել են Տարսոն՝ քաղաքից դուրս հաստատուած տարագիրների վրանաքաղաքը: Յաջողել են ապա վերստանալ աքսորից ազատ արձակուելու նոր հրամանը ընտանիքի անդամների ջանքերով եւ, սեպտ. 19-ին Տարսոնից մեկնելով, Կ. Պոլիս են հասել սեպտ. 22-ին⁵⁶: Այս իրողութիւնը հաւաստուում է վերապրողի դատեր նամակով⁵⁷, որ ստացայ Մոն-

55 Կ. Աւագեան, Թանգարանային մէկ ցուցանմոյշ՝ մէկ փաստաւերագիրք եւ... նորայայտ էջեր.- «Բազմավէպ», 2006, էջ 151: Խորին երախտագիտութիւն մոնրէպլաբնակ պարոն Արայ Կարմիրեանին, ում միջոցով ստացայ ազնուափայլ տիկ. Մարի Սիւզան Ալթունեանի ձեռագիր տեղեկատուութիւնը՝ հոր՝ Վահան Ալթունեանի եւ ընտանիքի մասին: Ցաւ ի սիրտ, 2007-ի դեկտեմբերին իմացայ տիկնոջ մահուան մասին:
56 Օհանէս Թէրլէմէզեան (համրիչի թիւ 7-ը - Կ. Ա.), «Պոլիս. Մտաւորականներու ձերբակալութիւնը եւ աքսորը», տե՛ս 1915. Աղէտ եւ վերածնունդ, Փարիզ, տպագր.- «Արաքս», 1952, էջ 236-242. Եր. Օսեան, *ճոյն տեղում*, էջ 172-173:
57 Կ. Աւագեան, Թանգարանը պատմագրութեան հիմնականը. որոնում եւ... վերապրողաց եւ նահատակաց յետնորդները՝ Մշակութիւնի գար-

րէալից 2003-ին՝ յարձագանս իրեն ընծայագրած գրքի:

16. Կիւլիստան.- Կիւլուսթանեան, ատամնաբոյժ, վերապրող, որի հաւանաբար ազգականը՝ դոկտ. Մելքոն Կիւլիստանեանը⁵⁸, Կ. Պոլիս է վերադարձել Այաշից:

17. Զարեհ.- Համրիչն այս անձը վկայող միակ աղբիւրն է. հաւանաբար բուժսպասարկման ասպարէզից է, քանզի անունը նոյն մասնագիտութեան անձանց շարքում է: Գուցէ՛ Կապիկեան՝, Եփրեմեան, Գազազեան կամ նրանցից մէկի փոխարէն աքսորուած անուանակից:

18. Եզնիկ.- Համրիչը այս անձը վկայող դեռեւս միակ աղբիւրն է (մասնագիտութիւնը՝ Զարեհի վերաբերեալ ենթադրութեամբ):

19. Ասատուր Վ. դեղագործ.- Ասատուրեան Վահրամ (1876 Ստամբուլ, Բեքոյ): 1905-ից զբաղուել է դեղագործութեամբ: Ապրիլի 11/24-ի արհաւիրքի տուժածներից է, վերապրող, որը, Չանդըրըից Հայէպ եւ Մեսքենէ հասնելով, ծառայել է զինուորական հիւանդանոցում (սպայի աստիճանով)՝ որպէս բժշկի օգնական՝ մեծապէս օգտակար լինելով տարագիր հայերին:

Պատերազմից յետոյ դեղատուն է բացել Ստամբուլում՝ Կէտիկ Փաշայ⁵⁹:

գացման եւ մշակութային քաղաքակառուցեան հետազոտութիւնների կենտրոն, մշակութային լրատու, թիւ 3-4, 5 սեպտ. 2003. Այս, Թանգարանային ցուցանմոյշն անխօս՝ ամենախօս վկայ. պրպտումը շարունակում է՝ արձագանգների թելադրանքով...- «Մեծ Եղեռն - 90, Հանրապետական գիտական նստաշրջանի միութեւ», Գիւմրի, 2005, էջ 130:
58 Գ. Պալաքեան, *ճոյն տեղում*, էջ 98, 88 (I, II հրտ.)
59 Թէոդիկ, *Խլեակ մը «Մեծ կարաւան»-էն*, «Ամէնում տարեցոյցը», ԺԷ տարի, 1921, տպ. Մ. Յովակիմեան, Կ. Պոլիս, էջ 168. Arsen Yarmán, *Osmanlı Sağlık hizmetlerinde Ermeniler ve Surp Prçiç Ermeni hastahanesi tarihi*, 2001, İstanbul, s. 305: Խորին երախտագիտութիւն՝ համրիչի թիւ

20. Մանիկեան.- Պետրոս, դեղագործ, հանրային գործիչ, վերապրող: 1893-ին Ստամբուլի դեղագործների միութեան անդամ էր, դեղատուն ունէր Գումդաբուում⁶⁰:

21. Զարիֆեան.- Աւետիս, դեղագործ, հանրային գործիչ, վերապրող: Ստամբուլի դեղագործների միութեան հիմնադիր անդամներից էր: Դեղատուն ունէր Գումդաբուում: 1936-ին վաղթել է Փարիզ⁶¹:

22. Միսքեան.- Գրիգոր (1865-1915), դեղագործ, նահատակուած էնկիւրիի մօտ, բժիշկ եղբոր՝ Ստեփանի (Համրիչի թիւ 6-ի ազգանունակիրը - Կ. Ա.) հետ⁶²:

23. Հաճեան.- Յայտնի է անուան առաջին տաւը՝ Գ., զինադադարին Կ. Պոլիս է վերադարձել Չանդըրըից⁶³:

24. Ղաղարոս.- Հաւանաբար դաշնակցական գործիչ Ղաղար Ղաղարեանի (Մարզպետ) փոխարէն աքսորուած մէկն է:

25. Թէրզեան.- Յակոբ (22 օգոստոս, 1879, Հաճն - 1915, էնկիւրի): Հնչակեան էր: 1897-ին Կ. Պոլիս գալով՝ 1900-ին ստացել է դեղագործի վկայական: Դեղատուն է ունեցել Հաճընում, Ադանայում: Կ. Պոլսում բացել է «Ադանա» դեղատունը՝ Գումդաբուում: Զրաղուել է գրական գործունէութեամբ՝ պոլսահայ մամուլում հան-

4-ի Աոյնանուն թոռանը՝ մեծարգոյ պրն. Միսաք Ընտահիրեանին, Արսէն Եարմանի ստուարածաւալ գրքից մեզ անհրաժեշտ յօդուածների թարգմանութեան համար:
60 Գ. Պալաքեան, *ճոյն տեղում*, էջ 98 (I, II հրտ.), Arsen Yarmán, *Աշ. աշխ.* էջ 311
61 Գ. Պալաքեան, *ճոյն տեղում*, էջ 97, 98 (I, II հրտ.), Arsen Yarmán, *Աշ. աշխ.*, էջ 315
62 Գ. Պալաքեան, *ճոյն տեղում*, էջ 98 (I, II հրտ.), Թէոդիկ, *Յուշարձան...*, էջ 37, 55 (I, II հրտ.), 1915-1965 - *Յուշամատեան Մեծ Եղեռնի*, Գ. - Ապրիլեան արիւնտ կիրակին Ստամբուլում, Գ. տարի, Պէրոյթ-Լիբանան, 1987, էջ 39. Գ.Ա.Թ, Արշ. Ալպոյաճեանի ֆ., արխիւ 44, թերթ 1:
63 Թէոդիկ, «Ամէնում տարեցոյցը», ԺԷ տարի, էջ 115

դէս գալով Յակիթեր, Հմայեակ, Տաւրոս, Յիթո կեղծանուններով: Ստուարածաւալ աշխատութիւնն է Կիլիկիոյ աղէտը (1909 թ. կոտորածների վիճակագրութեամբ)՝ 5 հատորով տպագրուած 1912-ին, թողել է Հաճընի գաւառաբարբառը ձեռագիր⁶⁴:

Ըստ Արսէն Եարմանի՝ այնպստ է մահուան տարիթիւր: Նա յիշատակում է նաեւ Յակոբ Թէրզեանի միաժամանակ փաստարան լինելու մասին⁶⁵:

26. Նշան.- Գալֆայեան (1965⁶⁶), ճարտարագէտ-երկրագործ, հանրային գործիչ, վերապրող: Եղել է Թուրքիայի դիւղատնտեսութեան եւ առեւտրի նախարարութեան դիւղատնտեսական տնտեսագիտութեան մասնագէտ (էկոնոմիստ) եւ պատասխանատու տնօրէնի օգնական⁶⁶: 1924-ին տեղափոխուել է Յունաստան, 1927-ին՝ հրաւիրուել Իրան, պաշտօնավարել՝ որպէս շահի կալուածքների պետերից մէկը: Ընտրուել է Յրանսիական Ակադեմիայի թղթակից անդամ⁶⁷: Յիշողութիւնները Չանդըրըի աքսորական կեանքից ամփոփուած են Թէոդիկի 1925-ի տարեցոյցի էջերում⁶⁸:

27. Նարկիլէճեան.- Յակոբ, 1900 թ. աւարտել է Գալաթասերայի լիցէյը: 1904-ին դեղագործական ուսումնարանի շրջանաւարտ էր: Դեղատուն է ունեցել Օսմանբէյում (Շիշլիի կողմերում)⁶⁹: Աքսորուել է

64 Գ. Պալաքեան, էջ 98 (I, II հրտ.), 1915-1965, *Յուշամատեան Մեծ Եղեռնի. ճոյն տեղում*, էջ 39. Թէոդիկ, *Յուշարձան...*, էջ 30, 48 (I, II հրտ.), Գ. Ստեփանեան, *Կենսագրական բառարան*, հտ. Ա, Սր. 1973, էջ 360
65 Arsen Yarmán, *Աշ. աշխ.*, էջ 314
66 Arsen Yarmán, *Աշ. աշխ.*, էջ 328
67 Գ. Պալաքեան, *ճոյն տեղում*, էջ 97 (I, II հրտ.), Գ. Ստեփանեան, *Աշ. աշխ.*, էջ 223
68 Թէոդիկ, «Ամէնում տարեցոյցը», ԺԷ տարի, 1925, էջ 87
69 Arsen Yarmán, *Աշ. աշխ.*, էջ 312. առկայ է լուսանկարը. տե՛ս նաեւ «Բազմավէպ», 2006, 1-4,

գինուորական դեղագործի պաշտօնական հագուստով, որի նշանները թուրք ոստիկանը պոկել է Հայտար Փաշայի Ա. սպասարահուստից արտաքնոց տանելով՝ ի նուաստացում⁷⁰: Վերապրող է՝ աքսորից ազատուած առաջին խմբի կազմից (ըստ Գրիգորիս Պալաքեանի նրանք հինգն էին)⁷¹:

28. Արսենեան.- Ասատուր, դեղագործ, նահատակուած Տէր-Զօրի կողմերում⁷²: Ըստ Արսէն Եարմանի՝ վերապրող է⁷³: Եթէ նկատի ունենանք հեղինակի Յակոբ Թէրզեանի վերաբերեալ տեղեկութեան մէջ այս անձի ստոյգ նահատակութեան վերաբերեալ լուծութիւնը (մահուան թուականն՝ անյայտ), ապա հաւատ չի ներշնչում սոյն հաղորդումը:

29. Դանիէլեան Պ. փաստաբան.- Պօղոս, եղբայրացի, փաստաբան, դաշնակցական գործիչ: Նահատակուել է Տէր-Զօրի կողմերում⁷⁴:

30. Չերազ.- Գասպար Գրիգորի (1850-1928) փաստաբան: Ծնուել է սնանկացած ամիրայի ընտանիքում⁷⁵: (Ծնողները Կ. Պոլիս են գաղթել Ապուլչեի (Ակնի շրջան)

Չերազ թաղից, հաստատուել Խասկիւղի Պատեմլիկ թաղում)⁷⁶: Եղել է Խասկիւղի դպրոցի հոգաբարձու, Հայոց Դատաստանական խորհրդի անդամ: Աշխատակցել է Բազմավէպին, Բիւզանդիոնին⁷⁷: Չանդըրը է աքսորուել մեծանուն եղբոր՝ Մինաս Չերազի փոխարէն (որը Փարիզ էր անցել 1914-ին)⁷⁸: Ըստ Թէոդիկի՝ Կ. Պոլիս է վերադարձել Չանդըրը-Ուշագ տաժանքով⁷⁹, հոգեկան հաւասարակշռութիւնը խախտուած, որը վերջնականապէս կորցրել է՝ ջարդարարների դատավարութիւնից յուսախաբ (դատավարութեան վկաներից էր)⁸⁰:

Գասպար Չերազը հայրն է Վահան Չերազի⁸¹:

31. Մովսէս.- Պետրոսեան, ուսուցիչ, դաշնակցական գործիչ: Բուլղարահայ լինելով՝ աքսորից ազատուել, մեկնել է Սֆիւսի⁸²:

32. Տ. Քէլէկ խմբագիր.- Տիգրան, Տիրան⁸³ (20 սեպտ., 1862, Կեսարիա - 1915 հոկտ., Սեբաստիոյ մօտ): «Միջազգային տարողութեամբ օրագրող եւ հրատարակագիր»⁸⁴: 1894-ի ջարդերից յետոյ ստիպուած մեկնել է Յունաստան, ապա՝ Մարսել: Վերադարձել է Կ. Պոլիս հինգ ամիս անց, աշխատակցել թուրք թերթերի,

էջ 151, ձախից՝ I (Ակարաշարում շփոթուած են Ա. 1-ին եւ 2-րդի բացատրագրերը - Կ. Ա.):
70 Ա. Նագգաշեան, Հայ մտատրականներու ձերբակալութիւնը եւ Այաշի բանտը, հրտ. Կ. Տօնիկեան եւ որդիք, Պէյրութ-Լիբանան, 1969, էջ 13.
Գ. Պալաքեան, Աջ. աշխ., էջ 84 (I, II հրտ.)
71 Գ. Պալաքեան, Առջ. տեղում, էջ 98, 106, 105 (I, II հրտ.)
72 Գ. Պալաքեան, Առջ. տեղում, էջ 98 (I, II հրտ.), ԳԱԹ, Արշ. Ալլոյաճեանի ֆ., արխիւ 44, թերթ 1. 1915-1965 - Յուշամատեն... Պէյրութ-Լիբանան, 1987, էջ 39. Վանիկ Հայրապետեան (դեղագործ), Ջոն գնացիս եթարդանիս. տե՛ս Ալբերտ Փարսադեան, Թղթապանակ 1915, Եր., 2005, էջ 31:
73 Arsen Yarmen, Առջ. տեղում, էջ 288, 305
74 Գ. Պալաքեան, Առջ. տեղում, էջ 97, 263/247 (I, II հրտ.). Թէոդիկ, Յուշարձան..., էջ 39, 57 (I, II հրտ.). Արշ. Ալլոյաճեանի ֆ., Առջ. տեղում, թերթ 4
75 ՀԱՀ, հտ. 9, Եր., 1983, էջ 11

76 Վազգէն Անդրէասեան, Վահան Չերազ եւ իր երգն Հայաստանի, տպ. «Սեւան», Պէյրութ-Լիբանան, 1977, էջ 24
77 Նոյն տեղում, էջ 26
78 ՀԱՀ, հտ. 9, էջ 12
79 Թէոդիկ, «Ամէնուն տարեցոյցը», Ժ-Ժ տարի, էջ 114
80 Վազգէն Անդրէասեան, Առջ. տեղում, էջ 25
81 Վերջինիս յարգարժան դատեր արձագանք տե՛ս Բիւրակն Անդրէասեան - Չերազ, Համրիչի 30-րդ հատը.- Գասպար Չերազ, «Ազգ», 21. 08. 1996, էջ 6:
82 Գ. Պալաքեան, Առջ. տեղում, էջ 97 (I, II հրտ.)
83 Թէոդիկ, Յուշարձան..., էջ 8-9, 26-27 (I, II հրտ.)
84 Կ. Գեորգեան, Հոյլը մեր մեծամուն նահատակներում, «Ամէնուն տարեգիրքը», ԺԲ տարի, 1965, Պէյրութ-Լիբանան, էջ 165

ստանձնել «Թարիզ»-ի խմբագրապետութիւնը: Նորից Եւրոպա անցնելով՝ թղթակցել է Եւրոպական մամուլին եւ 1898-ին կրկին Կ. Պոլիս է վերադարձել՝ օգտուելով Եւրոպայում գտնուող օսմ. հպատակների մասին թուրք կառավարութեան ներման հրատարակումից: Անապահովութիւնը երկրում ստիպել է, սակայն, եզիպոս մեկնել, որտեղից Կ. Պոլիս է հասել արդէն «Հիւրիէթ»-ին ապաւինած⁸⁵ եւ ստանձնել Սաբաթ (Առաւօտ) օրաթերթի խմբագրապետութիւնը: Իր խմբագրականները ստորագրում էր իր իսկ անուանատառերից ստեղծած «Տալ-քէաֆ» անուամբ: Տպագրուել է՝ «Գլանիկ», Եւրոպայում՝ «Վիքսթ օր Գլանիկ» եւ այլ ճ ծածկանուններով: Սուրհանդակին աշխատակցել է՝ որպէս Սիրայր, նաեւ՝ Տիրոնքէ: Ինքնաշխատութեամբ գիտակ էր անգլերէնի, ֆրանսերէնի, ինքնաբերաբար՝ թուրքերէնի: Ռամկավար կուսակցութեան ատենապետ էր:

Աքսորուել է՝ անունը մի քանի ցանկերում լինելով: Նահատակուել է Սեբաստիոյ Ալիս (Գրզըլ Ըրմաք) գետի կամրջից ցած հրուելով (կամ արդէն սպասուած՝ ցած նետուած)⁸⁶, իր իսկ աշակերտի՝ Սեբաստիոյ կուսակալ Մուհամմետի հրամանով:

Ընդգրկուած է Արշակ Ալլոյաճեանի նահատակաց անուանացանկում⁸⁷:

33. Բ. [իւղանդ] Քէլէան.- խմբագիր (1859, 8 օգոստոս, Գումգաբու - 1927, 29 յունիս): Լրագրութեան ասպարէզ է մտել 17 տարեկանից, սկզբում թրքալեզու երկու թերթերի խմբագրութիւններում, ապա՝ Մասիսում եւ Արեւելքում (1879-1896 թթ.), որի խափանումից յետոյ՝ նոյն թուականի նոյեմբերի 4-ին, հիմնել է Բիւզանդիոնը՝ որպէս տնօրէն-խմբագրապետ մնալով

85 Նոյն տեղում
86 Գ. Պալաքեան, Աջ. աշխ., էջ 96, 170, 162 (I, II հրտ.). Կ. Գեորգեան, Առջ. տեղում
87 ԳԱԹ, Արշ. Ալլոյաճեանի ֆ., արխիւ 44, թերթ 4

շուրջ 20 տարի (1896-1916 թթ.), քանզի Չանդըրըից վերադառնալուց յետոյ [2.05 (հին տոմար) 1915-ին] եւս անցել է իր աշխատանքին մինչեւ Բուլղարիա մեկնելը: Պատերազմից յետոյ Կ. Պոլիս վերադառնալով՝ աշխատակցել է Վերջին լուրին, եւ Նոր լուրին, մինչ իր մահը: Ծածկանունն էր «Տանուէր Յարոն»: Եղել է Ազգ. երեսփոխան: Կ. Պոլիս Ս. Փրկիչ Ազգ. հիւանդանոցի պատմութիւնն ամփոփող առաջին հեղինակն է⁸⁸:

34. Թօփեան.- Յակոբ (1876, Այնթապ - 1951, մարտի 18, Բէյրութ), Գէորգեան ճեմարանի շրջանաւարտ, ձեռագրագէտ, հեղինակ մի շարք ձեռագրաց ցուցակների: 1904-ին իր դոկտորական թեզը ներկայացրել է Բեռլինի Հալէի համալսարանին, ստացել՝ դոկտ. փիլիսոփայութեան եւ մագիստրոս գեղարուեստից տիտղոսը: Հին եւ նոր 10 լեզուների գիտակ էր:

Մինչեւ Առաջին համաշխարհային պատերազմը Կ. Պոլսոյ Ազգային մարմնի երեսփոխան էր, ուսումնական խորհրդի ատենապետ: 1906-1908 թթ. եղել է Արեւելքի խմբագրապետը, Ժողովրդի ձայն օրաթերթի պատուակալ խմբագիրն ու աշխատակիցը: 1908-ից թղթակցել է Բեռլինի եւ Լոնդոնի մի շարք թերթերի: 1915 թ. ապրիլի 11/24-ին ձերբակալուած եւ Չանդըրը աքսորուած մտաւորականութեան առաջին խմբից էր: Կուսակցական պատկանելութեամբ՝ ռամկավար ազատական:

Աքսորից ազատուել է գերմանացի գրող, լրագրող էմիլ Լիւդուիգի Թալէաթին արուած անմիջական միջնորդութիւն-խնդրանքով:

Չինադադարից յետոյ Տիգրան Չախանի գործակցութեամբ հրատարակել է

88 Գ. Պալաքեան, Առջ. տեղում, էջ 96 (I, II հրտ.). Թէոդիկ, «Ամէնուն տարեցոյցը», Դ տարի, 1910, էջ 291. Առջ. տեղում, ԺՁ տարի, 1922, էջ 44-45. Առջ. տեղում, ԻԲ տարի, 1928, էջ 651. Arsen Yarmen, Աջ. աշխ., էջ 437

Ռընէսաւն ֆրանսերէն թերթը (1919-1921 թթ.), ի պաշտպանութիւն Հայ Դատի:

1922-ին քեմալականները, Կ. Պոլիս մտնելով, վերջնականապէս յուսախար են անում Հայ մտաւորականութեանը, որոնցից շատերը բռնում են դաղթի ճամփան՝ արտասահման: Նրանց թւում էր եւ Յակոբ Թօփճեանը, ում ազգանունէր գործունէութիւնը նոր շրջան է թեւակոխում սփիւռքահայ կրթութեան, բարեգործութեան ու լորտներում Փարիզ, Բէյրութ, Կիպրոս աշխարհագրութեամբ:

1945-ին Գարեգին Ա կաթողիկոսը դուկտ. Յ. Թօփճեանին հրաւիրում է Անթիլիաս՝ որպէս խորհրդատու, Դպրեվանքի դասախօս եւ Հասկ ամսագրի խմբագրապետ: Այս բազմածաւալ աշխատանքը նա կատարում է ամենայն ձեռնհասութեամբ՝ ներառեալ 1949 թուականը⁸⁹:

35. Անտոնեան.- Արամ (1875/1881, Կ. Պոլիս - 1952, 23.12, Փարիզ), գրող, խմբագիր, բանասէր, պատմաբան, հրապարակախօս: Խմբագրել է Ծաղիկ, Լոյս գրական, Կառափնատ, Խարազան երգիծական հանդէսները, կազմել Հայ գրականութեան դասագրքեր՝ Գանձարան խորագրով, եւ Դայլալիկ ընթերցարանները: 1912-13-ին մասմաս տպագրել է Պատկերազարդ ընդարձակ պատմութիւն Պալքանեան պատերազմին քառահատորը (աւելի քան 1000 էջ՝ 100-ից աւելի նկարներով):

Առաջին համաշխարհային պատերազմի սկզբներին (1914 թ.) Կ. Պոլսում պաշտօնավարել է՝ որպէս զինուորական գրաքննիչ: Զերբակալուել է իր թուրք

89 Գ. Պալքեան, *Աշխ.*, էջ 97 (I, II հրտ.). Ա. Նազգաշեան, *Աշխ.*, էջ 13. Թ. Թորանեան, *Ապրող մարդեր*, գլ. 2 - Մէծ բանասէրը՝ մշուշի ետին, Պէյրութ-Լիբանան, 1991, էջ 84-103: Խորին երախտագիտութիւն պարոն Կարո Արրահամեանին, ում բարեացակամ աջակցութեամբ ինձ հասաւ պրն. Թորոս Թորանեանի սոյն ուշագրաւ աշխատութեան մեզ անհրաժեշտ հատուածը:

պաշտօնակցի մատնութեամբ Հայոց պատրիարքարանին տեղեկութիւններ հաղորդելու մեղադրանքով: Պատերազմական ատեանն այդ չի հաստատել, բայց նետել է «ամէլէ թապուրը»-ների մէջ: Փախուստը չի փրկել. յայտնուել է 1915 թ. ապրիլի 11/24-ի զոհ աքսորական մտաւորականութեան ցանկերում, տարագրուել Չանղըրը:

1915-ի օգոստոսի սկզբներին աքսորավայրից սպանդ քշուող երկրորդ քարաւանում էր եւ միակ ազատուողն է եղել ստոյգ մահից, ասես նախախնամութեամբ, հետագայում աշխարհին յանձնելու համար Մեծ ոճիրը փաստավաւերագրիչը, Այն սեւ օրերուն պատկերաշարը:

(Սպանդից փրկուել է ճանապարհին կառքի ցնցումից վայր ընկնելիս սրունքը կոտրուելու եւ հիւանդանոց տեղափոխուելու հետեւանքով):

Զինադադարին Կ. Պոլիս է հասել Թարսուս-Հալէպ տաժանքը յաղթահարած:

1921-ին Սողոմոն Թեհլիրեանի դատավարութեան վկաներից էր:

1926 կամ 28 թ. մինչ մահը՝ Փարիզի Նուպարեան Ազգային մատենադարանի տնօրէնն էր⁹⁰:

90 ՀՍՀ, հտ. 1, Եր., 1974, ՀՍՀ գլխ. խմբագր. հրտ., էջ 456. Հայկական համառօտ հանրագիտարան (այսուհետ՝ ՀՀՀ), հտ. 1, Եր., 1990, էջ 224. Գ. Պալքեան, *Այն տեղում*, էջ 97, 142, 136 (I, II հրտ.). Կ. Գեորգեան, «Ամէնուն տարեգիրքը», ժԲ տարի, 1965, Պէյրութ-Լիբանան, էջ 202, 205. Գառնիկ Ստեփանեան, *Կենսագրական բառարան*, հտ. Ա, Եր., 1973, էջ 100-101. Արամ Անտոնեան, *Մեծ ոճիրը*, Պոսթըն, 1921, II հրտ. «Արեւիկ», Եր., 1990. *Այն սեւ օրերուն. Պատկերներ*, Պէյրութ-Լիբանան, 1985 (խորին երախտագիտութիւն ազնուախոս տիկին Գոհար Անտոնեանին, որն ինձ տրամադրեց գրքի քերտպատճէն իր օրինակը՝ լակամէ ծանօթագալու հանրատրութիւն ընձեռելով). Միքայէլ Ծամտանեան, *Չանղըրէն վերջումներ*, տե՛ս Թեղիկ, *Յուշարձան...*, էջ 114, 132 (I, II հրտ.). *Այն*, «Ամէնուն տարեգիրք», ժ-ժԴ տարի, 1916-20, էջ 114-115. *Այն*, 1922, ժԶ տարի, էջ 87-90. Եր. Օտեան, *Աշխ.*, էջ 78-80, 90,

36. Թոլայեան.- Երուանդ [(Յրանսուա), (1884, Կ. Պոլիս, Բերա - 1937, Հայաստան), (ծննդեան թիւը յիշատակում է նաեւ 1883, 1883.29.08 մանրամասնով)]: Պոլսահայ յայտնի հրապարակագիր, խմբագիր, թարգմանիչ Յովհաննէս Թոլայեանի որդին:

Պատանութեան շրջանում մուտք է գործել թատերական ասպարէզ՝ առաջին քայլերն անելով Մարտիրոս Մնակեանի մօտ: «Հիւրիէթի»-ից յետոյ եղել է թատերական գրեթէ բոլոր խմբերի կազմում Պենկլեանին միանալով մեկնել է Փարիզ, Լոնդոն:

1908 թ. յուլիսի 19-ից լոյս է ընծայել Կապոռո երգիծաթերթը, որի արտօնատէր խմբագրապետն էր ու տպարանատէրը (տպարանը գտնուում էր Բերա, Մեծ փողոց, թիւ 65): Թերթի տպագրութիւնն ընդհատուել է Թոլայեանի աքսորի շրջանին՝ զինուորագրութեան ընթացքում, վերսկսուել է մինչեւ 1925-ը Կ. Պոլսում, ապա՝ Փարիզում:

Աքսորից դարձածների առաջին խմբի կազմում էր: Թեղիկի «Դիմումներով՝ աքսորէ դարձողներ»-ի խմբում է:

1918-22-ին խաղացել է Կ. Պոլսի, 1926-36-ին Փարիզի Հայկական թատրոնների ներկայացումներում: 1936-ին ներգաղթել է Հայաստան, 1937-ին՝ բռնադատուել գնդակահարուել: Արդարացուել է յետմահու⁹¹:

184, 185, 188, 242, 243, 245, 416, 509, 545. Սողոմոն Թեհլիրեանի դատավարութիւնը (սղագրութիւն) «Արեւազուն» հրտ., Եր., 1990, էջ 122-123, «Հայկական հարց հանրագիտարան», էջ 40. *Ով ով է*, կենսագրական հանրագիտարան, հտ. 1, Եր., 2005, էջ 104:

91 Գրիգորիս Ժ. վրդ. Պալքեան, *Այն տեղում*, էջ 97, 106, 105 (I, II հրտ.). Թեղիկ, «Ամէնուն տարեգիրք», Դ. տարի, 1910, տպագր. Տէր-Ներսէսեան վ. եւ Հ. Կ. Պոլիս, էջ 298. *Այն*, ժ-ժԴ տարի, 1916-1920, տպագր. Քէշիշեան Կ., Կ. Պոլիս, էջ 279. *Այն*, ժԷ տարի,

37. Շահնուր.- Ներսէս. Համրիչն այն աղբիւրն է, որից տեղեկանում ենք այս անձի Չանղըրի աքսորական լինելու իրողութեան մասին: Չի յիշատակում Գրիգորիս Ժ. վրդ. Պալքեանի աքսորականների ցանկերում: Այս անունը ներառուած է Արշ. Ալաօյաճեանի նահատակաց անուանացանկում, Թեղիկի Յուշարձան...-ի նահատակաց կազմում, առանց աքսորավայրի յիշատակութեան, այն է՝ «Կեսարացի: Ս. Կարապետի վանքէն ընթացաւարտ երիտասարդ ուսուցիչ, որ պաշտօն կը վարէր Բերա՝ Ս. Գ. Լուսաւորչեան Կաթողիկէ վարժարանը»⁹²:

38. Ս. Սրենց ուսուցիչ.- Սարգիս (Գըլըճեան), (1875-1955), գրող, խմբագիր, թարգմանիչ, մանկավարժ, դաշնակցական գործիչ: Վերապրող է: Դեռ ուսանողական շրջանում գաղափարակից-գործակիցն էր Արմէն Գարոյի (Փաստրմաճեան) եւ Հրաչի (Հայկ Թիրէաքեան. Համրիչի թիւ 76-ը - Կ. Ա.), ի թիւս որոնց գնահատուել է եւ հետագայում:

Չանղըրից փրկուել է Հնարամտութեամբ՝ Հասնելով Գոնիա, ապա՝ Կ. Պոլիս: 1919-ի մարտի 20-ից Ազգ. ժողովի քաղաքային յանձնախմբի անդամ էր⁹³:

1921, էջ 276. *Այն*, ժԶ տարի, 1922, էջ 40. Եր. Օտեան, *Անիծեալ տարիներ...*, էջ 90, 98. Գառնիկ Ստեփանեան, *Կենսագրական բառարան*, հտ. Ա. (Ա-Թ), էջ 366, ՀՀՀ, հայկ. հանրագիտարանի գլխ. խմբագր. հրտ., հտ. 2, Երեւան, 1995, էջ 301. *Ով ով է*, կենսագրական հանրագիտարան, հտ. 1, Եր., 2005, էջ 434

92 Գ.Ա.Թ. Արշ. Ալաօյաճեանի ֆ., արխիւ 44, թերթ 4. Թեղիկ, *Յուշարձան...*, էջ 38, 56 (I, II հրտ.)

93 Գ. Պալքեան, էջ 97, 173, 164-165 (I, II հրտ.). Եր. Օտեան, *Անիծեալ տարիներ...*, էջ 461, 517, 563. Թեղիկ, «Ամէնուն տարեգիրք», ժ-ժԴ տարի, 1916-1920, էջ 115. *Այն*, ժԷ տարի, 1921, էջ 156-157. Յ. Սիրունի, *Ինքնակենսագրական ձոթեր*, էջ 124, 243, 290, 345. Հրաչ Տասնապետեան, Հ. Յ. Դաշնակցութիւնը իր կազմութեան մինչեւ ժ ընդհ. ժողով, Աթէնք, 1988, էջ 66, 241: Սրենցի թարգմանական շնորքի վերաբերեալ տեղեկացել եմ յարգարժան

39. Խօճասարեան.- Հայկ (?-1935), բազմամեայ ուսուցիչ, ուսմկավար, հանր. գործիչ, հրապարակախօս, Ազգային Երեսփոխանական ժողովի ատենապետ: Լրագրող եւ երեսփոխան Օգոստին Խօճասարեանի որդին է:

Ապրիլ 11/24-ին ձերբակալուած եւ Չանդըրը քուած աքսորականների առաջին քարաւանի կազմում էր, Չանդըրըից ազատուածների առաջին խմբում, պատրիարքարանի միջնորդութեամբ՝ ըստ Այաշի աքսորական Սմբատ Բիւրատի 6 Յունիս թուակիր երկտողի [(Չանդըրըի եւ Այաշի աքսորականների միջեւ գրաւոր անուղղակի հաղորդակցութեան մասին յայտնի է նաեւ Բիւրատի Պօզաճեանի (ղարձեալ՝ այաշական) յուշագրութիւնից)]:

Թէոդիկի «Դիմումներով աքսորէ դարձողներ»-ի թւում է:

1919-ի մարտի 20-ից՝ Ազգ. ժողովի քղբ. յանձնախմբի անդամ էր Ս. Սրենցի հետ միասին (համրիչի թիւ 38-ը - Կ. Ա.):

Ըստ իր թողած յուշագրութեան՝ աքսորից առաջին ազատ արձակուածը Կոմիտասն է եղել⁹⁴:

40. Վարուժան.- Դանիէլ (Չիպուք-քէարեան), 1884, 21 ապրիլ, Սեբաստիոյ Բրզնիք գ. - 1915, 13/26 օգոստոս, Թիւնէյ):

1914-ին Յ. Ճ. Սիրունու հետ լոյս է ընծայել Նախարդ տարեգիրքը: Չարաղէտ 1915-ին Բերայի Հոռոմ. Հայոց Ս. Գրիգոր Լուսաւորիչ վարժարանի տեսուչն էր:

Ըստ կնոջ՝ Արաքսի Վարուժանի եւ Յովհ. Պօղոսեանի յուշագրութեան՝ ձերբակալուել է ապրիլի 11/24-ի գիշերը՝ Ժ. 11-ն անց, առաջին քարաւանի հետ աքսորուել է Չանդըրը, որտեղից թրքերէն քարտ-հեռագրեր է ուղարկել կնոջը եւ այլոց:

Ըստ աքսորակից Արամ Անտոնեանի (համրիչի թիւ 35-ի ազգանունակիրը - Կ. Ա.) յուշագրութեան՝ 6 տետր բանաստեղծութիւն է հեղինակել, որոնք, սակայն, ենթադրուած է, մնացել են այն տանը, որ վարձել էր (յիշատակութիւն կայ նաեւ, որ տան տիրուհին ապրում էր Մանուշակ անունով դստեր հետ):

Նահատակուել է 13/26 օգոստոս, 1915-ին, Թիւնէյում, իր 4 ընկերների հետ (համրիչի թիւ 5, 49, 65, 66-ը - Կ. Ա.) որդու՝ Հայկակի ծննդեան օրը:

Յետմահու ուսումնարանի սաների «Նաւասարդ» միութիւնը հրատարակել է Արաքսի Վարուժանի ջանքերով ոստիկանութիւնից փրկուած Հացին երգը⁹⁵:

41. Շամտանճեան.- Միքայէլ [1874, Կ. Պոլիս - 1926, օգոստոս 21, Ղազիր (Լիբանան), յանկարծամահ]: 1893-98-ին ու-

95 Գ. Պալաքեան, *Առ. աշխ.*, էջ 96 (I, II հրտ.). Յ. Սիրունի, *Առ. աշխ.*, էջ 194, 346. Միսաք Մեծարեանը եւ Դանիէլ Վարուժանը ժամանակակիցների յուշերում, կազմեց եւ ծանօթագրեց՝ Ա. Ծարուբեանը, էջ 118-120, 252, 252-253, 258-259, 260-267, 267-271, 271-274, 322. Թէոդիկ, «Ամէնում տարեցոյցը», Գ. տարի, 1909, էջ 78-79 (Վարուժանի ինքնակենսագրութիւնը՝ 1908-ի 1/X դրութեամբ). *Առ. աշխ.*, էջ 12/13, 30/31 (I, II հրտ.). Կ. Գեորգեան, *Առ. աշխ.*, էջ 161. Դանիէլ Վարուժան, *Երկերի լիակատար ժողովածոյ*, հտ. 3, Եր., 1987, էջ 466-468, ծնթ., էջ 643-645. Կարինէ Աւագեան, *Առ. աշխ.*, էջ 89, թիւ 195-196, էջ 90, թիւ 197-198, էջ 91, թիւ 199 եւ ծնթ. *Ով՛ ով է*, կենսագրական հանրագիտարան, հտ. 2, էջ 552-553:

պրմ. Միհրան Միմասեանի նամակին կից հաղորդագրութիւնից. տե՛ս «Հասկ» հայագիտական տարեգիրք, Գոր շրջան, Ա. հատոր, Անթիլիաս, 1980, էջ 333:

94 Գ. Պալաքեան, *Առ. աշխ.*, էջ 97 (I, II հրտ.), Թէոդիկ, «Ամէնում տարեցոյցը», 7-րդ տարի, Կ. Պոլիս, 1913, էջ 145. *Առ. աշխ.*, *Յուշարձան...*, էջ 21/39 (I, II հրտ.). *Առ. աշխ.*, «Ամէնում տարեցոյցը», Ժ-Ժ տարի, 1916-1920, էջ 115. *Առ. աշխ.*, ԺԷ տարի, 1921, էջ 157. Լ. Խօճասարեան, *Կոմիտաս վարդապետ. անձնական յուշերէս.* - «Հայաստանի կոչնակ», ԼԶ տարի, թիւ 1, յունուար 4, Նիւ-Եօրք (տե՛ս նաեւ «Էջմիածին», 1968, թիւ Է, Ը-Թ, էջ 12, 100-101). Եր. Օտեան, *Անթիլիաս տարիներ...*, էջ 92, 98, 552:

սանել է Լայբցիկի եւ Բեռլինի համալսարաններում՝ հմտանալով պատմութեան, գրականութեան ասպարէզներում: Գերմաներէնի եւ պատմութեան ուսուցիչ էր, թարգմանիչ, հանրային գործիչ: Խմբագրել է Մասիս, Ծաղիկ, Ոստան պարբերականները (վերջինը հրատարակել է Այաշի աքսորական նահատակ Տիգրան Չէօկիւրեանի հետ, վերահրատարակել, ապա՝ զինադաշարից յետոյ):

Ապրիլի 11/24-ի 1-ին մեծ կարաւանի կազմում էր: Եղբորը՝ Լեւոնին, Այաշ էին աքսորել (նոյնպէս վերապրող): Իր Խաչի ճամփան պատկերել է «Չանդըրըէն վերջի-շումներ» եւ «Հայ մտքին հարկը եղէտնին», իրաւամբ, վաւերագիր-յուշագրերում: Չանդըրըից Ուշագ է հասել երեք ընկերների հետ (համրիչի թիւ 2, 8, 30-ի ազգանունակիրները - Կ. Ա.) 1915-ի նոյեմբերի 18-ին, Կ. Պոլիս է վերադարձել 1918 թ. նոյեմբերի 17-ին լծուելով Հայ Դատի Արդարամարտին: Ազգային քաղաքական մատենաշար խորագրի ներքոյ թարգմանաբար հրատարակել է 1. Անրի Բարբիւսի Սարապի երկրին մէջ, 2. դոկտ. Լեփսիուսի Գաղտնի տեղեկագիր Հայաստանի ջարդերում, 3. դեսպան Մորկենթաուի Պատմածները, 4. դեսպան Ճէրըրտի Պատմութեանը, 5. Ա. Մանտելսթամի Օսմանեան կայսրութեան ճակատագիրը:

Վերապրումի տարիների վկայութիւնն են իր Զգացողութիւնները՝ գրուած 1919-ին Կ. Պոլսում, Մտածումները՝ Պէյրութում, 1926 թուակիր (վերջին ձեռագիրը)⁹⁶:

42. Չաւուշեան.- Երուանդ (1867, Պոլիս - 1916, Համմամ), վերակազմեալ հնչա-

կեան գործիչ, արտօնատէրը՝ 1908-ի հոկտ. 23-ից հրատարակուած Ջայն Հայրենաց քաղաքական, գրական շաբաթաթերթի (որպէս օրգան վերակազմեալ հնչակեանների): Հեղինակն է Չարխըճուրք մեքենագիտական գրքի (թուրքերէն):

Ալպոյաճեանի նահատակաց կազմում է: Վախճանուել է Եփրատի եզերքին գտնուող Համմամ կայանում (Մեսքենէի եւ Տէր-Չօրի միջեւ) հիւանդութեամբ (Յուսիկ Բաշուռի քահանայի հետ (համրիչի թիւ 3-ը - Կ. Ա.) նոյն վրանում մէկ օրուայ տարբերութեամբ)⁹⁷:

43. Թապագեան.- Միհրան (1878, Ատարազար - 1915): Արմաշական է կրթութեամբ, դաշնակցական: Մինչ Կ. Պոլսից իր տարագրումը պաշտօնավարել է Դպրեվանուց, Օրթաքեոյի, Պալաթի եւ այլ վարժարաններում: Աշխատակցել է պոլսահայ թերթերին, հեղինակ է մի շարք երկերի (Հանդէս հայ եւ ընդհանուր գրականութեան, Գանձ ոսկեղէն դպրութեան, Ատանայի ծննդեան ծառը, Հայոց գրերու գիտը (տրամախօսութիւն)⁹⁸):

Ընդգրկուած է Արշ. Ալպոյաճեանի նահատակաց ցանկում⁹⁹ (համրիչը միակ վկայութիւնն է Միհրան Թապագեանի Չանդըրըի աքսորական լինելու վերաբերեալ - Կ. Ա.):

44. Տիւրուռի.- Արիս Իսրայէլեան (1885, Կիւմիշհանէ - 1918): Վենետիկի Մուրատ-Ռափայէլեան վարժարանի ընթացաւարտ, ուսուցիչ, բանաստեղծ: Գրչանունն է Իսրայէլ Տիւրուռի:

Ամերիկայում գիւղատնտեսութիւն ուսանելու շրջանում անդամագրուել է

96 Գ. Պալաքեան, *Առ. աշխ.*, էջ 89, 97 (I, II հրտ.). Միքայէլ Շամտանճեան, *Հայ մտքին հարկը եղէտնին*, մատենաշար «Նաիրի», թիւ 3, Հալէպ, 1947, էջ 86, 91. Թէոդիկ, «Ամէնում տարեցոյցը», Բ տարի, 1908, էջ 334. *Առ. աշխ.*, 1916-1920, էջ 62, 63, 115, 153, *Առ. աշխ.*, ԻԱ տարի, 1927, էջ 631-632

97 Թէոդիկ, «Ամէնում տարեցոյցը», Դ տարի, 1910, էջ 302. *Առ. աշխ.*, *Յուշարձան...*, էջ 48, 66 (I, II հրտ.). Արշ. Ալպոյաճեանի ֆ., *Առ. աշխ.*, թերթ 1

98 Թէոդիկ, *Առ. աշխ.*, էջ 29, 47 (I, II հրտ.)

99 Արշ. Ալպոյաճեանի ֆ., *Առ. աշխ.*, թերթ 4

դաշնակցութեանը, աշխատակցել Հայրենիք թերթին (Պոսթըն): 1910-ին Կ. Պոլիս վերագաղթելով՝ զբաղուել է կուսակցական քարոզչութեամբ, ուսուցչութեամբ [Աբրահամ Հայրենեանի (Այաշի աքսորական - Կ. Ա.) հիմնած «Արդի» վարժարանում (Նշան-Թաշ) եւ այլուր], թարգմանութիւններով, աշխատակցել է «Ազատամարտ»-ին:

1915-ի ապրիլի 11/24-ի առաջին քարաւանի հետ հասել է Չանղըրը:

Ըստ Գրիգորիս Պալաքեանի տեղեկատուութեան «վախճանն անծանօթ»:

Ըստ «Առնակ» ստորագրութեամբ յուշագրութեան՝ 1916-ի մարտի 11-ին հեղինակը հանդիպել է բանաստեղծին Կուտինայում (Քէոթահիա - Կ. Ա.), 20-25 հոգուց բաղկացած մի խմբում «Միջագետքի մահասփիւռ անապատները երթալու» հետիոտն ընթացքին: Ճողոպելով, սակայն, յայտնուել է Գոնիայում, որի մասին վկայում է Երուսաղէմի Օտեանն իր «Թիւ 17 Խաֆիէն» իրապատում երկում: -

Ընդգրկուած է Արշ. Ալպոյաճեանի նահատակաց շարքում, Թէոդիկի Յուշարձան...-ում: Մահուան տարեթիւը յիշատակուած է Յ. Ճ. Սիրունու ինքնակենսագրականի անուանացանկում¹⁰⁰:

45. Աղապապեան.- Լեւոն? (1887, Բաղէշ - 1915, ?): Սանասարեանի ընթացաւարտ, թուագէտ: 1908-14 թթ. եղել է Քէոթահիայի եւ Ազգահիւրի ազգային վարժարանների տնօրէն: Քէոթահիայում երեք տարի ունեցել է նաեւ անհատական

100 Յ. Սիրունի, Ինքնակենսագրական Աօթեր, ԳԱԹ, Սարգիս Խաչեանց հրտ., Եր., 2006, «Անուանացանկ», էջ 333. Թէոդիկ, Յուշարձան..., էջ 29, 47 (I, II հրտ.). Գ. Պալաքեան, Աշխ., էջ 97 (I, II հրտ.). Թէոդիկ, «Ամէնուն տարեցոյցը», ԺԹ տարի, 1925, էջ 79. Կ. Գեորգեան, Առնակ տեղում, էջ 172. Եր. Օտեան, Թիւ 17 Խաֆիէն, գիրք Գ., գլ. ԾԷ - Աստիկի անհատականութիւնը. ԳԱԹ հրտ., Եր., 2001, էջ 211-217. ԳԱԹ, Արշ. Ալպոյաճեանի ֆ., արխիւ 44, թ. 1

դպրոց: Կեանքի վերջին շրջանում Ազատամարտ-ում խմբագիր էր:

Այս ազգանունը չկայ Գ. Պալաքեանի անուանացանկերում: Համրիչը Լեւոն Աղապապեանի Չանղըրըի աքսորական լինելու մասին վկայող միակ նախնական աղբիւրն է:

Ակնյայտ է, որ տարագրման էր ենթակայ Ազատամարտին առնչուող իւրաքանչիւր ոք: Հետեւաբար, ամենայն հաւանականութեամբ, համրիչին արձանագրուած այս ազգանունակիրը, իրաւամբ, յիշատակուած կենսագրականի անձն է: Ընդգրկուած է Թէոդիկի Յուշարձան...-ի նահատակաց կազմում:

Նոյն անուն-ազգանունն առկայ է նաեւ Արշ. Ալպոյաճեանի նահատակ մտաւորականութեան ցանկում¹⁰¹:

46. Բարսեղեան.- Արմէնակ, Ներսիսեան ճեմարանի ընթացաւարտ, Բեռլինում փիլիսոփայութիւն ուսանած եւ վկայուած (փիլիսոփայութեան տքթ.), բժիշկ, մանկավարժ, Կ. Պոլսոյ Ամերիկեան վարժարանի (տնօրինուհին՝ դր. Patric) հայոց լեզուի ուսուցիչ, Բերայի բնակիչ, դաշնակցական, վերապրող: Չանղըրըից էնկիւրիի սպանդը շուածների առաջին քարաւանից էր, ճողոպրումի հանգամանքները դեռեւս անյայտ են:

Զինադադարից յետոյ հայութեան բեկորներին ի մի բերելուն, համերաշխ քաղաքական կազմակերպութիւն ստեղծելուն նպատակամղուած մի խումբ մտաւորականութեան շարքերում էր՝ ի թիւս Յակոբ Սիրունու, Հմայեակ Խոսրովեանի, Յովհան վրդ. Կարապետեանի (համրիչի թիւ 2-ի անուանակիրը - Կ. Ա.) Վահրամ Թորգոմեանի (համրիչի թիւ 11-ը - Կ. Ա.), Յակոբ Թօփճեանի (համրիչի թիւ 34-ը - Կ. Ա.) եւ այլոց, որոնց ջանքերով ծնունդ առաւ

101 Թէոդիկ, Յուշարձան..., էջ 40, 58 (I, II հրտ.). ԳԱԹ, Արշ. Ալպոյաճեանի ֆ., արխիւ 44, թ. 1

«Հայկական Լիկան»: 1921 թ. ապրիլին ներկայ եղել է Ռուսինիայում (Պուքրէշ) կայացած դաշնակցութեան ընդհանուր ժողովին¹⁰²:

47. Տօրեան.- Արմէն [(Հրաչեայ Սուրէնեան), 1892 յունուար, Իւսկիւպ - 1915, էնկիւրի]: Ծննդավայրում յաճախել է յունական դպրոց (հայերի սակաւութեամբ պայմանաւորուած հայկական դպրոցի բացակայութեան պատճառով), յետոյ Մանասթըրի Յրանս. վարժարան: 1911-ին Կ. Պոլսոյ Մխիթարեան վարժարանի (Բանկալթի) շրջանաւարտ էր, ապա՝ Սորբոնի համալսարանի ուսանող: Աւարտելով համալսարանը՝ 1914-ին վերադարձել է Կ. Պոլիս, զբաղուել ուսուցչութեամբ, գրականութեամբ: Ինքն իրեն պանթէիստ էր համարում, ըստ իր պոէզիայի երկրպագու Գ. Կառվարենցի՝ խորհրդապաշտ էր:

Բանաստեղծութիւնների որոշ մասը տպագրուել է Ծանթում:

«Գիշերանց ձերբակալուած, «Արդի» վարժարանէն», - տեղեկանում ենք Թէոդիկի Յուշարձան...-ից: Ըստ աքսորակից վերապրող Նշան Գալֆայեանի՝ (համրիչի թիւ 26-ը - Կ. Ա.) Չանղըրը է հասել տարագրեալների երկրորդ խմբի հետ (առաջինը համարելով այաշականներին): Էնկիւրիի սպանդը շուած առաջին կարաւանում էր, ուր եւ նահատակուել է:

102 Գ. Պալաքեան, Առնակ տեղում, էջ 96 (I, II հրտ.). Վերժին Էքսերճեան, Հանդիպումս Դանիէլ Վարուժանի հետ, տե՛ս Միսաք Մեծարեցը եւ Դանիէլ Վարուժանը ժամանակակիցների յուշերում..., էջ 334. Թէոդիկ, «Ամէնուն տարեցոյցը», 1925, էջ 87-88. Յ. Սիրունի, Ինքնակենսագրական Աօթեր, էջ 124, 161-162, 204, 206, 328. Հրաչ Տասնապետեան, Աշխ., էջ 169, 206. Փիթեր Բալաքեան, Մականատարի սեւ շուրթ, յուշագր., մասն հիմնադրող - Արիւնտ յորեր, - Մեր անխնայների գերեզմանատունը, Եր., 2002, էջ 279-280:

Ընդգրկուած է Արշակ Ալպոյաճեանի նահատակաց անուանացանկում¹⁰³:

48. Եսայեան տաղարտը.- Գրիգոր? (1883, Վան - ?), դաշնակցական: Ետիգուլի որբանոցի եւ Կալաթա Սէրայի լիցէի ընթացաւարտ: Ազգային դպրոցներում աւանդել է Ֆրանսերէն եւ մաթեմատիկայ: Կ. Պոլսահայ հանդէսներում բանաստեղծութիւններ է հրատարակել՝ Գրիգոր Նոր ծածկանուամբ: Յրանսերէն է թարգմանել Լեւոն Շանթի Հիմ աստուածները:

Հաւանաբար թիկնեղ էր, քանզի «տաղ արտը» թրքերէն թարգմանուած է՝ լեւոն թիկունք (ծնթ. յարգարժան պ. Միսաք Ճէվահիրճեանի): Այս անուն-ազգանունը ներկայացուած է Թէոդիկի Յուշարձան...-ի նահատակաց կազմում¹⁰⁴:

49. Գոշո Արթին.- Յարութիւն Բեքմեզեան, Օրթաքէոյի (օրթաքիւղի) հացագործ: Նահատակուել է Թիւնէյում՝ 1915-ի օգոստոսի 13/26-ին 4 ընկերների հետ¹⁰⁵ (համրիչի թիւ 5, 40, 65, 66 աքսորականները - Կ. Ա.):

50. Երջանիկ.- Արամ «Երջանիկ» (1865-1915, էնկիւրի): Գաւառացի ձեռներէց, խոհարար, բնոյթով՝ ուրախ-զուարթ (այստեղից էլ, թերեւս, «Երջանիկ» անուանումը): Սեփականատէրն էր Պահճէ Գափուի համանուն ճաշարանի, ուր յաճախ

103 Թէոդիկ, Յուշարձան..., էջ 29, 47, (I, II հրտ.). Առնակ, «Ամէնուն տարեցոյցը», ԺԹ տարի, 1925, էջ 86-88. տե՛ս Առնակ՝ Յուշարձան..., էջ 114, 132, (I, II հրտ.). Միսաք Ճէվահիրճեան, Չանղըրէն վերջումներ, ԳԱԹ, Արշ. Ալպոյաճեանի ֆ., արխիւ 44, թերթ 1:

104 Թէոդիկ, Յուշարձան..., էջ 28, 46 (I, II հրտ.)

105 Արամ Անտոնեան, Վարուժանը աքսորեալ, տե՛ս Միսաք Մեծարեցը եւ Դանիէլ Վարուժանը ժամանակակիցների յուշերում..., էջ 258. Թէոդիկ, Յուշարձան..., էջ 47, 65, (I, II հրտ.). Պերճ Ալթունցեան, Մեծ լուսին (դրամայ) երկու մասից, վերջաբանով, մասն երկրորդ, պատկեր հիմնադրող, - «Գարուն», 1984, թիւ 5, էջ 79:

Հաւաքուում էին Հայ մտաւորականներն ու Հանրայայտ գործիչները: Տարագրուել է Հէնց այդ պատճառով, նահատակուել Չանդրըրըից էնկիւրի քշուած առաջին քարաւանի բախտակիցների հետ¹⁰⁶:

51. Զենոբ.- Մէրամէթեան¹⁰⁷ (°), կամ իր փոխարէն տարագրեալ: Այս անունը չկայ Գ. Պալաքեանի անուանացանկերում:

52. Խաչիկ.- Հաւանաբար այաչական նոյնանուն Պարտիզպանեանի, Իտարեճեանի կամ Պերպերեանի¹⁰⁸ փոխարէն Չանդրըրը աքսորուած:

53. Հրանդ.- Աստուածատրեան (°), Աղաճանեան (°), կամ Այաչի աքսորական, արձակագիր Հրանդի (Մելքոն Կիւրճեան) անուանակիցը լինելով՝ աքսորուած Հայ:

54. Երեւում.- ծխախոտի մաքսանենգ (այինկաճի): Իր համարձակ կերպարով Վարուժանին այնքան գրաւած մէկը, որ բանաստեղծը մտորել է նրան քերթուած նուիրել: «Եւ իսկապէս կ'արժէր», - նկատում է Արամ Անտոնեանն (Համրիչի թիւ 35 հատի ազգանուանակիրը - Կ. Ա.) իր յուշերում¹⁰⁹:

55. Լեւոն-2.- Գ. Պալաքեանի Չանդրըրի աքսորականների ցանկում են՝ Լեւոն Պարտիզպանեան եւ Գայրեճեան ազգանուանակիրները: Մինչդեռ չի յիշուած Համրիչի թիւ 45-ի Լեւոնը՝ Աղապապեան: Ասել է՝ Չանդրըրում Լեւոն անունով 3-ն

են եղել (3-րդը տե՛ս Համրիչի թիւ 45-ի տեղեկատուութեամբ):

Պարտիզպանեանը Գ. Պալաքեանի մօտ ներկայացուած է. «Դոկտ., Հանր. գործիչ, վերապրող»: Այս անուն-ազգանունն ընդգրկուած է Թէոդիկի նահատակաց Յուշարձան...-ում՝ «Մն. Խարբերդ 1887-ին, վկայուած կայս. բժշկանոցէն: Օսմ. բանակին մէջ Հարիւրապետի աստիճանի իր համազգեստով ձերբակալուած եւ աքսորուած՝ դաշնակցական տեղեկատուութեամբ: Ճշգրտման կարիք կայ:

Լեւոն Գայրեճեանը վաճառական էր՝ իր նոյն զբաղմունքի Միհրան եւ Գէորգ եղբայրների հետ նահատակուած էնկիւրիում:

Համրիչի թիւ 90-ին փորագրուած է Գայրեճեան, որ Միհրանն է՝ Չանդրըրում, կամ Գէորգը: Ասել է՝ ի յայտ է գալիս մէկ աքսորական եւս¹¹⁰:

56. Ագրիկ.- Քէրէսթեճեան (1855, Գարթալ - 1915), գիւղի «չօրպաճի»-ն եւ «Մէճլիսը Իտարէ»-ի անդամ: Ատաղձավաճառ էր, անկուսակցական¹¹¹:

57. Գանթարեան.- Համրիչն այս ազգանուանակրի վերաբերեալ, որպէս Չանդրըրի աքսորականի, միակ աղբիւրն է:

58. Կողմոս.- Մեսէյեան (°) (1872-1936), բժիշկ¹¹² կամ, Հաւանաբար, բժիշկի փոխարէն աքսորուած անուանակիցը:

59. Պէլլերեան.- կամ Պէլլերօղլու Յակոբ, կեսարացի լուծալափոխ¹¹³: Գ. Պալա-

106 Թէոդիկ, Յուշարձան..., էջ 44, 62, (I, II հրտ.). նոյնը, - «Ամէնուն տարեցոյցը», ԺԹ տարի, 1925, էջ 88
107 Arsen Yarman, *Ա. աշխ.*, էջ 514, 616
108 Գ. Պալաքեան, *Ա. աշխ.*, էջ 87, 88, 89 (I հրտ.), 88, 89, 90 (II հրտ.)
109 Արամ Անտոնեան, *Վարուժանն աքսորեալ. տե՛ս Միսաք Մեծարեճը եւ Դանիէլ Վարուժանը...*, էջ 256. Պերճ Զէյթունցեան, *Մեծ յոյսիւն, պատկեր երրորդ. Աոյն տեղում*, էջ 73, 75 (դրամայում առկայ է ժամանակագրական փոքր անճշտութիւն, որ գեղարուեստական շեղում է եմթադրում):

110 Գ. Պալաքեան, *Ա. աշխ.*, էջ 97, 99, (I, II հրտ.), Թէոդիկ, *Յուշարձան...*, էջ 38, 56, (I, II հրտ.)
111 Թէոդիկ, *Յուշարձան...*, էջ 45, 63 (I, II հրտ.)
112 Arsen Yarman, *Ա. աշխ.*, էջ 405
113 Խորին երախտագիտութիւնս յարգարժան պարոն Կարո Արաբամեանին, Գէորգ Բամպուրճեանի 2003-ին Ստամբուլում հրատարակուած թրքալեզու «Հայեր իրենց կենսագրութիւններով» հատորից մեզ հաղորդած սոյն տեղեկատուութեան համար:

քեանը տեղեկացնում է. «Վաճառական, Հանր. գործիչ, վերապրող»¹¹⁴:

60. Թաշեան.- Կարապետ (1871, Սեբաստիա - 1945, Կ. Պոլիս): Կ. Պոլիս է դաղթել 1888-ին: 1902-ին մսավաճառի իր խանութն ունէր: Չանդրըրը է աքսորուել 1915-ի ապրիլի 11/24-ին, մտաւորականների առաջին խմբի հետ, ազատուել է երեք ամիս անց՝ կնոջ տասից աւելի թախանձագրերի հիմամբ, որոնցում շեշտուած էր ամուսնու «պարզ մսավաճառ» լինելու հանգամանքը¹¹⁵:

Գ. Պալաքեանի Այաչի աքսորականների ցանկում առկայ նոյնանուն-ազգանուանակիցը նահատակուել է էնկիւրիում¹¹⁶:

61. Հանեսեան.- Կարնեցի վաճառական¹¹⁷:

62. Արամ.- Գրիգոր Օհնիկեանի (Համրիչի թիւ 86 հատի ազգանուանակիրը - Կ. Ա.) որդիներից մէկն է, թերեւս, տարրագէտ, վերապրող¹¹⁸:

63. Մելիք.- Աքսորուել է, Հաւանաբար, յայտնի դաշնակցական գործիչ Մելիքի (Եռուսեփեան Յովհաննէս)¹¹⁹ անուանակիցը լինելու զուգադիպութեամբ:

64. Տէօվլեթեան.- Կարապետ, փողերանոցի պաշտօնեայ, Հանրային գործիչ, վերապրող¹²⁰:

65. Քէհեանեան արհեստաւոր.- Վահան (տէօքմեճի Վահան): (1872/1874, Ուր-

ֆա - 1915, 08-13/26, Թիւնէյ): Յայտնի Հնչակեան է, Սամաթիոյ Հնչկ. մասնաճիւղի անդամ: Հ. Պոյաճեանի (Մուրատ) աքսորակից ընկերն էր Ֆիզանում՝ (Աֆրիկեան Տրիպոլիս) Համիդի իշխանութեան օրօք: Կ. Պոլիս է վերադարձել սահմանադրութեան հռչակումից յետոյ (1908 թ.) եւ շարունակել իր ակտիւ գործունէութիւնը: Զօրակոչից յետոյ ձուլող էր Զէյթունում՝ Պրունիի գործարանում, ուր ուժանակ պատրաստելու ամբաստանութեամբ դատապարտուել է Պատերազմական ատեանի կողմից: Բանտից ազատուելուց յետոյ աքսորուել է Չանդրըրը, որտեղ էլ Ռուբէն Սեւակի, Դանիէլ Վարուժանի, Օննիկ Մաղազաճեանի եւ Օրթաքէոյի հացավաճառ Արթինի հետ նահատակուել է Թիւնէյում¹²¹ (Համրիչի թիւ 5, 40, 66 եւ 49-ի ազգանուանակիրները - Կ. Ա.):

66. Մաղազաճեան.- Օննիկ (1878, Կ. Պոլիս - 1915, օգոստոս 13/26 Թիւնէյ): Պապը Ալի Ճատտէսի, Հայրենիք (Վաթան) կազմատան տէրն էր: Հրատարակել է Ասիական եւ Եւրոպական Թուրքիոյ մեծաւալ քարտէզները, նաեւ գրպանի մի ատլաս՝ Ա. Պիպէճեանի աշխատակցութեամբ: Գումգարուի «Յառաջադիմասէր ընկերութեան» ատենապետն էր միաժա-

114 Գ. Պալաքեան, *Ա. աշխ.*, էջ 98 (I, II հրտ.)
115 Կ. Աւագեան, *Թանգարանային մէկ ցուցանմոյշ՝ մէկ փաստաւերագիրք եւ...* - «Բազմալէպ», 1-4, 2006, էջ 143
116 Գ. Պալաքեան, *Աոյն տեղում*, էջ 89, 90 (I, II հրտ.)
117 Թ. Սիրունի, *Ա. աշխ.*, էջ 123, 335
118 Գ. Պալաքեան, *Աոյն տեղում*, էջ 99, 98 (I, II հրտ.)
119 Հրաչ Տասնապետեան, *Ա. աշխ.*, էջ 24, 40, 47, 227...
120 Գ. Պալաքեան, *Աոյն տեղում*, էջ 99 (I, II հրտ.)

121 Թէոդիկ, *Յուշարձան...*, էջ 47, 65 (I, II հրտ.). Ա. Անտոնեան, *Վարուժանն աքսորեալ, տե՛ս Միսաք Մեծարեճը եւ Դանիէլ Վարուժանը...*, էջ 258, - «Կոհակ», 1912, փետրուար 29/13 թիւ 8 (83): Խորին շնորհակալութիւնս յարգարժան պարոն Միհրան Միսաւեանին, որ անակին կից ծրարում ներդրել էր անաւ սոյն համարի քերտպատմէն:

Պերճ Զէյթունցեան, *Աոյն տեղում. Կ. Աւագեան, Թանգարանային ցուցանմոյշն անխօս՝ ամենախօս վկայ. պրպտումը շարունակուում է...* Մեծ եղեռն - 90, Հանրապետական գիտական աստաշրջանի նիւթեր, - «Դպիր» հրտ., Գիւմրի 2005, էջ 131

մանակ եւ հաւանաբար այդ պատճառով էլ աքսորուել է¹²²:

67. Պասմաճեան.- Մանուկ, ճարտարապետ, մտաւորական, հանրային գործիչ, վերապրող¹²³:

68. Մելքոնեան.- Սիմոն, Օթագիւղից, ճարտարապետ, վերապրող: Այս անունազգանունը հանդիպում է յետպատերազմեան շրջանում, Ստամբուլի Ս. Փրկիչ հիւանդանոցի հոգաբարձուների, ղեկավարութեան օժանդակ կազմում, առկայ է եւ Նիւ-Եօրք Լայֆ ապահովագրական ընկերութեան ապահովագրական վկայագրում՝ «Մելքոնեան Սիմոն, Ստամբուլ (Կ. Պոլիս)» տեղեկատուութեամբ¹²⁴:

69. Զպճը ճարտարապետ.- Բ. Քեչեանի (համրիչի թիւ 33 հատի ազգանունակիրը - Կ. Ա.) յուշագրում անուղղակի յիշատակաւում է. «Հայ-կաթուղիկ ճարտարապետ մը, Սպարապետութեան ծառայող»: Գ. Պալաքեանի անուանացանկում մասնագիտութիւնը յիշատակուած ճարտարապետներից ոչ մէկի մասին նման տեղեկատուութիւն չկայ: Ենթադրում ենք, ուրեմն, որ տարբերիչ իրողութիւններն իրաւամբ վերաբերում են համրիչի «Զպճը» յապաւեալ ազգանունակրին¹²⁵:

122 Գ. Պալաքեան, *Աջ. աշխ.*, էջ 99, 147/140, 150/143 (I, II հրտ.). Թէոդիկ, *Յուշարձան...*, էջ 44, 62 (I, II հրտ.). Արշ. Ալլայաճեանի ֆ., արխիւ 44, թերթ 4. Ա. Անտոնեան, *Վարուժան աքսորեալ*, Այն տեղում. Պերճ Զէյթունցեան, *Մեծ լուսին*, պատկեր հիմնադրոյ, Այն տեղում, էջ 79:
123 Գ. Պալաքեան, *Այն տեղում*, էջ 98 (I, II հրտ.)
124 Նոյն տեղում. Arsen Yarmen, *Աջ. աշխ.*, էջ 590, 611, 612, ՀՀ Արդարադատութեան Ախարար Դատարար Թարութեանի ուղերձը հայրենակիցներին, NEW-YORK LIFE INSURANCE COMPANY, 2376 N1458:
125 Բիւզանդ. Քէչեան, *Դրուագ արտրի շրջանէն*, տե՛ս Թէոդիկ, «Ամէնում տարեցոյցը», ԺՉ տարի, 1922, էջ 38:

70. Արսլանեան¹²⁶.- առեւտրական (՝), եթէ այո, ապա, թերեւս, Կ. Պոլսոյ «Առեւտրական տուն. Արսլանեանց եղբարք եւ ընկ.»-ի (հասցէն՝ «Կեդրոնատեղի: Մարիթիմ խան թիւ 2, Ղալաթիոյ Քարափի մասնաճիւղ: Պահչէ Գափու 22 Կ. Պոլիս») տէրերից մէկն է¹²⁷:

71. Վարդերես մուխթար.- Աթանասեան (1874-1916), Բերա, Ֆէրիքէոյի «Մըխթար»-ը, վերակազմեալ հնչակեան, առեւտրական, նահատակ¹²⁸ (համրիչը փորագրող աքսորականն է - Կ. Ա.):

72. Ֆէրուխան.- Բարունակ (1884, Կ. Պոլիս - 1915): Արտ. գործ. (Ելեւմտ.) նախարարութեան Մագրիքէոյի մասնաճիւղի պաշտօնեայ, ջուլթակահար: Նահատակ¹²⁹: Նշան Գալֆայեանի (համրիչի թիւ 26 հատի ազգանունակիրը - Կ. Ա.) յուշագրութեան էջերում հանդիպել ենք ջուլթակին տիրապետող «Սկիւտարցի ձէրրահ Գէորգի տղան»¹³⁰ տեղեկութեանը: Հաւանաբար, նոյն ինքը Բարունակն է. եթէ ոչ, ապա Չանղըրըի աքսորականների մէջ ենթադրում ենք:

126 Ուսումնասիրութեան ընթացքում արեւմտահայ, նաեւ պոլսահայ իրականութեան մէջ Արսլանեան ազգանունը հանդիպել ենք ե՛ր հոգետր կեանքում, ե՛ւ առողջապահութեան ապարէզում, ե՛ւ առեւտրի բնագաւառում: Սակայն հասանալի համարեցինք վերջին բնագաւառը՝ մկատի առնելով ուշագրաւ մի հանգամանք: Համրիչին փորագրուած ազգանունները հնարաւորինս ամփոփուած են մասնագիտական հերթականութեամբ՝ հոգետրով սկսում եւ արտում է անուանացանկը: Առեւտրին առնչուող դասի ազգանունները հիմնականում վերջին շարքերում են - Կ. Ա.:

127 Թէոդիկ, «Ամէնում տարեցոյցը», ԺԷ տարի, 1921, էջ 397
128 Թէոդիկ, *Յուշարձան...*, էջ 44, 62 (I, II հրտ.). Մ. Գուշակեան, *Ապրիլեան եղեռնի պատճառած Հայ հասարակական մտքի կորուստը*, «Կանչ» շաբաթօրեակ, Պէյրութ-Լիբանան, թիւ 227 (5006), 21 յունիս, 1975, էջ 4
129 Թէոդիկ, *Յուշարձան...*, էջ 44, 62 (I, II հրտ.)
130 Նոյնը, «Ամէնում տարեցոյցը», ԺԹ տարի, 1925, էջ 87

րելի է եւս մի ջուլթակահար: (Պրպտման կարիք կայ):

73. Սարաֆեան.- Այս ազգանունը չկայ Գ. Պալաքեանի Չանղըրըի աքսորելոց ցանկում, մինչդեռ Այաշի աքսորականների մէջ է Կարապետ Սարաֆեանը՝ «Ռեժիի պաշտօնեայ, նահատակուած էնկիւրի» տեղեկատուութեամբ¹³¹: Ենթադրելի է, որ ինչպէս, օրինակ, Կարապետ Թաշճեանի (տե՛ս համրիչի թիւ 60-ը - Կ. Ա.) պարագայում էր, Չանղըրը է աքսորուել այաշական նահատակի նոյնանուն ազգանունակիրը (կամ միայն ազգանունակիրը, ում հետագայ ճակատագիրը դեռ յայտի չէ):

74. Ալթունեան.- Վահրամ, առեւտրական, նահատակ¹³²:

75. Ծամպազ.- Աբիկ, Հայ հռոմէական (կաթոլիկ - Կ. Ա.) Բերայից, առեւտրական, նահատակ¹³³:

76. Հրաչ.- Հայկ Թիրէաքեան (1871, Տրապիզոն - 1915, էնկիւրի): Դաշնակցական յայտնի գործիչ, Ազգ. երեսփոխան: 1896 թ. օգոստոսի 13/26-ին Օսմանեան դրամատան (Բանկ Օտորման) գրաւման կազմակերպիչներից էր, որի անյաջող ելքից յետոյ իր ընկերներով անցել է Մարսել: Ապա գաղտնի տեղափոխուել է Իզմիր, ուր եւ ձերբակալուել է 1902-ին՝ դատապարտուելով ցկեանս բանտարկութեան (Պոտուրում): Ազատուել է 1908-ին՝ Սահմանադրութեան հռչակումից յետոյ, անցել է Կ. Պոլիս եւ ստանձնել Ազատամարտի տպագրիչի աշխատանքը: Միաժամանակ Պատերազմական նախարարութեան կերպասեղէնի հայթայթիչն էր:

1915-ի ապրիլեան աղէտին աքսորուել է Չանղըրը, որտեղ, տեղեկանալով իր անուն-ազգանունակիր հիւանդ նպարա-

131 Գ. Պալաքեան, *Աջ. աշխ.*, էջ 89, 90 (I, II հրտ.)
132 Մ. Գուշակեան, *Այն տեղում*
133 Թէոդիկ, *Յուշարձան...*, էջ 44, 62 (I, II հրտ.)

վաճառի Այաշ աքսորուած լինելու մասին, վեհանձնաբար ստոյգ մահն է գերադասել՝ փրկելով ծերունուն: Այաշ է տեղափոխուել կառավարութեանը յղած իր իսկ դիմումով, որում յայտնել է, որ բուն փնտրուած անձն ինքն է¹³⁴:

77. Մոմճեան.- Ռուս. հիւպատոսարանի թարգմանիչ՝ նահատակուած էնկիւրիի մօտ¹³⁵:

78. Գալէնտէր.- Արամ Գալէնտէրեան, օսմ. դրամատան պաշտօնեայ եւ եռանդուն հանրային գործիչ, վերապրող¹³⁶:

79. Վաղինակ.- Պարտիզպանեան, Շիրքէթի Խայրիէյի պաշտօնեայ, հանրային գործիչ, վերապրող¹³⁷:

80. Գալֆայեան պաշտօնեայ.- Հիւրութիւն (1870, Թալաս - 1915): Յայտնի դաշնակցական: 1896-ին մեկնել է Բուլղարիա, սակայն այլ յեղափոխական գործիչների հետ կառավարութիւնը նրան եւս վտարել է երկրից: Երկար տարիներ ապրել է Եգիպտոսում, ժնեւում: Թուրքիա է անցել Սահմանադրութեան հռչակումից յետոյ:

134 Գ. Պալաքեան, *Այն տեղում*, էջ 87, 88/109, 108 (I, II հրտ.). Աւետիս Նազաշեան, *Այն տեղում*, էջ 32-33. Թէոդիկ, *Յուշարձան...*, էջ 35, 53 (I, II հրտ.). ԳԱԹ, Արշ. Ալլայաճեանի ֆ., արխիւ 44, թերթ 1. Կ. Գեորգեան, *Այն տեղում*, էջ 166. Հր. Տասնապետեան, *Այն տեղում*, էջ 24, 41, 47, 67, 223...- «Հայկական հարց հանրագիտարան», Եր., 1996, էջ 77, 287, ՀՀՀ, հտ., 3, Եր., 1999, էջ 430. «Յուշամատեն ԼՅԴ, այթոմ-ատլաս, հտ. Ա, դիցագնամարտ.- 1890-1914», Լոս Անճելըս, Քալիֆորնիա, 1992, էջ 47
135 Գ. Պալաքեան, *Այն տեղում*, էջ 99 (I, II հրտ.): Այս աքսորականի ազգանունակից, փարիզաբնակ բժիշկ Մոմճեանի վերաբերեալ յարգարժան Արփի Թոթոյեանի յղած հարցումիս ի արձագանգ՝ ստացայ պատասխան մամակը բարեհաճ տիկին Գոհար Աճեմեանի միջոցով: Պարզուեց, որ բժիշկ Մոմճեանը ազգակցական անցյութին չունի Չանղըրըի աքսորականի հետ: Ասել է՝ հարկ է պրպտումը շարունակել:
136 Գ. Պալաքեան, *Այն տեղում*
137 Նոյն տեղում

տոյ: Իզմիրում որոշ ժամանակ զբաղուել է Հասարակական գործունէութեամբ, ապա վերադարձել Կ. Պոլիս՝ կարգուելով քաղաքապետական քննիչ, ի վերջոյ, Մազրի-քէոյի թաղապետութեան նախագահ (Պէլէտիէ Բէյիսի) մինչ տարագրուելը¹³⁸: Չանդըրի աքսորական լինելու մասին հաւաստում է Հօրեղբօր որդին՝ վերապրող Նշան Գալֆայեանը (Համրիչի թիւ 26-ը - Կ. Ա.), իր յուշագրութեան էջերում¹³⁹:

81. Պէլլերեան.- Համրիչին արձանագրուած երկու նոյն ազգանունակիրներէն մէկն է (Համրիչի թիւ 59, 81 - Կ. Ա.) Թէոդիկի դիմումով Չանդըրից ազատուածների շարքում՝ «Պէլլերեան որդին»¹⁴⁰: Հայրը՝ Յակոբն, ընդգրկուած է Գրիգորիս Պալաքեանի չանդըրեականների անուանացանկում [(նոյնպէս վերապրող), (տե՛ս ծնթ. 121)]:

82. Պարոյր.- Արզումանեան, վերապրող¹⁴¹: Այաշական նահատակ, նոյնանուն ազգանունակցի¹⁴² փոխարէն Չանդըրը աքսորուած, ինչպէս Համրիչի թիւ 60-ի մտավաճառ Կարապետ Թաշճեանի պարագայում է:

83. Նոյիկ յանձնակատար.- Տէր-Ստեփանեան: Երզնկացի է, Մուրատ-Ռափայէլեանի ընթացաւարտ, վաճառական, սեղանաւոր (դրամափոխ): Աքսորուել է կուսակցականների Համար զէնք Հայթայթելու մեղադրանքով: Դիմումով աքսորա-

դարձ վերապրող է մի գերդաստանի, որից 40 Հոգի նահատակուել է¹⁴³:

84. Թաթարեան.- Առեւտրական, վերապրող: Յայտնի են Ստ. անուանատուերը, ամենայն հաւանականութեամբ՝ Ստեփան: Ջինադադարից յետոյ Կ. Պոլիս է վերադարձել՝ Չանդըրը-Կեսարիա-Հալէպ ճանապարհն անցնելով, ակնատես Կեսարիոյ կախադաններին¹⁴⁴:

85. Քէոլէեան.- Մի սկզբնաղբերում Յովհ.¹⁴⁵ (աննէս - Կ. Ա.) է արձանագրուած, միւս երկուսում՝ Գէորգ¹⁴⁶, Համրիչի թիւ 86-ի՝ Օհնիկեանների գործակիցը: Նահատակուել է Էնկիւրիի մօտ:

86. Օհնիկեանք-4.- Հայրը՝ երեք որդիներով:

Հայրը՝ Գրիգոր, 75-ամեայ, «Բերայի ծանօթ լրագրավաճառ...» ըստ Բիւզանդ Քէլեանի¹⁴⁷ (Համրիչի թիւ 33-ը - Կ. Ա.): Ըստ Գրիգորիս ծ. վրդ. Պալաքեանի (Համրիչի թիւ 99-ը - Կ. Ա.) տեղեկութեան՝ «Կալաթա-Սէրայի դէմի ծանօթ ծխավաճառը»¹⁴⁸, Չանդըրում հիւանդութեամբ վախճանուած: Թէոդիկի 1919-ի Յուշարձան...-ում տեղեկատուութիւնը Համանման է. «Ծխավաճառ Բերա, Կալաթա, Սէրայ»¹⁴⁹: Այստեղ որդիներից երկուսն են

138 Թէոդիկ, Յուշարձան..., էջ 34, 52 (I, II հրտ.)
 139 Նոյնը, - «Ամէնուն տարեցոյցը», ԺԹ տարի, 1925, էջ 87
 140 Թէոդիկ, - «Ամէնուն տարեցոյցը», Ժ-ԺԴ տարի, 1916-1920, էջ 115
 141 Կ. Աւագեան, Թանգարանային մէկ ցուցանմոյշ՝ մէկ փաստավաներագիրք եւ..., - «Բազմավէպ», 2006, էջ 143, 148
 142 Թէոդիկ, Յուշարձան..., էջ 46, 64 (I, II հրտ.). Կ. Աւագեան, անյն տեղում, էջ 148

143 Գ. Պալաքեան, անյն տեղում, էջ 98 (I, II հրտ.). Թէոդիկ, Գաղափարասփիտ իտալաճայը, - «Ամէնուն տարեցոյցը», Ժ-ԺԴ տարի, 1916-1920, էջ 158
 144 Թէոդիկ, Ջինադադարէն վերջ դարձողներ, - «Ամէնուն տարեցոյցը», Ժ-ԺԴ տարի, 1916-1920, էջ 115
 145 Նոյնը, Յուշարձան..., էջ 49, 67 (I, II հրտ.)
 146 Գ. Պալաքեան, անյն տեղում, էջ 99/98 (I, II հրտ.). Գ.Ա.Թ, Արշ. Ալլաօյաճեանի ֆ., արխիւ 44, թերթ 1
 147 Բ. Քէլեան, Դրուագ արքայի շրջանէն. տե՛ս Թէոդիկ, - «Ամէնուն տարեցոյցը», ԺԶ տարի, 1922, էջ 39:
 148 Գ. Պալաքեան, անյն տեղում, էջ 188, 178 (I, II հրտ.)
 149 Թէոդիկ, Յուշարձան..., էջ 48, 66 (I, II հրտ.)

յիշատակուած՝ Արամ, Գարեգին: Ընդգրկուած է Արշ. Ալլաօյաճեանի նահատակաց անուանացանկում Մկրտիչ եւ Յովհաննէս որդիների հետ¹⁵⁰:

.. Ըստ Գ. Պալաքեանի՝ որդիներն են.

ա. Արամ - տարրագէտ վերապրող¹⁵¹ (հաւանաբար Համրիչի թիւ 62-ի անուանակիրն է):

բ. Մկրտիչ - նահատակուած Տէր-Չօրում¹⁵²:

գ. Յովհաննէս - վախճանուած Պէլլեմտիկի մերձակայքում՝ Հաճաբրի¹⁵³:

87. Թէրլէմէզ սեղանաւոր.- Օհաննէս Թէրլէմէզեան: Վանեցի դրամափոխ (սեղանաւոր), վերապրող: Աքսորից վերջին ազատուողներից է: 1915 թ. օգոստոսի 6-ին մեկնել է Չանդըրից: Էնկիւրիում (Անկարա) բանտարկուել է օգոստոսի 8-ին, 17-ին դուրս է բերուել, բարեպատեհ Հանգամանքներում փրկուելով սպանդից՝ քշուել է Տարսոն: Կ. Պոլիս է հասել այնտեղից 1915-ի սեպտեմբերի 22-ին¹⁵⁴:

88. Տէր-Գէորգեան.- Ներսէս, վաճառական: Ազգակից մրցորդ առեւտրականի մատնութեան զոհ¹⁵⁵:

89. Պասմաճեան.- Մկրտիչ, զինավաճառ: Չերբակալուել է ապրիլի 11/24-ին, աքսորուել Չանդըրը առաջին քարաւանի

հետ¹⁵⁶, որտեղից մի քանի ամիս անց աքսորակից այլ ընկերների հետ ուղարկուել է Իզմիր՝ հարցաքննութեան: Այստեղ չեթեպաշի (հրոսակապետ) Իպրահամի կողմից «անլուր խոշտանգումների ենթարկուելէ ետքը» Իզմիրի տեղահանութեան ընթացքում տեղի հայութեան հետ տարագրուելիս ճանապարհին յաջողել է ծուարել Գոնիայում: Արթին՝ Հարուն ճիւղալ լրտեսը, զուգարկուութեամբ Գոնիայում լինելով, հանդիպել ճանաչել է նրան, եւ մատնութեան արդիւնքում Մ. Պասմաճեանը ձերբակալուել է, աքսորուել Տէր-Չօր: Ճանապարհին դարձեալ յաջողուել է փախչել եւ հետագայում վերադարձել է Կ. Պոլիս¹⁵⁷: Ենթադրում ենք՝ Գ. Պալաքեանի Հայ Գողգոթայի Չանդըրի աքսորելոց ցանկի թիւ 51-ն է, եւ ազգանունը՝ Պարսամեան, շփոթութեան արդիւնք է, թերեւս: Այդ է յուշում տեղեկատուութեան Համապատասխանութիւնը. «Մկրտիչ Պարսամեան - զինավաճառ, հանր. գործիչ, վերապրող»¹⁵⁸: Ճշգրտման կարիք կայ:

90. Գայրգճեան.- Աքսորուել են Միհրան, Լեւոն, Գէորգ վաճառական երեք եղբայրները, երեքն էլ նահատակուել են Էնկիւրիում: Համրիչին արձանագրուած է ազգանունը՝ եզակիով: Եթէ նկատի առնենք Համրիչի թիւ 55-ին առկայ «Լեւոն-2» փորագրութիւնը եւ աքսորական երկու Լեւոններից մէկին ընդունենք Գայրգճեան, ապա թիւ 90-ին փորագրուած Գայրգճեանը Միհրանն է կամ Գեւորգը¹⁵⁹: Բոլոր դէպքերում, ի յայտ է գալիս Համրիչից դուրս մէկ աքսորական՝ Միհրանը, կամ Գէորգը:

150 Գ.Ա.Թ, Արշ. Ալլաօյաճեանի ֆ., արխիւ 44, թերթ 1, 4
 151 Գ. Պալաքեան, անյն տեղում, էջ 99, 98 (I, II հրտ.)
 152 Նոյն տեղում. Արշ. Ալլաօյաճեանի ֆ., թերթ 4
 153 Նոյն տեղում. Արշ. Ալլաօյաճեանի ֆ., թերթ 4
 154 Օհաննէս Թէրլէմէզեան, Կ. Պոլիս. Մտաւորականներու ձերբակալութիւնը եւ աքսորը, տե՛ս 1915. Աղէտ եւ վերածնունդ, հեղինակներ՝ Աղէտեան վերապրողներ, տպագր. Փարիզ 1952, էջ 239-242. Գ. Պալաքեան, անյն տեղում, էջ 98 (I, II հրտ.):
 155 Թէոդիկ, Յուշարձան..., էջ 44, 62 (I, II հրտ.). անյնը, - «Ամէնուն տարեցոյցը», ԺԹ տարի, 1925, էջ 88

156 Յ. Սիրունի, Կոմիտասի հետ, III - Խաչիճ ճամփան, - «Էջմիածին», 1968 - է, էջ 7
 157 Եր. Օտեան, Թիւ 17 խաֆիէն, Բ գիրք, գլ. ԼԹ - Յանգի մէջ, Գ.Ա.Թ հրտ., Եր., 2001, էջ 227
 158 Գ. Պալաքեան, անյն տեղում, էջ 98 (I, II հրտ.)
 159 Գ. Պալաքեան, անյն տեղում, էջ 99 (I, II հրտ.)

91. Ինճիճեան.- Գառնիկ, վաճառական, հանրային գործիչ, դիմումով աքսորադարձ վերապրող¹⁶⁰:

92. Գարակչոզեան.- Թագուոր (°), Միհրան (°), առեւտրական (°):

93. Մանեասեան.- Աստուածատուր, վաճառական, վերապրող¹⁶¹:

94. Ղոնչէկիւլ.- Ղոնչէկիւլեան, Խօն-ճէկիւլեան¹⁶², ակնցի վաճառական, մեռած Մէսքէնէի կողմերում:

95. Փարիսեան.- Արտաշէս, վաճառական, վերապրող¹⁶³:

96. Յ. Գորեան վճռկն.- Յակոբ (1845-?), ակնցի վաճառական, ում հայրենասիրութիւնը շեշտուած է Գրիգորիս ծ. վրդ. Պալաքեանի կողմից: Զբաղուել է նաեւ ուսուցչութեամբ: Աքսորից ազատուել է 1915 թ. օգոստոսի 6-ին, ընկերները՝ Վահան Ալթունեանի (համրիչի թիւ 15-ը - Կ. Ա.), Յովհ. Թէրլէմէզեանի (համրիչի թիւ 87-ը - Կ. Ա.) հետ եւ, անցնելով տառապանքի միեւնոյն ճանապարհը, էնկիւրիէից քշուել մինչեւ Թարսուս: Այստեղից, ի վերջոյ, նոր դիմումների արդիւնքում երեքն էլ ազատուել են եւ Կ. Պոլիս հասել սեպտեմբերի 22-ին¹⁶⁴:

97. Քերոբեան պատուելի.- Ապրիլի 11/24-ի աքսորելոց առաջին քարաւանում էր, աքսորից ազատուածների առաջին խմբում¹⁶⁵:

98. Թումաճան.- Սամուէլ Թումաճանեան¹⁶⁶, Թումաճեան¹⁶⁷, Թումաճեան¹⁶⁸, հնչակեան գործիչ, նահատակ: Ըստ Գրիգորիս ծ. վրդ. Պալաքեանի՝ «վախճանն անծանօթ», մինչդեռ Արշ. Ալպոյաճեանի նահատակաց անուանացանկում է:

99. Պալաքեան ծ. վրդ.- Գրիգորիս (1873/1875, 1979, Եւդոկիա (Թոքաթ) - 1934, նոյեմբեր, Մարսել): Բանասէր, պատմաբան, աստուածաբան, ծայրագոյն վարդապետ, ապա եպիսկոպոս¹⁶⁹: Նախն. կրթութիւնը ստացել է ծննդավայրի, ապա Կարնոյ Սանասարեան վարժարաններում: Արմաշի դպրեվանքի ուսումնառութեան ավարտաճառն էր՝ Գործնական աստուածաբանութիւն, եւ այս ասպարէզում խորանալու

էջ 100. Առաջ, VI - Դարձ խաչիմ ճամփէն,- «Էջմիածին», 1968, Ժ, էջ 53

166 Գ. Պալաքեան, *Առաջ տեղում*, էջ 97 (I, II հրտ.)

167 Գ.Ա.Թ., Արշ. Ալպոյաճեանի ֆ., արխիւ 44, թերթ 4

168 Եր. Օտեան, *Թիւ 17 խափէն*, Գ. գիրք, «Անուանացանկ», էջ 287, Գ.Ա.Թ., Առաջ տեղում

169 Գ. Պալաքեան, *Ձ. աշխ.*, էջ 77/79, 96, 192/181, 416-418/388-390 (I, II հրտ.). Թէոդիկ,- «Ամէնու տարեցոյցը», Ժ-ԺԴ տարի, 1916-1920, էջ 114, 255-256. Առաջ, *Անիի մէջ գիշեր մը*. տե՛ս Թէոդիկ,- «Ամէնու տարեցոյցը», 2 տարի, էջ 156-165. Առաջ, *Յեղիմ յարութիւնը*. Թէոդիկ, ԺԷ տարի, էջ 385-387 (էջ 387-ին նաեւ Թէոդիկի ծանուցումը). Վաղիմակ Բիրատ, *Իմ կեանքի յուշերից*, Գ.Ա.Թ., Եր., 1999, էջ 60. Եր. Օտեան, *Անիճեալ տարիներ...*, էջ 92, 560, *Սողոմոն Թեհլիբեանի դատավարութիւնը* (սղագրութիւն), (Յեղասպանութեան մատենաշար), Եր.,- «Արեւազուն», 1990, էջ 111-120,- «Հայկական հարց հանրագիտարան», էջ 375. Գառնիկ Ստեփանեան, *Կենսագրական բառարան*, հտ. Գ, գիրք 1, Եր., 1990, էջ 226 (այս անուն-ազգանուն անկայ է եւ Չանդըրըի եւ Այաշի վերապրող աքսորականներից գրեթէ բոլորի յուշերում - Կ. Ա.). ՀՀՀ, հտ. 4, Եր., 2003, էջ 143. Փիթեր Բալաքեան, *Մակատարի սեւ շուրջ*, յուշագր., Նիւ Եօրք Թայմզի Աշանակալից գիրք,- «Տոմար-ժողով» - սկզբնաէջ, (անթուակիր), մասն հիմնադրող - *Արիւնտ յուրեր*. «Մեր նախնիների գերեզմանատունը», «Ընթերցելով կմայաքը», Եր., 2002, էջ 274-275, 278-279, 285, 298-309:

160 Նոյն տեղում, էջ 98. Թէոդիկ,- «Ամէնու տարեցոյցը», Ժ-ԺԴ տարի, 1916-1920, էջ 115
161 Գ. Պալաքեան, *Առաջ տեղում*
162 Նոյն տեղում, էջ 99 (I, II հրտ.)
163 Նոյն տեղում, էջ 98 (I, II հրտ.)
164 Գ. Պալաքեան, *Ձ. աշխ.*, էջ 98 (I, II հրտ.). Օրհանէս Թէրլէմէզեան, *Առաջ տեղում*. Յ. Սիրուհի, *Կոմիտասի հետ*, V - *Բրիտոս պատարագեալ*,- «Էջմիածին», 1968, Ը-Թ, էջ 102
165 Ա. Նազազեան, *Ձ. յուշագր.*, էջ 6. Թէոդիկ,- «Ամէնու տարեցոյցը», ԺԶ տարի, 1922, էջ 35. 40. Յ. Սիրուհի, *Առաջ տեղում*, գլ. IV - *Չանդըրը*,

նպատակով էլ մեկնել է Գերմանիա՝ Բեռլինի համալսարանում ուսումնասիրելով ե՛ւ աստուածաբանութիւն, ե՛ւ փիլիսոփայութիւն: 1914-ի սեպտեմբերի կէսերին վերադարձել է Կ. Պոլիս, կանխազգացումով, ասես, հրաժարուել Երզնկայի Առաջնորդական տեղապահութեան ստանձնումից (պատրիարքարանի կողմից այս պաշտօնին կոչուած Պրոսպի առաջնորդ Տ. Սահակ ծ. վրդ. Օտապաշեանը, պաշտօնավայր չհասած, իթթիհատականների նենգադաւութեան զոհ է դարձել), սակայն չի կարողացել խուսափել համազգային եղբրականից: Կառավարութեան ուշադրութիւնը գրաւել էր Իզմիրլեանի օրօք՝ անդամակցելով նրա «Հիւսիսային» ուղեւորութեան շքախմբին: Բալկանեան պատերազմի ընթացքին, երբ արժարժուում էր հայկական հարցը, Պալաքեանը պատրիարքարանում նշանակուել է «Ապահովութեան յանձնաժողովի» ընդհ. քարտուղար: Սոյն նկատառումներով, բնականաբար, յայտնուել է տարագրեալների «սեւ ցուցակում» եւ 1915-ի ապրիլի 11/24-ի չարաշուք այդ շաբաթ գիշերը կեղերոնական բանտ է բերուել Սկիւտարից ութ այլ ընկերների հետ (ցաւօք չի յիշատակում անունները - Կ. Ա.): Աքսորուել է Չանդըրը, ինչպէս յայտնի է իր յուշագրից, եւ, ինչպէս տեսնում ենք, համրիչի հատկաշարը եզրափակող 99-րդ հատի փորագիր ազգանունակիրն է: Եղել է Ազգային կեղերոնական վարչութեան կրօնական ժողովի անդամ:

1916 թ. փետրուարի 13-ին Կ. Պոլսոյ աքսորականներից 16-ն էին մնացել Չանդըրըում եւ տեղի հայրութեան հետ պարտաւոր էին տարագրուել Տէր-Զօր: Ահա այս ճանապարհին է, որ ապրիլի 2-ին վարդապետին յաջողուել է փախուստը Իսլահիէից Այրան Յովհաննէս անունով յիսնամեայ մի համարձակ վանեցու աջակցութեամբ (ծխախոտի մաքսանենք էր): Այրան-Բաղչէ փախչելով նա հասել է Ամարան-Բաղչէ փախչելով նա հասել է Ամարան լեռնաշղթայ, որտեղ գերմանացիները

գետնուղի էին կառուցում: Բաւականին բարեացակամ են վերաբերուել իրեն, եւ 4 ամիս կերպարանափոխ մնացել է այստեղ՝ Մորֆ եւ Կլաուս ճարտարագէտների հովանաւորութեամբ: Ապա հանգամանքները ստիպել են փախչել Տաւրոսի լեռներ, ուր դարձեալ գերմանացի ճարտարագէտները թունել էին բացում: Այստեղ էլ գտել է զուկցերացի երկրաչափ Լոյթենեկերի աջակցութիւնը՝ գերմանական հիւանդանոցի բժշկապետ Բ. Պոյաճեանի բարեխօսութեամբ: Եւ սակայն, երբ թուրք պաշտօնեաներն իմացել են իր հայ լինելու մասին, չնայած հեռ. Կիւստաւ Բերնշտայն անուանափոխութեանը, նորից ստիպուած փախել է Ադանա: Հինգ ամիս էլ այստեղ է մնացել գերմանացի գլխ. ճարտարագէտ Վինկլերի հովանաւորութեամբ, ապա գերմանացի զինուորի համազգեստով գերմանացի ենթասպաների ու զինուորների հետ երկաթուղով հասել է Կ. Պոլիս: 1918-ի նոյեմբերին թողնելով Կ. Պոլիսը՝ անցել է Փարիզ, ապա Մանչեստր, որտեղից էլ 1921-ին կանչուել է Բեռլին՝ Սողոմոն Թեհլիբեանի դատավարութեանը՝ որպէս վկայ: Կեանքի վերջին տարիներին հարաւային Յարանսիայի հայոց հոգեւոր առաջնորդն էր Մարսելում, որտեղ եւ թաղուած է Սեն Պիեռ գերեզմանատան դամբանական մատուռում:

Համրիչի անուանացանկի համադրումը Գրիգորիս ծ. վրդ. Պալաքեանի Չանդըրըի աքսորականների անուանացանկին պարզեց, որ համընկնում են 62-ը. միւսների արհաւրալից ճակատագրի վկայութիւնը, որպէս Չանդըրըի աքսորեալներ, մնում է համրիչը: Նրանք էին համրիչի թիւ 7, 17, 18, 23, 37, 43, 45, 47-54, 56-58, 60, 61, 63, 65, 69-75, 80-82, 84, 88, 89, 92, 97 հատերին արձանագրուած անուն-ազգանունակիրները: Պալաքեանի համապատասխան ցանկում չկան նաեւ Չխախտաբոյժ Պողոսեանը (համրիչի թիւ 12-ը - Կ. Ա.), Ղազարոսը (համրիչի թիւ 24-ը - Կ.

Ա.), Հրանդը (Համրիչի թիւ 53-ը - Կ. Ա.), Հրաչը (Համրիչի թիւ 76-ը - Կ. Ա.), որոնք իր Այաչի անուանացանկում են ընդգրկուած, չնայած ինչ-ինչ առնչութիւն ունեն Չանդըրըի հետ: Այսուհանդերձ, Հայ Գողգոթայի, ինչպէս չանդըրականների ցանկում, այնպէս էլ շարադրանքում կան անուններ, որոնք բացակայում են Համրիչին՝ այսպիսով բացայայտելով աքսորուած մնացածներից ոմանց Համընդհանուրից:

Ներկայացնենք նաև նրանց՝ այլև-այլ աղբիւրներից քաղուած տեղեկատուութեան յաւելումով:

1. (104¹⁷⁰) Պատուելի Գրիգորեան¹⁷¹.- Յովհաննէս, (1855, Այնթապ - 1942): Սկզբնական կրթութիւնը ստացել է ծննդավայրի «Աստուածատուր» դպրոցում: 1870-ին աւարտել է Մարաշի ճեմարանը, որպէս ուսուցիչ՝ աշխատել Այնթապի ամերիկեան քոլեջում: 1880-ին մեկնել է ԱՄՆ, աստուածաբանական բարձրագոյն կրթութիւն է ստացել էյլի Համալսարանում, որտեղ եւ արժանացել է աստուածաբանութեան դոկտորի գիտական աստիճանի: Վերադառնալով Այնթապ՝ շարունակել է ուսուցչական գործունէութիւնը: 1902-ին Կ. Պոլսի Աւետարներ (Հրատարակութիւնը՝ 1855-ի յունուարի 3-ից) կրօնական, ուսումնական, ընտանեկան եւ քաղաքական շաբաթաթերթի խմբագիրներից մէկը: 1910-1915-ին Հրատարակել է Ռահմիւմա Հայատառ թուրքերէն շաբաթաթերթը: Ապրիլի 11/24-ին ձերբակալուած եւ Չանդըրը աքսորուածների առաջին քարաւանում էր. դիմումով վերադարձածների առաջին խմբում:

170 Թարմակելիութեամբ Ակատի է առնուած համրիչին արձանագրուած 103 տարագրեալներին աքսորակից լինելու հանգամանքը:
171 Գ. Պալաքեան, *Ա. աշխ.*, էջ 96 (I, II հրտ.). Թէոդիկ, - «Ամէնուն տարեցոյցը», Դ տարի, 1910, էջ 290. Յ. Սիրունի, *Կոմիտասի հետ*, VI - Դարձ խաչի ճամփէն, - «Էջմիածին», 1968, Ժ, էջ 53. Ասատուր Փաշայեան, *Տիտղոսակիր հայեր*. XV-XIX դարեր, Եր., 2001, էջ 69

2. (105) Հիւսեան (Տօռեան՝ մականունանեալ).- ուսուցիչ, խմբագիր, նահատակուած էնկիւրիի մօտ¹⁷²:

3. (106) Աղարիկ.- դեղագործ, նահատակուած Տէր-Ջօրի կողմերը¹⁷³:

4. (107) Դանիէլեան.- պանտրմացի դերձակ ի Կ. Պոլիս եւ ծանօթ Հնչակեան գործիչ, վերապրող¹⁷⁴:

5. (108) Բարունակ Սարուխան.- ըստ Գրիգորիս ծ. վրդ. Պալաեանի՝ «քաղաքապետութեան պաշտօնեայ, վախճանն անծանօթ»¹⁷⁵:

Պարզուած է վախճանը. այս աքսորականը Արշ. Ալպոյաճեանի նահատակաց ցանկում է¹⁷⁶:

6. (109) Գայրքեան (Համրիչի թիւ 90-ը - Կ. Ա.) երեք վաճառական եղբայրներից Միհրանն է կամ Գէորգը¹⁷⁷: Երեքն էլ նահատակուել են էնկիւրիում:

7. (110) «Մկրտիչ անուն կտրիճ երիտասարդ».- դաշնակցական¹⁷⁸:

Այլ աղբիւրներից քաղուած անուններն են՝

1. (111) Պարոնեան.- գրածախ, բողոքական, Չանդըրըից Այաչի սպանդըջուած առաջին քարաւանից դիմումով ազատուած եւ Կ. Պոլիս վերադարձած¹⁷⁹:

2. (112) Միքայէլ.- մկանաւոր, վերոնշեալ առաջին սպանդի քարաւանից: Նահատակ¹⁸⁰:

172 Գ. Պալաքեան, *Ա. աշխ.*, էջ 97 (I, II հրտ.)
173 Նոյն տեղում, էջ 98 (I, II հրտ.)
174 Նոյն տեղում
175 Նոյն տեղում, էջ 99 (I, II հրտ.)
176 Գ.Ա.Թ, Արշ. Ալպոյաճեանի ֆ., արխիւ 44, թերթ 1
177 Գ. Պալաքեան, *Ուն տեղում*
178 Նոյն տեղում, էջ 172 (I հրտ.), 164 (II հրտ.)
179 Միքայէլ Թամուսեան, *Չանդըրըն վերջումներ*. տե՛ս Թէոդիկ, *Յուշարձան...*, էջ 114, 132 (I, II հրտ.):
180 Նոյն տեղում, էջ 114-115/132-133 (I, II հրտ.)

3. (113) Փաստրմաճեան.- Միհրան, «Կարնեցի Կարոի եղբորորդին, ուսանող Միլթիէի»¹⁸¹, նահատակ:

4. (114) Փափագեան Վրթանէս.- տարէց Բերացի, տարագրեալների առաջին քարաւանից, որն աքսորուել էր՝ Համանուն վիպասանի¹⁸² նոյնանուն-ազգանունակիցը լինելով: Ըստ Բիւզանդ Քէչեանի՝ Հէնց իր՝ իսկութիւնը պարզած դիմումով մարդն ազատուել է եւ Կ. Պոլիս Հասել աքսորադարձ առաջին խմբի հետ: Թէոդիկի 1916-20 թթ. Տարեցոյցի «Դիմումներով աքսորէ դարձողներ»-ի մէջ ներկայացուած է դերձակ: Բիւզանդ Քէչեանը ներկայացնում է որպէս «Իր կեանքը մանիֆատուրայի կրպակին, եկեղեցիին ու իր տան մէջ անցուցած ծերունի մը», Հաւատով խոստովանիմը ծայրէ ի ծայր անթերի արտասանողներ»-ից¹⁸³:

5. (115) Խաղտագեան Արշակ (1875-1915).- խնուցի վաճառական: Ըստ Թէոդիկի Յուշարձան...-ի տեղեկութեան «Հայրենակից կարգ մը առեւտրականներու հետ իր տարագրումէն յետոյ՝ միջոցը գտնելով թէեւ կ'աջողի մայրաքաղաքս դառնալ, բայց մատնուելով կրկին՝ կ'աքսորուի Չանդըրիէն հեռու՝ Մէհիտ-էօզիւ, անվերադարձ»:

181 Թէոդիկ, *Յուշարձան...*, էջ 47, 65 (I, II հրտ.). Յ. Սիրունի, *Կոմիտասի հետ*, III. - *Խաչի ճամփան*. - «Էջմիածին», 1968-Է, էջ 6
182 Ըստ Բ. Քէչեանի միջնորդաւորուած տեղեկատուութեան՝ վիպասան Վ. Փափագեանը արհաւիրաց օրերին Ռումիանայում էր, ըստ Թէոդիկի՝ «գօրակոչէն վերջ Ռումիա անցած», որ անվի հաւանական է: Տե՛ս Թէոդիկ, - «Ամէնուն տարեցոյցը», Ժ-ԺԴ տարի, 1916-1920, էջ 115: Ուշագրաւ է վիպասանի 1920 թ. ապրիլի 3 թուակիր անակը վաղաքաղաքային շայատանի Հանրապետութեան կառավարութեանը, որով յորդորում էր ապրիլի 11-13-ի (24-26) օրերից մէկը սահմանել 1915-ի անհատական սպանդի ղեկավարող դրսերորդ յիշատակի օր (Վրթանէս Փափագեան, *Նամակ-տաղաթ*. տե՛ս Ալքերտ Փարսադեան, *Ա. աշխ.*, էջ 233-234):
183 Թէոդիկ, - «Ամէնուն տարեցոյցը», Ժ-ԺԴ տարի, 1916-1920, էջ 115. ԺՁ տարի, 1922, էջ 35, 40

րադարձ»: Ահաւասիկ, Չանդըրըի յիշատակումը ենթադրել է տալիս, որ այն եղել է նահատակի նախնական աքսորավայրը: (Ի դէպ, ասեմք, որ օգտագործուած կարեւորագոյն այնպիսի հիմնադրերը գրականութեան մէջ, ինչպիսին Թէոդիկի Յուշարձան...-ն է, Չանդըրը ներկայացուած է որպէս Ռուբէն Սեւակի, Վահան Քէչեանի, Դանիէլ Վարուժանի, Օննիկ Մաղազաճեանի եւ Օրթաքէոյի հացավաճառ Արթիւնի ստոյգ աքսորավայրը: Արշակ Խաղտագեանի պարագայում, ինչպէս տեսնում ենք, այս աքսորավայրը յիշատակուած է անուղղակիօրէն)¹⁸⁴:

Այաչի աքսորական Աւետիս Նազաչեանի յուշագրութեան էջերում կենտրոնական բանտից ապրիլի 12-ին (12/25-կ.Ա.) դուրս բերուած աքսորականների առաջին քարաւանի կազմում յիշատակուած են սրճեկի Յակոբը, գինեպան Օննիկը, «Յակոբի տղան՝ Գրիգոր»:
Կիւլհանէ մտնելիս «Ակնունիի քովէն կը քալէր մսավաճառ Կարապետ՝ գլուխը բաց, գոգնոցը դեռ վրան, Վարուժանի շարքին մէջ էր նպարավաճառ Յակոբը: Չարդարեանի հետ կը քալէր Ազատամարտի մեքենավարը»¹⁸⁵, - ասում է նա: Ըստ նոյն հեղինակի վկայութեան՝ «Պոլսոյ շահաւաճ Արթին Ասատուրեան ազատ արձակուեցաւ. Ասատուրեան անունի շփոթութեան մը զոհ եղած էր: Տիգրան Աճեմեան մը կար, որ կ'երեւի գրագէտ Աճեմեանի մը տեղ բերուած էր: Մարդը Անգարացի էր եւ մէկ բառ Հայերէն չէր գիտեր: Ազատ թողուեցաւ¹⁸⁶: Դարձեալ Հայկ Թիրէաքեան մը կար մեր քով, կաղ, կէսկոյր եւ մեղմազձոտ մէկը, որ Բերայի մէջ նպարավաճառ է եղեր: Այս մարդը շփոթէր էին 1896-ին պանքայի հերոսներէն Հայկ Թիրէաքեանի (Հրաչ) հետ

184 Թէոդիկ, *Յուշարձան...*, էջ 15/33, 42/60, 47/65 (I, II հրտ.)
185 Ա. Նազաչեան, *Ա. յուշագր.*, էջ 6, 10, 11
186 Նոյնը, էջ 32

եւ խառնեք էին մեր խումբին: ...Իսկական Հայկ Թիրէաքեանը տարուեր էր Չանդըրը: Իսկական Հայկ Թիրէաքեան իմանալով այդ՝ հեռագիր կու տայ Կ. Պոլիս եւ ինքզինքը կը մատնէ: Հրաչ Չանդըրէն բերին մեր քով... յետոյ սպաննեցին»¹⁸⁷:

Իրաւամբ, մասվաճառ Կարապետը՝ Թաշճեան ազգանուամբ, ինչպէս տեղում յիշատակել ենք (տե՛ս համրիչ թիւ 60), աքսորադարձուել է, մինչդեռ նոյնանուն-ազգանունակիցը նահատակուել է էնկիւրիում¹⁸⁸: Հետեւաբար Հնարաւոր է եւ Յակոբի որդի Գրիգորի, սրճեփ Յակոբի, գինեպան Օննիկի, նպարավաճառ Յակոբի ներկայութիւնը տարագիրների կազմում, որոնք Այաշ կամ Չանդըրը են տարուել: Թէոդիկի Յուշարձան...-ում է Ազատամարտի մեքենավարը՝ 21-ամեայ այաշական նահատակ Արթին Մսրըլեանը¹⁸⁹: Հանրայայտ է նաեւ Հրաչի վեհանձնութեան առհասարակ նախնորաց արարքը՝ յանուն իր նոյնանուն-ազգանունակից ակամայ - զոհի: Ուրեմն՝ արդէն կասկածից վեր է յանուանէ յիշատակուած շահաւաքի, թրքախօս անգարացի հայի ներկայութիւնը աքսորականների մէջ, միայն թէ՛ ոչ շփոթութեան, այլ նպատակային ծրագրի իրականացման արդիւնքում: Նախապէս կազմուած «սեւ ցուցակներում» ներառուել էին ազգի մտահոգեւոր կեանքի Չահակիրների, նրա կենաց ապահովութիւնն ըստ իրենց ընկալման տեսնող գաղափարական, ազգային, քաղաքական գործիչների անուն-ազգանունակիցները, որեւէ վրիպում թոյլ չտալու նկատումամբ եւ երկակի միտումով: Անմիջական հայեացքով, շահաւաքի կամ նպարավաճառի ա-

զատ արձակուամբ, որպէս անմեղների, թուրք կառավարութեան արդարադատութեան մտապատրանք է առաջացնում, մինչդեռ այդպիսով հէնց, ողջ մի ժողովուրդ մտակորոյս, ոգին խաւարած, թեւաթափ զանգուածի էր վերածուում, զանգածը՝ վերապրող բեկորներից... բեկ-բեկ...

Պոլիս դարձած Տիգրան Աճեմեանը Գրիգորիս ծ. վրդ. Պալաքեանի Այաշի աքսորականների կազմում է¹⁹⁰:

Յակոբի տղայ Գրիգորը, սրճեփ Յակոբը, գինեպան Օննիկը, նպարավաճառ Յակոբը յաւելեալ անուններ են տարագրեալների առաջին քարաւանում, ինչպէս եւ շահաւաք Յարութիւն Ասատուրեանը, որի փոխարէն, այնուամենայնիւ, Այաշ է բերուել փնտրուած նոյնանուն-ազգանունակիցը, որը Գրիգորիս ծ. վրդ. Պալաքեանի Այաշի աքսորականների շարքում թիւ 51-ն է, «Նահատակուած էնկիւրի» տեղեկատուութեամբ¹⁹¹:

Արդ, անդրադառնանք Այաշի աքսորականներին՝ հիմք ընդունելով Գրիգորիս ծ. վրդ. Պալաքեանի 62 այաշականների անունացանկը, որը պրպտումներին արդիւնքում լրուել է, հնարաւորինս:

1. Խաչատուր Մալումեան¹⁹².- է. Ակնունի (1860/63, Մեղրի - 1915, Ուրֆայի ճանապարհին), հրապարակախօս, հասարակական-քաղաքական գործիչ, յայտնի դաշ-

187 Նոյնը, էջ 32-33
188 Գ. Պալաքեան, *Ա. աշխ.*, էջ 89, 90 (I, II հրտ.). Կ. Աւագեան, *Ա. աշխ.*, էջ 48-49. *Արմի Թանգարանային մէկ ցուցանմոյշ...*, - Բազմալէպ, 2006, էջ 141-143
189 Թէոդիկ, *Յուշարձան...*, էջ 47, 65 (I, II հրտ.)

190 Գ. Պալաքեան, էջ 90 (I, II հրտ.)
191 Նոյնը, էջ 89, 90 (I, II հրտ.)
192 Գ. Պալաքեան, *Ա. աշխ.*, էջ 86, 87 (I, II հրտ.). Թէոդիկ, *Յուշարձան...*, էջ 7, 25 (I, II հրտ.). Բ. Պօզաճեան, *Ա. յուշագր.*, էջ 106/124, 108/126 (I, II հրտ.). Եր. Օտեան, *Ամիծեայ տարիներ...*, էջ 90, 544. Կ. Գեորգեան, «Ամէնուն տարեգիրք», 1965, ԺԲ տարի, *Ա. յօդուած*, էջ 161. Ա. Նազգաշեան, *Ա. յուշագր.*, էջ 10, 45. Յ. Սիրունի, *Արմի տեղում*, էջ 218, 325. ԳԱԹ, Արշ. Ալպոյաճեանի ֆ., արխիւ 44, թերթ 1. «Հայկական հարց հանրագիտարան», էջ 26, 116, 208, 334, ՀՀՀ, հտ. 3, Եր., 1999, էջ 525. *Ով՛ ով է*, կենսագրական հանրագիտարան, հտ. 2, էջ 19:

նակցական: 1883 թ. աւարտել է Թիֆլիսի Ներսիսեան դպրոցը, ապա ուսումը շրունակել ժնեւում: Գրիգոր Արծրունու մահից յետոյ Մշակ թերթի պատասխանատուներից էր: Գործել է Ս. Պետերբուրգում, 1899-ից՝ ժնեւում աշխատել Դրօշակի խմբագրութիւնում, որտեղ եւ հրատարակել է Կովկասեան խարրիկներ յօդուածաշարը՝ է. Անկունի ստորագրութեամբ, աշխատակցել է եւ Ազատամարտին: Քարոզչական ծաւալուն աշխատանք է տարել Եւրոպայում ի նպաստ Հայ Դատի: 1908-ից հիմնականում գործել է Կ. Պոլսում, 1910-11-ին քարոզչութեամբ հանդէս է եկել Ամերիկայում, Եգիպտոսում, Լիբանանում, Չիլիում: 1910-ին ԱՄՆ-ում նրա ջանքերով հիմնադրուել է «Հայ օգնութեան միութիւն»-ը, Հայ կանանց տարբեր կազմակերպութիւնների միաւորմամբ՝ «Դաշնակցութեան կարմիր խաչի» մէջ: 1914 թ. օգոստոսին մասնակցում էր ՀՅԴ կուսակցութեան 8-րդ ընդհանուր ժողովին էրզրումում:

1915-ի ապրիլի 11/24-ին ձերբակալուած մտաւորականութեան կազմում է, Այաշի աքսորական նահատակ:

2. Գարեգին Չազալեան.- Խժժակ, «Պապա Գասպար» ծածկանուամբ (1867, Ալեքսանդրապոլ - 1915, Ուրֆայի ճանապարհին): Հրապարակախօս, թարգմանիչ, մանկավարժ, դաշնակցական յայտնի գործիչ: Աւարտել է Էջմիածնի Գէորգեան ճեմարանը 1886-ին, 1893-ին անցել է ժնեւ, 1898-ին՝ աւարտել տեղի համալսարանի հասարակագիտական ֆակուլտետը: Ուսուցչութեամբ է զբաղուել Ալեքսանդրապոլում, Կ. Պոլսում, Շուշիում, Թիֆլիսում, Մշակի խմբագիրն էր 1903-ից, միաժամանակ, 1904-ին, նաեւ Ներսիսեան դպրոցի ուսուցիչ, որտեղ դասաւանդում էր պատմութիւն, ֆրանսերէն, քաղաքական տնտեսութիւն:

1906-ին Ա. Ահարոնեանի եւ Յ. Թօփեանի հետ հիմնել է Յառաջ, Ալիք թերթե-

րը: Ողջ գործունէութեան ընթացքում, որպէս եռանդուն քաղ. գործիչ, ձերբակալուել է ե՛ւ Կ. Պոլսում, ե՛ւ Թիֆլիսում (Մետեխի բանտ): 1912-ի ամռանը Ահարոնեանի եւ Իսահակեանի հետ եկել է Կ. Պոլիս եւ 1913-ին ստանձնել Սամաթիոյ ազգային վարժարանի տնօրինութիւնը: Տպագրուել է Մշակում, Մուրճում, Տարազում, Ազատամարտում, զբաղուել է թարգմանչական աշխատանքով:

1915-ի ապրիլի 11/24-ին ձերբակալուածների խմբում էր, Այաշի աքսորական-նահատակ: Յայտնի է հակիրճ նամակը ընտանիքին Այաշից Տիգրանակերտի պատերազմական ատեան տարուելու ճանապարհից, որ գրել է էրէյլիի կայարանում 1915-ի մայիսին՝ յիշատակելով բախտակից ընկերներին՝ Ակնունի, Ջարդարեան] (Սարգիս Մինասեան, դոկտ. Տաղաւարեան, Ճիհան-կիւլ[եան]¹⁹³ - Կ. Ա.):

3. Ռուբէն Չարդարեան (1874, Սեւերեկ (Սեւաւերակ) - 1915, Ուրֆայի ճանապարհին):

1915-ի ապրիլի 11/24-ին տարագրուել է Այաշ, այնտեղից Տիգրանակերտի պատերազմական ատեան է քշուել հինգ ընկերների հետ, իբր դատուելու (տե՛ս վերը՝ Խժժակի նամակում), նրանց հետ էլ նահատակուել է Ուրֆայի ճանապարհին: Առաջին քարտը թուրքերէնով Այաշից ապրիլին հասցէագրել է կնոջը՝ Վերոնիկային, 2-րդը

193 Գ. Պալաքեան, *Արմի տեղում*. Թէոդիկ, *Յուշարձան...*, էջ 5-6/23-24 (I, II հրտ.). Բ. Պօզաճեան, *Ա. յուշագր.*, էջ 102/120, 108/126 (I, II հրտ.). Ա. Նազգաշեան, *Արմի տեղում*, էջ 45. ԳԱԹ, Արշ. Ալպոյաճեանի ֆ., արխիւ 44, թերթ 1. Եր. Օտեան, *Արմի տեղում*, էջ 90, 551. Յ. Սիրունի, *Ա. աշխ.*, էջ 45, 98, 135, 192, 193, 333, ՀՍՀ, հտ. 4, Եր., 1978, էջ 703. «Հայկական հարց հանրագիտարան», էջ 116, 164, ՀՀՀ, հտ. 2, Եր., 1995, էջ 468. *Ով՛ ով է*, կենսագրական հանրագիտարան, հտ. 1, Եր., 2005, էջ 487

մայիսին գրել է ստոյգ մահուան քշուելու ընթացքին՝ էնկիւրիից¹⁹⁴:

4. Սարգիս Մինասեան, Արամ Աշոտ կեղծանուամբ (1873, Չէնկիլէր (Եալօւա) - 1915, Ուրֆայի ճանապարհին): Գրող, խմբագիր, ուսուցիչ, դաշնակցական գործիչ: Պարտիզակի բարձրագոյն վարժարանից անցել է Կ. Պոլսոյ Կեդրոնական, ապա Հրանդի (Մեղքոն Կիւրճեան) աջակցութեամբ մեկնել է Ժնև, 1894-1903 թթ. ուսումնասիրել հասարակագիտութիւն: Աշխատակցել է Դրօշակին, տեղափոխուելով Բոստոն՝ մինչեւ 1905 թ., վարել է Հայրեն-Արքի խմբագրութիւնը, ապա նորից անցել Ժնև, մինչեւ 1909-ը: Կ. Պոլիս է վերադարձել «Հիւրիեթ»-ից յետոյ, զբաղուել ուսուցչութեամբ եւ գրականութեամբ: Ազգային երեսփոխան էր Բերա՝ Գասրմ Փաշայից: Ազատամարտի մնայուն աշխատակիցներից լինելով կառավարութեան ուշադրութիւնը գրաւել է, հաւանաբար, պատերազմի սկզբներին այնտեղ տպագրած սրամիտ քննադատական յօդուածների շարքով, որոնք վերաբերում էին Բերայում հայ բժիշկների կողմից նախաձեռնուած առողջապահական բանախօսութիւններին: Ձերբակալուել է ապրիլի 11/24-ի չարաշք գիշերը, աքսորուել Այաշ, որտեղից էլ 5 ընկերների հետ դուրս բերուելով, իբր Տիգրանակերտի պատերազմական ատեան տա-

րուելու համար, նահատակուել է ճանապարհին¹⁹⁵:

5. Յարութիւն Ճանկիւլեան.- Կայծակ Հաճի (1855 կամ 1856, Վան - 1915 Ուրֆայի ճանապարհին): ՄԴ Հնչակեան կուսակցութեան հիմնադիրներից է, հասարակական գործիչ, հրատարակախօս, ազգային երեսփոխան: Կ. Պոլիս է եկել 1881-ին, եղել է 1890 թ. յուլիս 15-ի Գումգաբուի «Անգէն ցոյցի» կազմակերպիչներից, ձերբակալուել է, ենթարկուել անլուր տառապանքների, մահուան դատապատժի վճիռը, սակայն, փոխուել է ցմահ բանտարկութեան: Մինչեւ 1896 թ. Աքիայի, (կամ Ակրայի) բանտում էր, 1897-ին՝ յաջողել է փախչել Կիպրոս, ըստ Կարո Գէորգեանի՝ Եգիպտոս: Կ. Պոլիս է վերադարձել «Հիւրիեթ»-ի հոչակումից՝ երիտթուրքերի յեղաշրջումից յետոյ՝ 1908-ին: Պաշտօնավարել է Հնչակեան կուսակցութեան պատասխանատու մարմիններում, ընտրուել ազգ. երեսփոխան՝ Կէտիկ Փաշայից, նաեւ Միացեալ ընկերութեան հիմնադիր ժողովի անդամ էր: 1913-ին հրատարակել է յուշեր՝ Յիշատակներ Հայկական ճգնաժամում, չորս հատորով, որտեղ ամփոփուած են ազգ. յեղափոխական կեանքի ուշագրաւ փաստավաւերագրեր:

1915 թ. ապրիլի 11/24-ի առաջին ձերբակալուածներից է, Այաշի աքսորական, որին իր հինգ աքսորակից ընկերների հետ՝ հանել են այնտեղից, Տիգրանակերտի պատերազմական ատեանում դատուել պատրուակով եւ խողխողել Ուրֆայի ճանապարհին¹⁹⁶:

195 Թեոդիկ, Յուշարձան..., էջ 16, 34 (I, II հրտ.). Բ. Պոզանեան, *Այն տեղում*. Ա. Նազգաշեան, *Այն տեղում*, էջ 45. Եր. Օտեան, *Աշ. յուշագր.*, էջ 79, 88, 556. Արշ. Ալաօյանեանի ֆ., արխիւ 44, թերթ 4. Կ. Գեորգեան, *Այն տեղում*, էջ 166-167. Յ. Սիրունի, *Այն տեղում*, էջ 98, 192, 338

196 Գ. Պալաքեան, *Աշ. յուշագր.*, էջ 87 (I, II հրտ.). Թեոդիկ, *Յուշարձան...*, էջ 33, 51 (I, II հրտ.). Բ. Պոզանեան, *Այն տեղում*, էջ 102/120, 108/126.

194 Գ. Պալաքեան, *Աշ. յուշագր.*, էջ 87, (I, II հրտ.). Թեոդիկ, *Յուշարձան...*, էջ 14/32 (I, II հրտ.). Գ.Ա.Ս. Արշ. Ալաօյանեանի ֆ., արխիւ 44, թերթ 4. Կ. Գեորգեան, «Ամէնում տարեգիրքը», 1959, էջ 151-155. Այնք, 1965, էջ 161-162. Եր. Օտեան, *Այն տեղում*, էջ 90, 548, ՀԱՀ, հտ. 3, Եր., 1977, էջ 665-666, ՀՀՀ, հտ. 2, էջ 182. «Հայկական հարց հանրագիտարան», էջ 10, 129, 240, 305. «Սովետական գրականութիւն», 1965, թիւ 4, էջ 72-73. Յ. Սիրունի, *Աշ. յուշագր.*, էջ 125, 142, 190, 193, 197, 218, 249, 266, 279, 286, 287, 291, 301, 330. Ա. Նազգաշեան, *Աշ. յուշագր.*, էջ 11, 49. Բ. Պոզանեան, *Աշ. յուշագր.*, էջ 108/126 (I, II հրտ.). *Ով' ով է*, հտ. 1, էջ 389

6. Դոկտ. Նազարեթ Նահապետի Տաղաւարեան (Չատրըճեան), (25.12.1862, 1863?, Սեբաստիա - 1915, Ուրֆայի ճանապարհին):

Գիւղատնտես, բնագէտ, բժիշկ, Ստամբուլի հայ բժիշկների միութեան անդամ, հասարակական եռանդուն գործիչ, Հայկական բարեգործական ընդհանուր միութեան հիմնադիրներից (Պօղոս Փաշայի հովանաւորութեամբ), Ազգային երեսփոխան, Մեպոլս՝ Սեբաստիայից (Սվազ) թուրքական խորհրդարանում:

Նախնական կրթութիւնը ստացել է Կ. Պոլսոյ Ամենափրկչեան վարժարանում, 1878-ին մեկնել Յրանսիա, 1881-1882-ին սովորել եւ աւարտել է Փարիզի երկրագործական վարժարանը:

1885 թ. Կ. Պոլսում հիմնել է հայերէն առաջին բնագիտական՝ Գիտական շարժում հանդէսը: 1885-86-ին Գատըքէոյի Արամեան վարժարանի տնօրէնն էր: 1887-ին դարձեալ Փարիզ է մեկնել, 1892-ին աւարտել է Սորբոնի համալսարանի բնագիտական, 1893-ին՝ բժշկ. ֆակուլտետները, ստացել բժշկագիտութեան դոկտորի աստիճան: 1904-ին Տաղաւարեանն արժանացել է Ֆրանսիական աստղագիտական ընկերութեան պատուաւոր անդամի կոչման: 1899-1905 թթ. նա եղել է հայոց Ս. Փրկիչ Ազգ. հիւանդանոցի բժշկապետը (զլիւ. բժիշկ): Հետապնդուել է համիդեան կառավարութեան կողմից, ձերբակալուել 1896-ին, 1900-ին երկրից փախել, հաստատուել է մերթ Մարսելում, մերթ Կահիրէում: Կ. Պոլիս է վերադարձել 1908-ին, զբաղուել հողային հարցի նախագծի մշակմամբ:

Ա. Նազգաշեան, *Այն տեղում*, էջ 6, 45. Կ. Գեորգեան, «Ամէնում տարեգիրքը», ԺԲ տարի, 1965, էջ 172. Եր. Օտեան, *Թիւ 17 յաֆիէն*, Գ. գիրք, «Անուանացանկ», էջ 288. Այնք, *Անի-ձեպ տարիներ...*, էջ 92, 554. «Հայկական հարց հանրագիտարան», էջ 41, 108, 293, ՀՀՀ, հտ. 3, Եր., 1999, էջ 495. Յ. Սիրունի, *Աշ. յուշագր.*, էջ 113, 336. *Ով' ով է*, հտ. 2, էջ 5-6

1909-ին արժանացել է Յրանսիայի հանրապետութեան Գիւղատնտեսութեան նախարարութեան հողագործական ծառայութեան Ասպետի խաչի:

Հեղինակ է գիւղատնտեսական, բնագիտական, բժշկագիտական, տիեզերագրական, նաեւ պատմա-բանասիրական արժէքաւոր ուսումնասիրութիւնների: Նման կարկառուն դէմքը չէր կարող վրիպել թուրք կառավարութեան «սեւ ցուցակներից», եւ պատահական չէր նրա ձերբակալութիւնը հէնց ապրիլի 11/24-ին, եւ աքսորը՝ Այաշ, որտեղից արդէն մայիսի սկզբներին դուրս բերուելով հինգ ընկերների հետ (տես Այաշի աքսորականների ցանկի թիւ 1-ից 5-ը)՝ իբր Տիգրանակերտի պատերազմ. ատեան տարուելիս խողխողուել է ճանապարհին¹⁹⁷:

7. Համբարձում Յակոբի Պոյաճեան.- Մեծն Մուրատ (1860?, 1867, 30.07, Հաճըն - 24.08.1915, Կեսարիա): Ազգային ազատագրական շարժման հանրայայտ գործիչ, Հնչակեան կուսակցութեան հիմնադիրներից՝ 1888-ին: Ժիրայրի (Յարութիւն-Մարտիրոս) կրտսեր եղբայրը, Ազգային երեսփոխան, Օսմանեան խորհրդարանի անդամ:

Պոլիս է եկել 1885-ին, թերաւարտ թողնելով Բժշկական համալսարանի ուսումը՝ նետուել ազատագրական շարժման

197 Գ. Պալաքեան, *Աշ. յուշագր.*, էջ 87 (I, II հրտ.). Թեոդիկ, *Յուշարձան...*, էջ 17/35 (I, II հրտ.). Բ. Պոզանեան, *Այն տեղում*, էջ 108/126. Ա. Նազգաշեան, *Այն տեղում*, էջ 45. Արշ. Ալաօյանեանի ֆ., արխիւ 44, թերթ 4. Եր. Օտեան, *Թիւ 17 յաֆիէն*, Գ. գիրք, էջ 291. Այնք, *Անի-ձեպ տարիներ...*, էջ 89, 90, 563. Կ. Գեորգեան, «Ամէնում տարեգիրքը», ԺԲ տարի, 1965, էջ 165, ՀԱՀ, հտ. 11, Եր., 1985, էջ 553. «Հայկական հարց հանրագիտարան», էջ 305, 439. «Հայկական համառոտ հանրագիտարան» (ՀՀՀ), հտ. 4, Եր., 2003, էջ 680-681. Ասատուր Փաշայեան *Տիտղոսակիր հայեր...*, էջ 252. Arsen Yarmat, *Այն տեղում*, էջ 62, 169, 241, 328, 566-567, 571, 736, 780-781. *Ով' ով է*, հտ. 2, էջ 562-563:

գործունէութեան ոլորտ: 1890-ի յուլիսի 15-ի Գումգաբուի «Անդէն ցոյց»-ի գլխաւոր կազմակերպիչն էր, որից յետոյ, խուսափելով ձերբակալութիւնից, փախել է Աթէնք: 1892-ին կուսակցական կենտրոնի հրահանգով անցել է Տարօն, գործակցել Միհրան Տամատեանի հետ: 1893-ին եղել է Կովկասում, զինուած փոքրաթիւ խմբով վերադարձել է Սասուն, ղեկավարել Սասունի 1894-95-ի ապստամբութիւնը, Մ. Տամատեանի ձերբակալութիւնից յետոյ: Ջինակիցներն էին՝ այնտեղ իրենց մարտական մկրտութիւնը ստացած Անդրանիկը, Գէորգ Չալուչը, Հրայր Դոնիսը: 1894-ի օգոստոսի վերջին ձերբակալուել է, երկու տարի մնացել Բաղէշի (Բիթլիս) բանտում, սկզբում մահուան դատապարտուած, ապա՝ ցկեանս բերդարգելութեան, աքսորուելով Տրիպոլիս (Աֆրիկա): 1904-ին (1905-ին?) յաջողել է փախչել բանտից, հաստատուել Փարիզում, ապա անցել է ԱՄՆ: 1907-ին Եգիպտոսում փորձել է համերաշխութիւն հաստատել վերակազմեալ հնչակեանների հետ, հանդիպելով Մ.Տամատեանին:

Պոլիս է վերադարձել չարաբաստիկ 1908-ին եւ լինելով ազգային երեսփոխան՝ Գումգաբուից, եւ մեպուս՝ Ադանայից... 1915-ի ապրիլի 11/24-ին ձերբակալուել, աքսորուել է Այաշ, այնտեղից՝ Կեսարիա, որտեղ էլ կախաղան է բարձրացուել:

Արշակ Ալպոյաճեանի նահատակաց կազմում է¹⁹⁸:

198 Գ. Պալաքեան, *Այն տեղում*, էջ 87, 88 (I, II հրտ.). Թեոդիկ, *Յուշարձան...*, էջ 30-31/48-49 (I, II հրտ.). Բ. Պօզաճեան, *Այն տեղում*, էջ 102-103/120-121 (I, II հրտ.). Ա. Նազազեան, *Այն տեղում*, էջ 17, 42-43. Կ. Գեորգեան, *Այն տեղում*, էջ 169. Գ.Ա.Թ. Արշ. Ալպոյաճեանի ֆ., արխիւ 44, թերթ 1, 4. «Հայկական հարց հանրագիտարան», էջ 100, 108, 147, 183, 327, 402, ՀՀՀ, հտ. 4, էջ 232, ՀՍՀ, հտ. 9, Եր., 1983, էջ 376. - ակնյայտ անճշտութիւն կայ այստեղ Հ.Պոյաճեանի վախճանի վերաբերեալ. Կ. Պոլսի Պայազետի հրատարակում 1915-ի յունիսի 2(15)-ին

8. Յարութիւն Շահրիկեան (1860, Շապին Գարահիսար - 1915, Էնկիւրի, ըստ՝ աքսորականից Ա.Նազազեանի՝ Այաշ-պէլի): Իրաւագէտ փաստաբան, հրապարակախօս, հանրային-քաղ. գործիչ, յայտնի դաշնակցական, Ազգ. երեսփոխան, ընտրուած՝ Սկիւտարից: Սկզբն. կրթութիւնը ստացել է ծննդավայրում, ապա աւարտել է Կ. Պոլսի Կալաթայ Սէրայի լիցէյը: 1890-ականներին աշխատակցել է Շահնազարի Հայրենիքին, ամուսնանալով Տրապիզոնում, 1896-ին այնտեղ ձերբակալուել, բանտարկուել է 13 ամիս, այդ ընթացքում իսկ ժամանակ չկորցնելով՝ սովորել անգլերէն: 1897-ի վերջերին փախել է Բաթում, ապա Թիֆլիս, այստեղ էլ իւրացրել է ռուսերէնը, Սանկտ Պետերբուրգի համալսարանից վկայուել փաստաբան: Կ. Պոլիս է վերադարձել 1908-ին, մնալով միշտ անհատ ազատական: Դաշնակցական մամուլում, մանաւանդ Ազատամարտում ուշագրաւ յօդուածների շարք է հրատարակել՝ նինի, Վաղինակ, Ատոմ ծածկանուններով: Մերժել է իթթիհատի Պետական Խորհրդին անդամակցելու հրաւերը:

Ձերբակալուել է 1915-ի ապրիլի 11/24-ին, աքսորուել Այաշ: Ըստ աքսորակից-վերապրող Ա. Նազազեանի յուշագրութեան՝ գնդակահարուել է Այաշ Պէլի կոչուող վայրում Այաշի վերջին 23 ընկերների հետ մէկտեղ¹⁹⁹:

կախաղան բարձրացում 20 հնչակեաններից մէկն է համարուել: Հասանաբար, յօդուածագիրը շփոթել է Արամ Գառնիկ Պոյաճեանի հետ: Ու՛ր ո՛վ է, հտ. 2, էջ 349:

199 Գ. Պալաքեան, *Այն տեղում*. Թեոդիկ, *Յուշարձան...*, էջ 4-5, 22-23 (I, II հրտ.). Բ. Պօզաճեան, *Այն տեղում*, էջ 103, 121 (I, II հրտ.). Ա. Նազազեան, *Այն տեղում*, էջ 6, 55. Գ.Ա.Թ. Արշ. Ալպոյաճեանի ֆ., արխիւ 44, թերթ 4, Կ. Գեորգեան, *Այն տեղում*, էջ 162. Եր. Օտեան, *Թիւ 17 խաֆիէն*, Գ. գիրք, Այն տեղում, էջ 290. Այնը, *Անիծեալ տարիներ...*, էջ 92, 559. Թ. Սիրունի, *Այն տեղում*, էջ 125, 139, 340. Ու՛ր ո՛վ է, կենսագրական հանրագիտարան, հտ. 1, էջ 149

9. Ատոմ Յովհաննէսի Եարճանեան.- Սիամանթոն (1878, Ակն., 01.01 կամ 15.08 - 1915, Էնկիւրի), 1891-ին Կ. Պոլսում հաստատուելով ուսանել է Գումգաբուի Միրիճանեան եւ Սկիւտարի Պերպերեան վարժարաններում:

Սիամանթոն եւս, բնականաբար, 1915-ի ապրիլի 11/24-ի հայ տարագիր մտաւորականութեան առաջին քարաւանում էր՝ Այաշի աքսորական, որին Էնկիւրիի սպանդ են քշել վերոնշեալ առաջին վեցեակին իբր Տիգրանակերտի պատերազմական ատեանում «ղատուելու» ուղարկելուց յետոյ²⁰⁰:

Արշակ Ալպոյաճեանի նահատակաց կազմում է:

10. Հայկ Թիրէաքեան.- Հրաչ (1871, Տրապիզոն - 1915 յունիս-յուլիս ?, Էնկիւրի): Դաշնակցական յայտնի գործիչ, ազգային երեսփոխան, որին սկզբնապէս Չանդըրը էին աքսորել (տե՛ս համրիչի թիւ 76 - Կ. Ա.) եւ ամենայն վեհանձութեամբ, իր իսկ ղեմումով տեղափոխուել է Այաշ՝ հաւանաբար յունիսի սկզբներին, այդպիսով փրկելով իր անուն-ազգանունակից Հիւանդ նպարավաճառին:

200 Գ. Պալաքեան, *Այն տեղում*. Թեոդիկ, *Յուշարձան...*, էջ 102/28 (I, II հրտ.). Բ. Պօզաճեան, *Այն տեղում*, էջ 108/126 (I, II հրտ.). Ա. Նազազեան, *Այն տեղում*, էջ 6, 23. Գ.Ա.Թ. Արշ. Ալպոյաճեանի ֆ., թերթ 1, Կ. Գեորգեան, *Այն տեղում*, էջ 161. Եր. Օտեան, *Անիծեալ տարիներ...*, էջ 92, 548, ՀՍՀ, հտ. 10, Եր., 1984, էջ 351-352. «Հայկական հարց հանրագիտարան», էջ 86, 240-241, 280, 305, 414-415, ՀՀՀ, հտ. 4, էջ 425-426. Հեկտոր Ռշտունի, *Կենսախիւնը էջեր Սիամանթոնի պոէզիայում* (անտիպ գործեր). տե՛ս «Սովետական գրականութիւն», 1965, ապրիլ, թիւ 4, էջ 68-70. Գոհար Ազատուրեան, *Անյայտ էջեր հայ գրականութեան գրական ժայռագութիւնից*, - «Էջմիածին», 1965, Ա-Բ, էջ 49-51. Փիթեր Բալաքեան, *Մակատարի սեւ շուրջ*, 51. Փիթեր Բալաքեան, *Մակատարի սեւ շուրջ*, մասն հինգերորդ - *Արիւնտ լուրեր*, Գ. «Մեր Գաղութների գերեզմանատունը», էջ 278, 281-284. Ու՛ր ո՛վ է, հտ. 2, էջ 456:

Սովորել է Յրանսիայում Նիսի երկրագործական վարժարանում, եւ ուսանողական ընկերոջ՝ Արմէն Գարոյի (Փաստրմաճեան) հետ համատեղ 1895-ին Դրօշակի խմբագրութիւնից խնդրել է նկատի ունենալ իրենց՝ վտանգաւոր ձեռնարկների համար: Ընկերոջ հետ էլ մասնակցել է 1896-ի օգոստոսի 14-ին կայացած Օսմ. բանկի գրաւման գործողութեանը՝ Բաբէն Սիւնու գլխաւորութեամբ, որի նահատակութիւնից յետոյ միասին ստանձնել են ղեկավարութիւնը՝ 13 ժամ բանկն իրենց ձեռքում պահելով (նպատակը՝ հայկական բարենորոգումների ծրագիրը իրականութիւն դարձնելն էր, փոխարէնը՝ ցաւօք, նոր կոտորածների ալիք բարձրացաւ): Ապա ընկերների հետ տեղափոխուել է Մարսել՝ մասնաւոր շոգենաւով, յետոյ գաղտնի անցել Իզմիր, որտեղ սակայն ձերբակալուել է, ցկեանս բերդարգելութեան դատապարտուել Պոտուրում: Բանտից ազատուել է սահմանադրութեան հռչակումից յետոյ, անցել Կ. Պոլիս, ստանձնել Ազատամարտի վարչական պատասխանատուութիւնը: Միաժամանակ Պատերազմական նախարարութեան կերպասեղէնի հայթայթիչն էր, բայց չխնայուեց՝ յեղափոխական իր բուռն անցեալի եւ Հէնց Ազատամարտի պատասխանատու աշխատակիցը լինելու հանգամանքով²⁰¹:

11. Ներսէս Ջաքարեան (1883, Իզմիր - 1915, Այաշ Պէլի): Իտատի առեւտրական եւ Յրերների վարժարանների ընթացաւարտ, թուրքերէնի մասնագէտ, մանկա-

201 Գ. Պալաքեան, *Այն տեղում*. Թեոդիկ, *Յուշարձան...*, էջ 35, 53 (I, II հրտ.). Բ. Պօզաճեան, *Այն տեղում*, էջ 109/127 (I, II հրտ.). Ա. Նազազեան, *Այն տեղում*, էջ 33. Արշ. Ալպոյաճեանի ֆ., արխիւ 44, թերթ 1, Հր. Տասնապետեան, *Ազ. աշխ.*, էջ 41, 114, 216, 223, 249. Եր. Օտեան, *Թիւ 17 խաֆիէն*, Այն տեղում, էջ 288. Այնը, *Անիծեալ տարիներ...*, էջ 87, 554. Կ. Գեորգեան, *Այն տեղում*, էջ 166. «Հայկական հարց հանրագիտարան», էջ 77, 287. Ու՛ր ո՛վ է, հտ. 1, էջ 689-690

վարժ, Կէտիկ Փաշայի Ազգ. վարժարանի տնօրէն, նոյն տարածքից ընտրուած երեսփոխան, Ազգային կեդր. վարչութեան անդամ, հնչակեան գործիչ: Հրատարակել է Քերական օսմանեան լեզուի աշխատանքը, Ապագա, Նոր աշխարհ թերթերը²⁰²:

12. Բարսեղ Շահապազ [1883-06, Պոյաճըքէն (Վոսփոր) - 1915, Խարբերդի - Մալաթիոյ միջեւ՝ ճանապարհին): Խմբագիր, փաստաբան: Ուսումը ստացել է Կեդրոնականում եւ Մխիթարեանների մօտ (Գատրքէն), աւարտելուց յետոյ ուսանել Վենետիկի Մուրատ-Ռափայէլեանում՝ 2 տարի, այնտեղ էլ Աւետիս Ահարոնեանի մէկ քյցելութեան ժամանակ ընդունուել է դաշնակցութեան շարքերը: Վերադառնալով Կ. Պոլիս՝ Մ. Շամտանճեանի հետ հրատարակել է Ծաղիկ թերթը, 1903-ին՝ փախել Եգիպտոս, Օրմանեան Ա.-ի նկատմամբ կատարուած մահափորձի առթիւ սկսուած հետապնդումներից խուսափելով: Ալեքսանդրիայում հրատարակել է Կրակ թերթը (2 թիւ), Ալլախիրութիւն եւ եասաիրութիւն գրքոյկը, Մտրակ կիսամսեան, Հաչիւններ-թուղթեր: Կ. Պոլիս Վերադառնալով, Սահմանադրութեան վաղորդային, կուսակցութեան յանձնարարութեամբ մեկնել է ներքին գաւառներ, ապա Բուլղարիա, Եգիպտոս, Փարիզ՝ իրաւաբանութիւն ուսումնասիրելու: Մ. Վարանդեանի հետ շարունակել է Pro Armenia-ն, աշխատակցել Հայրենիքին, Հորիզոնին: Կրկին Կ. Պոլիս է վերադարձել 1-ին համաշխարհային պատերազմի նախօրեակին, Վիկտոր Պէռարի կողմից իրեն վստահուած մի առաքելութեամբ, բայց ձերբակալուել է:

202 Գ. Պալաքեան, *Անյն տեղում*. Թէոդիկ, Յուշարձան... էջ 37, 55 (I, II հրտ.). *Ամէնում տարեցոյցը*, ԺԷ տարի, 1921, էջ 156. Բ. Պօզաճեան, էջ 103/121, 108/126, 111/129 (I, II հրտ.). Ա. Նազգաշեան, *Անյն տեղում*, էջ 55. Արշ. Ալլախաճեանի ֆ., արխիւ 44, թերթ 4. Եր. Օտեան, *Թիւ 17 խաֆիէն*, Գ. գիրք, էջ 286. *Անյնը, Անիծեալ տարիներ...*, էջ 92, 548

1915-ի ապրիլի 11/24-ին ձերբակալուածների կազմում էր եւ որպէս առակել վտանգաւոր՝ քշուել է Այաշ:

Կարո Գէորգեանը չյիշատակելով աքսորուելու պարագան, որն իսկութիւն է, արձանագրում է նահատակութեան հանգամանքները. «Բանտէ բանտ քաշկոտուել է եւ խոշտանգուել է ետք, դիչեր մը, Մեզրէի (Խարբերդ) բանտի պատին առջեւը սպաննուելով» տեղեկատուութեամբ: Արշ. Ալլախաճեանի նահատակաց ցանկում է²⁰³:

13. Շաւարշ Քրիսեան (1886, 9.7., Կ. Պոլիս, Պէշիքթաշ - 1915, էնկիւրի): Սովորել է Մաքրուհեանում, Պէրպէրեան վարժարանում, Ռոպէրթ քոլեջում: 1906-ին մեկնել է Փարիզ, ապա՝ Լոնդոն, շարունակել ուսումը մարմնամարզութեան ասպարէզում: Վերադառնալով Կ. Պոլիս մարմնամարզութեան ուսուցիչ է նշանակուել զանազան դպրոցներում, արուարձաններում: Ստեղծել է մարմնակրթական ակումբներ: 1911-ի փետրուարից լոյս է ընծայել Մարմնամարզ պատկերազարդ ամսաթերթը, որը յետոյ դարձել է կիսամսեայ (մօտ 4 տարի): Յ. Թ. Հինդլեանի հետ հրատարակել է Պօյ Աքաուրը եւ իր կեանքին նպատակը գրքոյկը: Գաղափարականով դաշնակցական էր:

Ձերբակալուել է 1915-ի ապրիլի 11/24-ին, աքսորուել՝ Այաշ²⁰⁴: Արշ. Ալլախաճեանի նահատակաց շարքում է:

203 Գ. Պալաքեան, *Անյն տեղում*. Թէոդիկ, Յուշարձան... էջ 22, 40 (I, II հրտ.). Ա. Նազգաշեան, *Անյն տեղում*, էջ 17, 25, 44. Յ. Սիրունի, *Անյն տեղում*, էջ 170, 340. Կ. Գէորգեան, *Անյն տեղում*, էջ 167, Արշ. Ալլախաճեանի ֆ., արխիւ 44, թերթ 1. Եր. Օտեան, *Անիծեալ տարիներ...*, էջ 88, 559

204 Գ. Պալաքեան, *Անյն տեղում*. Թէոդիկ, Յուշարձան... էջ 28, 46 (I, II հրտ.). Բ. Պօզաճեան, *Անյն տեղում*, էջ 104, 122, (I, II հրտ.), ԳԱԹ, Արշ. Ալլախաճեանի ֆ., թերթ 4. Կ. Գէորգեան, *Անյն տեղում*, էջ 172. Յ. Սիրունի, *Կոմիտասի հետ*. «Էջմիածին», 1968-Դ, էջ 30. *Անյնի՝ Կեն-*

14. Ենովք Շահէն [(Սոմուհեան ?), 1881, Պարտիզակ - 1915, էնկիւրի]: Դերասան՝ Մարտիրոս Մնակեանի թատերախմբում, ապա՝ Վահրամ Փափագեանի Դրամատիկում: Դաշնակցական: Վերապրող թուագէտ Գրիգոր Անգուլի եղբայրն է: Ձերբակալուել է ապրիլի 11/24-ին, աքսորուել Այաշ, նահատակուել է՝ էնկիւրիում²⁰⁵:

15. Քրիս Ծէնէրճեան [(Սիւլուօյրիչի), (1884-1926)], դաշնակցական գործիչ, վերապրող: Սուլթան Աբդուլ Համիդի 1905թ. յունիս 21-ի մահափորձի կազմակերպիչներից: Ձերբակալուել է 1915-ի ապրիլի 11/24-ին, աքսորուել Այաշ, բուլղարացապատակ լինելով՝ ազատուել, մեկնել է Բուլղարիա²⁰⁶:

16. Ժագ Սայապալեան (Փայլակ, 1880, յունիս, Գոնիա - 1915, Այաշ Պէշի): Գրող, թարգմանիչ՝ հրապարակախօս, ազգ. երեսփոխան՝ ընտրուած Գոնիայից: Նախն. կրթութիւնը ստացել է ծննդավայրում, 1896-ին շարունակել՝ Կ. Պոլսոյ Պէրպէրեանում, ապա՝ Իզմիրի Ամերիկեան վարժարանում (երկու տարի): 1904-ից մինչեւ 1909 թ. ծննդավայրում եղել է անգլ. հիւպատոսի թարգմանիչը: 1909-ին Կ. Պոլիս է անցել, ստանձնել Ծէհպալ հանդէսի տնօրինութիւնը: Տպագրուել է պոլսահայ մի

շարք թերթերում ու հանդէսներում «Վ.» ծածկանուամբ:

Ձերբակալուել է 1915-ի ապրիլի 11/24-ին, աքսորուել Այաշ, նահատակուել է իր 23 ընկերների հետ, գնդակահարութեամբ՝ Այաշ Պէշի կոչուած վայրում: Արշ. Ալլախաճեանի նահատակաց մէջ է²⁰⁷:

17. Դոկտ. Աւետիս Նազգաշեան. բժիշկ, հանր. գործիչ, վերապրող: Ապրիլի 12/25-ի լուսաբացին (կիրակի) տարուել է Բանկալթիի ոստիկանատուն, երեք ժամ անց՝ Կ. Պոլսի կեդրոնական բանտ՝ մեհթերհանէ: Երեկոյեան ժամը 8-ին 220 ձերբակալուածները չորսական խմբից բաղկացած շարքերով քաղաքից դուրս են բերուել:

Նազգաշեանը այաշականների կազմում էր, եւ ազատուել է՝ 1915-ի յուլիսի 2-ին²⁰⁸:

18. Դոկտ. Խաչիկ Պարտիզպանեան. բժիշկ, հանրային գործիչ, նահատակուած էնկիւրիում²⁰⁹:

19. Դոկտ. Գ. Պօղոսեան. հաւաստի աղբիւրների համաձայն՝ անուանատառը՝ Գ., վրիպակ է. ըստ պրպտուած կենսագրականի՝ Չլախտաբոյժ (հոգեբոյժ) Խաչիկ Պօղոսեանն է. ծնուած 1875 թ. Սեբաստիայում: Նախնական կրթութիւնը ստացել է Կեսարիայում, 1888-92 թթ. ուսանել Կ. Պոլսոյ Ազգ. Կեդրոնական վարժարանում:

սագրական օթեր, էջ 190, 286, 349. Եր. Օտեան, *Անիծեալ տարիներ...*, էջ 92, 566

205 Գ. Պալաքեան, *Անյն տեղում*. Թէոդիկ, Յուշարձան... էջ 36, 54 (I, II հրտ.). Բ. Պօզաճեան, *Անյն տեղում*, էջ 106/124, 107/125 (I, II հրտ.). Արշ. Ալլախաճեանի ֆ., արխիւ 44, թերթ 1. Եր. Օտեան, *Անիծեալ տարիներ...*, էջ 92, 559. Վահրամ Փափագեան, *Սրտիս պարտքը*, էջ 25, 29. «Հայկական հարց հանրագիտարան», էջ 324

206 Գ. Պալաքեան, *Անյն տեղում*. Թէոդիկ. «Ամէնում տարեցոյցը», ԺԺ տարի, 1916-1920, էջ 115. Ա. Նազգաշեան, *Անյն տեղում*, էջ 17. Հր. Տասնապետեան, *Անյն տեղում*, էջ 84, 212, 236. Եր. Օտեան, *Թիւ 17 խաֆիէն*, Գ. գիրք, էջ 293

207 Գ. Պալաքեան, *Անյն տեղում*. Թէոդիկ, Յուշարձան... էջ 24, 42 (I, II հրտ.). Ա. Նազգաշեան, *Անյն տեղում*, էջ 55. Արշ. Ալլախաճեանի ֆ., արխիւ 44, թերթ 4. Եր. Օտեան, *Թիւ 17 խաֆիէն*, Գ. գիրք, էջ 290. Յ. Սիրունի, *Կոմիտասի հետ*, Գ. Ժ - Ժանապարհ խաչի, 1. - Չարաշուք մանգաղը. «Էջմիածին», 1968-Դ, էջ 30

208 Գ. Պալաքեան, *Անյն տեղում*. Ա. Նազգաշեան, *Աշ. յուշագր.*, էջ 3, 9, 17-18, 52. Բ. Պօզաճեան, *Անյն տեղում*, էջ 103/121, 109/127 (I, II հրտ.). Եր. Օտեան, *Անիծեալ տարիներ...*, էջ 225-226, 558. «Էջմիածին», *Անյն տեղում*:

209 Գ. Պալաքեան, *Անյն տեղում*. Վանիկ Հայրապետեան (ղեղագործ), *Ջոհ գնացին ետաղապարհ*. տե՛ս Ալլախաճեանի Փարսաղանեան, *Թիւսապանակ 1915*, էջ 31:

1893-ին ընդունուել է Կայսերական բժշկական համալսարան, սակայն 1895-ի կոտորածներից յետոյ հեռացել է Երկրից, ուսումը շարունակել Լոզանում, եւ աւարտելով 1901-ին վերադարձել Կ. Պոլիս:

1908-ին անցել է ռամկավար կուսակցութեան շարքերը, 1910-ին՝ Էնկիւրիի թեմից ընտրուել Կ. Պոլսոյ Ազգային ժողովի Երեսփոխան: 1915-ի ապրիլի 11/24-ին երբ ձերբակալուեց՝ Ս. Փրկիչ Ազգային հիւանդանոցի հոգեբուժարանի բժշկապետն էր: Նախապէս աքսորուել է Չանդըրը (տե՛ս Համրիչի թիւ 12 - Կ. Ա.), տեղափոխուել է Այաշ, այնտեղից՝ Էնկիւրի, ապա՝ Թարսուս-Հալէպ: Վերապրողի իր հետագայ ազգօգուտ կեանքը շարունակել է Հալէպում, որտեղ եւ 1955-ի մարտի 29-ին կնքել է մահկանացուն²¹⁰:

20. Դոկտ. Մելքոն Կիւլիստանեան.- Կ. Պոլիս վերադարձած վերապրող²¹¹:

21. Դոկտ. Կարապետ Փաշայեան.- Խան (1864, Կ. Պոլիս, Կէտիկ Փաշա - 1915, Էնկիւրի): Ակնաբոյժ, գրող, հրապարակախօս, ազգային, քաղաքական գործիչ, դաշնակցական:

Աւարտել է Կ. Պոլսոյ բժշկական համալսարանը 1888-ին, պաշտօնավարել Բալուում, Մալաթիայում, իբրեւ թաղեպետ. բժիշկ, 1889-ին հաստատուել է Տեւրիկում:

210 Գ. Պալաքեան, *Մոյն տեղում*. Թեղիկ.- «Ամէնուն տարեցոյցը», Ժ-Ժ տարի, 1916-1920, էջ 114. Եր. Օտեան, *Անհծեալ տարիներ...*, էջ 92, 176-177, 200, 215-216, 417, 561. Հայկ Պարիկեան, *Դիմաստներնք հալէպահայ ազգային դէմքերու*.- Է-Տքթ. Խաչիկ Պօղոսեան.- «Գեղարդ», Բ. գիրք, Հալէպ. 1976-78, էջ 153, 154, 156-158. Կ. Աւագեան, *Թանգարանային ցուցանմոյշն անխօս՝ ամենախօս վկայ...* Մեծ Եղեռն - 90, Հանրապետական գիտական աստաշրջանի միջոցով, էջ 130-131. Թորոս Թորանեան, *Եղեռնայուջ մասունք կամ խոսովանողք եւ վկայք Խաչի*, Անրկայացնող՝ Թորոս Թորանեան,- «Նոր օր», մշակութային յանձնաժողով, 2006, 11 (155)

211 Գ. Պալաքեան, *Մ. աշխ.*, էջ 88 (I, II հրտ.)

1890-ին Բազաուիճում (Կամախ) ձերբակալուել է՝ յեղափոխական-հայդուկային խմբեր կազմակերպելու համար, նետուել Սվազի (Սերաստիա) բանտը մահուան դատապարտութեամբ, 1891-ին, սակայն, ազատուել է՝ դատաւորի աչքը բուժելուն ի հատոյց: Մեկնել է Շապին Գարահիսար, կրկին ձերբակալուել՝ 1892-ի սեպտեմբերին: Դատաւարութիւնը տեւել է երեք տարի, ի վերջոյ, աւարտուել՝ մահապատժի վճռով: Ներուել է՝ անգլիական դեսպանի կնոջ՝ տիկ. Յ. Քըրրի միջնորդութեամբ: 1895-ին անցել է Պարսկաստան, եթ տարի մնացել Դավրէժում, դարձել է շահի պալատական բժիշկը, ստացել «Խան» տիտղոսը, հնարաւորինս օգտակար լինելով իրանահայ գաղութին: 1903-1906 թթ. մեկնել է Եգիպտոս, Ալեքսանդրիայում հրատարակել Հորիզոն թերթը՝ իր բացած «Կամպէթթայ» տպարանում: Եգիպտոսից նորից անցել է Պարսկաստան եւ Կ. Պոլիս է վերադարձել 1908-ին՝ «Հիւրիէթ»-ից յետոյ: Այստեղ թուրքական պառլամենտի մեպուս է ընտրուել Սվազից, Հայկ. Ազգ. ժողովի Երեսփոխան՝ Խարբերդից (1912-ին): Ազատամարտի վարչակազմի անդամ էր: Աշխատակցել է թրքահայ եւ արտասահմանեան թերթերին ու հանդէսներին: Հեղինակ է բժշկագիտական ուշագրաւ ուսումնասիրութիւնների:

1915-ի ապրիլի 11/24-ին Կ. Պոլսում ձերբակալուել է, աքսորուել Այաշ, նահատակուել՝ Էնկիւրիում: Արշ. Ալլայոյանեանի նահատակաց կազմում է²¹²:

22. Դոկտ. Տիգրան Ալլահուէտի.- բժիշկ, Պատրիարքարանի ժողովի անդամ, Այաշից Կ. Պոլիս վերադարձած վերապ-

212 Գ. Պալաքեան, *Մոյն տեղում*. Թեղիկ, Յուշարձան..., էջ 19, 37 (I, II հրտ.). Բ. Պօզանեան, էջ 106, 124 (I, II հրտ.). ԳԱԹ, Արշ. Ալլայոյանեանի ֆ., արխիւ 44, թերթ 1. Եր. Օտեան, *Թիւ 17 Խաֆիէն*, Գ. գիրք, էջ 292. Կ. Գեորգեան, *Մոյն տեղում*, էջ 165-166. «Հայկական հարց հանրագիտարան», էջ 452

րող²¹³: (Այաշ է աքսորուել տարագրեալների 1-ին խմբի հետ):

23. Արիստակէս Գասպարեան (1861, Ադանա - 1915, Այաշ Պէլի): Ազգային, հանր. գործիչ, իրաւաբան, քննադատ, երեսփոխան: 1880-91 թթ. ազգային, պետական եւ առեւտրական տարբեր պաշտօններ է վարել, ապա հաստատուել է Կ. Պոլսում, գործել իրաւաբանութեան ասպարէզում, մինչ տարագրուելը: Ազգ. երեսփոխան է ընտրուել Ադանայից, անդամակցել զանազան յանձնաժողովների: 1880-1910 թթ. ծանրակշիռ քննադատական յօդուածներ եւ օրէնսգիտական երկեր է հրատարակել Հայ եւ թուրք մամուլում:

Ձերբակալուել է ապրիլի 11/24-ին, աքսորուել է Այաշ, նահատակուել՝ Այաշ Պէլի կոչուած վայրում:

Արշ. Ալլայոյանեանի նահատակաց կազմում է²¹⁴:

24. Ներսէս Փափազեան [(1872, Ագուլիս (Կովկաս) - 1915, Էնկիւրի)]: Աքեմաթոյ Մաշտոց վրդ., դաշնակցական, Ազատամարտի խմբագիր: Գրող, հասարակական-քաղաքական եւ մշակութային գործիչ, գրաքննադատ, գրականութեան պատմաբան, ազգագրագէտ, խմբագիր, մանկավարժ, թարգմանիչ Վրթանէս Փափազեանի, ինչպէս նաեւ ազգ. ազատագրական շարժման անուանի դէմքերից՝ Կոմսի (Վահան Փափազեան, դաշնակցական) եղբայրն է: Մանկութիւնն անցել է Վանում, որտեղ էլ ստացել է նախն. կրթութիւնը: Կ. Պոլիս գալով աշխատել է Էջմի-

գուլէի որբանոցում, ապա ուսումը շարունակել Արմաշի Դպրեվանքում, այնտեղ էլ ձեռնադրուել է վարդապետ, Տ. Մաշտոց անուանակոչումով: Որպէս հոգեւոր հովիւ ուղարկուել է Ամերիկա, ուր միաժամանակ աւարտել է Կոլումբիայի համալսարանի Աստուածաբանութեան ֆակուլտետը, անցել դաշնակցութեան շարքերը: Իննամեայ հովուութիւնից յետոյ մեկնել է Կովկաս, մասնակցել Հայ-թաթարական ընդհարումներին: Էջմիածնից հեռացուել է ուսական կառավարութեան պահանջով, մեկնել Պարսկաստան, որպէս Թեհրանի առաջնորդ (2 տարի): 1906-ին սքեմից հրաժարուելով դարձեալ Ամերիկա է մեկնել եւ Վանամանի փոխարէն ստանձնել է Հայրենիքի խմբագրութիւնը: Կ. Պոլիս է վերադարձել 1908-ին: 1909-ին, Ազատամարտի հրատարակումից յետոյ, մինչ 1915-ի ապրիլի 11-ը խմբագրել է թերթի Հայկական բաժինը: Ձերբակալուել է չարազէտ այդ օրը, աքսորուել է Այաշ, նահատակուել՝ Էնկիւրիում:

Արշ. Ալլայոյանեանի նահատակների կազմում է²¹⁵:

25. Համբարձում Մ. Համբարձումեան (1890, Կ. Պոլիս - 1915, Էնկիւրի), խմբագիր, հրապարակախօս, դաշնակցական գործիչ: 1904-ին աւարտել է Կ. Պոլսի Էսահան, 1909-ին՝ Կեդրոնական վարժարանները: Մօտ մէկ տարի աշխատել է Սուրհանդակում, Ազատամարտի հրատարակութեան առաջին օրերից (1909, յունիս), մինչեւ վերջին չարագոյժ ապրիլի 11/24-ը՝ եղել է այս թերթի աշխատակիցը: Յօդուածները տնտեսական, պետական-օրէնսդրական հարցերի շուրջ էին: Տիրապետելով օ-

213 Գ. Պալաքեան, *Մոյն տեղում*. Ա. Նազգաշեան, *Մոյն տեղում*, էջ 6. Բ. Պօզանեան, *Ձ. յուշագր.*, էջ 109, 127 (I, II հրտ.). Յ. Սիրումի, *Կոմիտասի հետ*, - «Էջմիածին», 1968, *Մոյն տեղում*

214 Գ. Պալաքեան, *Մոյն տեղում*. Թեղիկ, Յուշարձան..., էջ 32, 50 (I, II հրտ.). Բ. Պօզանեան, *Մոյն տեղում*, էջ 103, 121 (I, II հրտ.). Ա. Նազգաշեան, *Մոյն տեղում*, էջ 55. Արշ. Ալլայոյանեանի ֆ., արխիւ 44, թերթ 1. Եր. Օտեան, *Անհծեալ տարիներ...*, էջ 92, 547

215 Գ. Պալաքեան, *Մոյն տեղում*. Թեղիկ, Յուշարձան..., էջ 36-37/54-55 (I, II հրտ.). ԳԱԹ, Արշ. Ալլայոյանեանի ֆ., արխիւ 44, թերթ 4. Կ. Գեորգեան, *Մոյն տեղում*, էջ 170-171. Յ. Սիրումի, *Մոյն տեղում*, - «Էջմիածին». Մոյն, *Ինքնակենսագրական ձօրներ*, էջ 114, 122, 125, 348, ՀՍՀ, հտ. 12, էջ 327. *Հայկական հարց*..., էջ 188, ՀՀՀ, հտ. 4, Եր., 2003, էջ 838-839

պար լեզուների աշխատակցել է նաև տեղական ֆրանսերէն թերթերի, թղթակցել Պերլիներ թակելալաթ, Քեօլմիշե ցայթունկ, Իւմանիթե թերթերին: Զերբակալուել է ապրիլի 11/24-ին, աքսորուել Այաշ, նահատակուել՝ էնկիւրիում: Արշ. Ալպոյաճեանի նահատակաց ցանկում է²¹⁶:

26. Գրիգոր Թորոսեան (Կիկօ) (1884, Ակն - 1915, էնկիւրի): Ծածկանուններն են՝ Բանագող Լուսթիւնեան, ընկեր Կիկօ: Քասիմի եւ Յ. Տէր Յակոբեանի յորդորով ընտրել է երգիծանքի ճիւղը: Ծիծաղաշարժ նիւթեր է տպագրել Մանգումէում, որի խմբագիրն էր: Սահմանադրութիւնից յետոյ Կավոզի (Համրիչի թիւ 36-ը - Կ.Ա.), Օտեանի եւ Համբիկեանի Հետ Հրատարակել է Ծաղիկը որպէս երգիծաթերթ, 1909-ի ապրիլի 1-ից լոյս է ընծայել Կիկօն, երբեմն նոր անուանումներով՝ «Կուկուկ», Ջոունայ, Կիմուօ, Հի-հի-հի նաև Խարազանը Արամ Անտոնեանից (Համրիչի թիւ 35-ը - Կ. Ա.), Երուանդ Օտեանից յետոյ: Հինգ տարի Հրատարակել է Կիկոյի տարեցոյցը:

Զերբակալուել է 1915-ի ապրիլի 11/24-ին, աքսորուել՝ Այաշ, նահատակուել է էնկիւրիում: Արշ. Ալպոյաճեանի նահատակների ցանկում է²¹⁷:

216 Գ. Պալաքեան, *Աշ. յուշագր.*, էջ 88, 89 (I, II հրտ.). Թէոդիկ, *Յուշարձան...*, էջ 21, 39 (I, II հրտ.). Բ. Պօզաճեան, *Մոյն տեղում*, էջ 103/121, 106/124 (I, II հրտ.). Գ.Ա.Թ, Արշ. Ալպոյաճեանի ֆ., արխիւ 44, թերթ 1. Եր. Օտեան, *Անհծեալ տարիներ...*, էջ 92, 553. Կ. Գեորգեան, *Մոյն տեղում*, էջ 171. Յ. Սիրունի, *Ինքնակենսագրական ձօթեր*, էջ 37-38, 40-41, 44, 63-64, 73, 82, 125, 167, 179, 182, 335

217 Գ. Պալաքեան, *Մոյն տեղում*. Թէոդիկ, «Ամէնուն տարեցոյցը», 1910, Դ տարի, էջ 296, 299. *Մոյնը, Յուշարձան...*, էջ 25, 43 (I, II հրտ.). Բ. Պօզաճեան, *Մոյն տեղում*, էջ 105-106, 123-124 (I, II հրտ.). Ա. Նազգաշեան, *Մոյն տեղում*, էջ 6, 54. Գ.Ա.Թ, Արշ. Ալպոյաճեանի ֆ., արխիւ 44, թերթ 1. Եր. Օտեան, *Թի 17 Խաֆիէն*, Գ. գիրք, էջ 287. *Մոյնը, Անհծեալ տարիներ...*, էջ 90, 509, 550. Յ. Սիրունի, *Կոմիտասիսն հետ-*

27. Ռոստոմ Ռոստոմեանց [(Արիստակէս), 1861, Ալեքսանդրապոլ - 1915, էնկիւրի]: Վաճառական, ազգանուէր գործիչ, ուսուսակատակ: 1879 թ. եկել է Կ. Պոլիս, դարձել «Գէորգոֆ» առեւտր. տան մասնաճիւղի ներկայացուցիչ, շուրջ քսան տարի: Ապա գործել է անհատապէս, ընդարձակել գորգի գործառնութիւնը, մինչև իր ապրիլի 11-ի տարագրումը Այաշ: Անկուսակցական էր, եւ յայտնի յեղափոխական դաշնակցական գործիչ Ռոստոմի անուանակիցը լինելով էր յայտնուել «սեւ ցուցակ»-ում: Արշ. Ալպոյաճեանի նահատակաց ցանկում է²¹⁸:

28. Սմբատ Բիւրատ [(Տէր Ղազարենց) 1862, մարտի 3, Ջէյթուն - 1915 օգոստոս, Այաշ-պէլի], գրող, մանկավարժ, Հասարակական գործիչ, ազգ. երեսփոխան՝ ընտրուած ծննդավայրից, Հնչակեան կուսակցութեան անդամ: 1871-80 թթ. ուսանել է Երուսաղէմի Ժառանգաւորաց վարժարանում: 1880-82-ին՝ ուսուցիչ եւ տնօրէն էր Մարաշում, 1882-84-ին՝ Ջէյթունի «Միացեալ»-ի ուսուցիչ: 1885-ին դպրոց է բացել Սսում, 1887-90-ին՝ Սամսոնում:

Իբրեւ Հնչակեան գործիչ քարոզչութեամբ է զբաղուել գաւառներում եւ ձերբակալուել, Հինգ տարի կնոջ Հետ մնալով Մարաշի եւ Հալէպի բանտերում: Ազատ արձակուելով Կ. Պոլիս է եկել, մէկ տարի պաշտօնավարել Գատըքէոյի Արամեան դպրոցում: 1896-ին փախել է Եգիպտոս: Կահիրէում եւս կարողացել է դպրոց հիմնել, Հրատարակել է Փիւնիկ եւ Նոր օր թերթերը: 1904-06 թթ. Ալեքսանդրիայի Ազգ. դպրոցի տնօրէնն էր: Կրկին Կ. Պոլիս է վե-

«Էջմիածին», 1968-դ, էջ 30. *Մոյնը, Ինքնակենսագրական ձօթեր*, էջ 113-114, 122, 332

218 Գ. Պալաքեան, *Մոյն տեղում*. Թէոդիկ, *Յուշարձան...*, էջ 42, 60 (I, II հրտ.). Բ. Պօզաճեան, *Մոյն տեղում*, էջ 103/121, 107/125 (I, II հրտ.). Եր. Օտեան, *Անհծեալ տարիներ...*, էջ 92, 561. Արշ. Ալպոյաճեանի ֆ., արխիւ 44, թերթ 4, «Էջմիածին» 1968-դ, էջ 30

րադարձել երիտթուրք. յեղաշրջումից յետոյ, լծուելով դարձեալ ուսուցչական, լրագրողական աշխատանքներին: Շարունակել է Փիւնիկի լոյս ընծայումը, 1909-ի օգոստոսի 20-ից՝ Հրատարակել Գաղափար երկոյեան օրաթերթը՝ 42 Համար (մինչև Հոկտեմբեր 13-ը): Տիրապետում էր զբաղաւրին, ֆրանսերէնին: Վէպերը ազգային-յեղափոխական կեանքի արտացոլումն էին՝ Աւարայրի արծիւը կամ Վարդանանք (1909), Արիւնի ճամբուն վրայ (1911), Ազատութեան համար. Ջէյթունի վրէժը (1911), եւն: Նոյն 1911-ին Հրատարակուել է նաև Արեւելեան խնդիր եւ Հայկական հարց. պատմական ուսումնասիրութիւնը: Ծածկանուններն էին՝ Թաք, Հայկ-Լեւոն, Մտրակ, Լեւոնորդի:

1915-ի ապրիլի 11/24-ին ձերբակալուել, տարուել է Այաշ, սպանդ է քշուել իր վերջին 23 ընկերների հետ, ամենայն հաւանականութեամբ՝ օգոստոսին: Թէոդիկի Յուշարձան...-ում ամփոփուած են Այաշից ընտանիքին հասցէագրուած Հակիրճ Հինգ քարտ-նամակները:

Արշ. Ալպոյաճեանի նահատակաց կազմում է²¹⁹:

29. Մելքոն Կիւրճեան.- Հրանդ (1859 սեպտ., Բալուի Հաւաւ գ. - 1915, էնկիւրի, յուլիսի վերջ-օգոստոս), գրող (գիւղագիր), Հրապարակախօս, մանկավարժ, Հանրային գործիչ, երեսփոխան, յայտնի դաշնակցական: 1870-75 թթ. սովորել եւ աւարտել է

219 Գ. Պալաքեան, *Մոյն տեղում*. Թէոդիկ, «Ամէնուն տարեցոյցը», 1910, Դ տարի, էջ 293. *Մոյնը, Յուշարձան...*, էջ 20/21, 38/39 (I, II հրտ.). Բ. Պօզաճեան, *Մոյն տեղում*, էջ 103/121, 105/123 (I, II հրտ.). Ա. Նազգաշեան, *Աշ. յուշագր.*, էջ 8, 39, 55. Արշ. Ալպոյաճեանի ֆ., արխիւ 44, թերթ 4. Վաղիմակ Բիրատ, *Սմբատ Բիրատ (Տէր Ղազարենց)*. տե՛ս «Սովետական գրականութիւն», 1965, ապրիլ, էջ 76-79. *Մոյնը, Ինքնակենսագրական ձօթեր*, Գ.Ա.Թ, Եր., 1999. Կ. Գեորգեան, *Մոյն տեղում*, էջ 171. Յ. Սիրունի, *Մոյն տեղում*, էջ 45, 113, 124, 138, 328, ՀՍՀ, հտ. 2, Եր., 1976, էջ 481, ՀՀՀ, հտ. 1, էջ 545. Հայկական հարց... էջ 86, 87, 241, 260, 305. Ով՛ ով է, հտ. 1, էջ 231

Կ. Պոլսի Ակիւտարի ճեմարանը, 1875-77-ին՝ Ս. Խաչ վարժարանը: 1878-96 թթ. զբաղուել է ուսուցչութեամբ՝ Ռոզոսթոյում, Կ. Պոլսի Հասյեան, Ղալաթիոյ Կեդրոնական, Սամաթիոյ Նունեան - Վարդուհեան, Մեղպարեան եւ այլ վարժարաններում, դասաւանդելով զբաղաւր եւ աշխարհաբար, Հայ դպրութիւն: 1896-ի կոտորածներին փախել է Վառնայ, ուր օրիորդ Արմէնուհի Մինասեանի Հետ Հիմնել է Արծրունեան վարժարանը: 1898-ին վերադարձել է Կ. Պոլիս, օգոստոսի 2-ին ձերբակալուել եւ վեց ամիս անց աքսորուել է Գասթէմունի՝ մինչև 1908-ը: Այնտեղ էլ ապրել է ուսուցչութեամբ:

1883-ից թղթակցել է պոլսահայ թերթերին՝ (Մասիս, Արեւելք, Հայրենիք, Բիւզանդիոն, Սուրհանդակ եւն) անստորագիր, կամ Պոնտացի, թղթակից ի Պոնտոս ծածկանուններով: Ստորագրել է նաև՝ Հրանդ, Շահէն, Աւո գրական անուններով: 1906-ին ոստիկանութիւնը խուզարկել է եւ աքսորավայրի կացարանը, ոչնչացրել բոլոր ձեռագրերը:

1908-ի երիտթուրք. յեղաշրջումից յետոյ վերադարձել է Կ. Պոլիս, դասաւանդել Կեդրոնական, Պէրպէրեան, Գումաքաբուի Ազգային վարժարաններում, Բերայի Ֆոռի եւ Մազամ դը Վոյի վարժարանում, մինչ 1915-ի ապրիլի 11/24-ի ձերբակալութիւնը եւ աքսորը Այաշ, որտեղից կնոջը գրած երկտողից պարզուում է, որ 33 ընկերներով էնկիւրիի սպանդ են տարուել յուլիսի 28-ին: Ականատեսի վկայութեամբ ողջամբ թաղուել է...

Արշ. Ալպոյաճեանի նահատակաց կազմում է²²⁰:

220 Գ. Պալաքեան, *Մոյն տեղում*. Թէոդիկ, «Ամէնուն տարեցոյցը», 1910, Դ տարի, էջ 168. *Մոյնը, Յուշարձան...*, էջ 11, 29 (I, II հրտ.). Բ. Պօզաճեան, *Մոյն տեղում*, էջ 107/125 (I, II հրտ.). Ա. Նազգաշեան, *Մոյն տեղում*, էջ 23. Արշ. Ալպոյաճեանի ֆ., արխիւ 44, թերթ 1, 4. Կ.

30. Թէոտոր Մեծիկեան (Մեծիկեան).- վաճառական: Դաշնակցութեան համակիր: Սկզբնապէս եղել է Ս. եւ Ք. Տամատեան վաճառատան տոմարակալը, ապա հիմնել է սեփական առեւտրական տունը՝ Գաթրըճը օղլու խանի տակ: Ձերբակալուել է 1915-ի ապրիլի 11/24-ին, աքսորուել է Այաշ, նահատակուել է նկիրիում²²¹:

31. Գէորգ Թէրճիմանեան (1886, 11.03, Կեսարիա - 1915, էնկիրի), վաճառական, անկուսակցական: Նախն. կրթութիւնը ստացել է ծննդավայրում, շարունակել է Գ. Պոլսի Գատրքէոյի Արամեան եւ Պարտիզակի Ամերիկեան վարժարաններում: Գործել է առեւտրի ասպարէզում, բայց զբաղուել է նաեւ գրականութեամբ:

Գատրքէոյում հիմնել է «Մասիս» մարմնամարզական միութիւնը, որի ատենապետն ու արտօնատէրն էր, եւ ենթադրուում է՝ այդ պատճառով էլ ձերբակալուել եւ աքսորուել է Այաշ: Նահատակուել է էնկիրիում²²²:

32. Հայկ Թիրէաքեան (1855-?), նպարավաճառ՝ Բերայից: Այաշ է աքսորուել նոյնանուն ազգանունակիցը լինելով դաշնակցական Հրաչի²²³, որի վեհանձնութեան շնորհիւ ազատուել է աքսորից, մինչդեռ Հրաչը իր իսկ դիմումով Չանդը-

րըից Այաշ է տեղափոխուել, նահատակուել է նկիրիում (տե՛ս համրիչի թիւ 76-ը - Կ. Ա.):

33. Խաչիկ Իտարէճեան.- ուսուցիչ, ձէտիտիէ փողոցի բնակիչ: Ձերբակալուել է ապրիլի 11/24-ին, աքսորուել է Այաշ, հաւանաբար աւագ եղբոր՝ Միհրանի հետ շփոթութեամբ, քանզի վերջինս էր տարագրեալ Ազատամարտականների ընկերակիցը՝ թերթի վարչական պաշտօնեայ լինելով²²⁴:

34. Մկրտիչ Յովհաննէսեան.- ուսուցիչ, դաշնակցական գործիչ: Աղէտին աքսորուել է Այաշ, նահատակուել է նկիրիում²²⁵:

35. Մկրտիչ Յովհաննէսեան.- վերոնշեալ (թիւ 34 - Կ. Ա.) ուսուցչի անունազգանունակիցը, Կ. Պոլսի վերադարձած վերապրող²²⁶:

36. Սարգիս Աբօ.- կովկասահայ ուսուցիչ, դաշնակցական գործիչ: Նահատակուել է էնկիրիում²²⁷:

37. Աբրահամ Հայրիկեան (1870, Ռոտոսթո - 1915, էնկիրի): Տաճկագէտ, ազգային երեսփոխան: Նախն. կրթութիւնը ստացել է ծննդավայրում: Մինչ Կ. Պոլսի մեկնելը ուսուցչութեամբ է զբաղուել քաղաքի Ս. Խաչ թաղի դպրոցում, նաեւ Չօրլուում: Կ. Պոլսում շարունակել է ուսուցչի աշխատանքը, կատարելագործուել մասնագիտութիւնների ասպարէզներում, որոնք էին՝ թուրքերէնն ու աշխարհագրութիւնը: 1909-ին Բերայի Նշան Թաշում հիմնել է «Արդի» վարժարանը, որն ապա փոխադրել է Օրթաքէո:

Արհաւիրքին աքսորուել է Այաշ, նահատակուել է նկիրիում²²⁸:

- 224 Գ. Պալաքեան, *Աշ. աշխ.*, էջ 88, 89 (I, II հրտ.). Յ. Սիրումի, *Աշ. յուշագր.*, էջ 151, 333
- 225 Նոյն տեղում
- 226 Նոյն տեղում
- 227 Նոյն տեղում

Գեորգեան, *Այն տեղում*, էջ 163. Եր. Օտեան, *Անիծեալ տարիներ...*, էջ 92, 553. Յ. Սիրումի, *Այն տեղում*, էջ 69, 180, 297, 334, ՀՍՀ, հտ. 5, Եր., 1979, էջ 494. «Հայկական հարց հանրագիտարան», էջ 187, 241, ՀՀՀ, հտ. 2, էջ 707. Պերճ Ստեփանեան, *Հրանդ (Մելքոն Կիրճեան)*, «Սովետական գիտարան», 1965-4, էջ 63-66. *Ուլ' ուլ է*, հտ. 1, էջ 565:

221 Գ. Պալաքեան, *Այն տեղում*. Թէոդիկ, *Յուշարձան...*, էջ 44/62 (I, II հրտ.). Բ. Պօզաճեան, *Այն տեղում*, էջ 103/121 (I, II հրտ.)

222 Գ. Պալաքեան, *Այն տեղում*. Թէոդիկ, *Յուշարձան...*, էջ 40, 58 (I, II հրտ.)

223 Գ. Պալաքեան, *Աշ. աշխ.*, էջ 88/89, 109/108 (I, II հրտ.). Ա. Նազգաշեան, *Այն տեղում*, էջ 17, 32-33

38. Լեւոն Շամտանճեան.- Այաշ է աքսորուել եղբոր՝ Չանդըրըի աքսորական Միքայէլ Շամտանճեանի (տե՛ս համրիչի թիւ 41-ը - Կ. Ա.) փոխարէն, Կ. Պոլսի է վերադարձել՝ դիմումով²²⁹:

39. Բիւզանդ Պօզաճեան.- Ազգային երեսփոխան, վերապրող: Ձերբակալուել է 1915-ի ապրիլի 13/26-ին: Մէկ շաբաթ Կ. Պոլսի կենտրոնական բանտում մնալուց յետոյ 29 բանտարկեալների մի մասը տարագրուել է Այաշ, իսկ միւսներն՝ ուղարկուել են Չանդըրը (սա ապրիլեան աքսորեալ մտաւորականութեան 2-րդ քարաւանն էր):

1915-ի յունիսի 12-ի գիշերը, Այաշից Կ. Պոլսի՝ հետդարձի ճանապարհն է բռնել՝ դիմումով ազատուած իր չորս ընկերների հետ²³⁰:

40. Գեղամ Բարսեղեան (1883, Կ. Պոլսի - 1915, էնկիրի), գրող, խմբագիր, հրապարակախօս, ուսուցիչ, դաշնակցական գործիչ: 16 տարեկանից աշխատակցել է պոլսահայ մամուլին: 1908-ի դեկտեմբերի 16-ից Վ.Թաթուլի եւ Շ.Միսաքեանի հետ խմբագրել է Ազրակ գրական, հասարակական, քաղաքական շաբաթաթերթը, 1914-ին Կ. Չարեանի, Յ. Քիւֆէճեանի (Օշական), Ահարոնի հետ՝ Մեհեանը: Հանդէսի հանգանակը ստորագրել է նաեւ Դանիէլ Վարուժանը (համրիչի թիւ 40-ը - Կ. Ա.):

Ազատամարտի հրատարակման առաջին օրերից (10 յունիս, 1909), օրաթերթի խմբագիրներից էր՝ մինչեւ փակուելը... 1915-ի ապրիլի 11/24-ին, որտեղից էլ ձեր-

228 Գ. Պալաքեան, *Այն տեղում*. Թէոդիկ, *Յուշարձան...*, էջ 40, 58 (I, II հրտ.)

229 Գ. Պալաքեան, *Աշ. յուշագր.*, էջ 89 (I, II հրտ.), Թէոդիկ, «Ամէնուն տարեցոյցը», 1916-1920, ԺԺԿ տարի, էջ 115

230 Գ. Պալաքեան, *Այն տեղում*. Բ. Պօզաճեան, *Դէպի Այաշ.- հիմ ու նոր յուշեր*. տե՛ս Թէոդիկ, *Յուշարձան*, էջ 98/116, 99/117, 100/118, 101/119, 103/121, 109/127, 110/128 (I, II հրտ.). Այնը, «Ամէնուն տարեցոյցը», 1916-1920, էջ 115:

բակալուելով աքսորուել է Այաշ, նահատակուել է նկիրիում:

Արշ. Ալպօյաճեանի նահատակաց ցանկում է²³¹:

41. Յովհաննէս Գըլըճեան (1878, Տիւրիկ-1915, էնկիրի), հրատարակիչ, գրավաճառ՝ Չաքմաքըլարում, հնչակեան գործիչ: Նահատակ Պարոյր (Գրիգոր) Հայկազնի եղբայրն է: Այաշ է աքսորուել մտաւորականութեան երկրորդ խմբի հետ, նահատակուել է նկիրիում²³²:

42. Օննիկ Ժիրայր.- Օննիկ Սրապեան (1878, Երզնկա - 1915, էնկիրի), ուսուցիչ, հրատարակիչ, դաշնակցական գործիչ: Նախնական կրթութիւնը ստացել է ծննդավայրում: Ընտանիքով տեղափոխուել է Ֆիլիպէ (Պրոբէի), պաշտօնավարել Գուլումճեան վաճառատանը: Սահմանադրութիւնից յետոյ Կ. Պոլսի վերադառնալով՝ Բարթոլ Չօրեանի հետ հիմնել են «Լուսաղբիւր» հրատարակչութիւնը՝ Օճնիկ-Ժիրայր ազգագրով: Գործակցի հետ էլ աքսորուել է Այաշ, նահատակուել է նկիրիում: Չանդըրըի աքսորական Նոյիկ Տէր-Ստեփանեանի ազգականն էր²³³ (տե՛ս համրիչի թիւ 83-ը - Կ. Ա.):

231 Գ. Պալաքեան, էջ 89 (I, II հրտ.). Թէոդիկ, «Ամէնուն տարեցոյցը», 1910, Դ տարի, էջ 288. Այնը, *Յուշարձան...*, էջ 26, 44 (I, II հրտ.). Գ.Ա.Թ. Արշ. Ալպօյաճեանի ֆ., արխիւ 44, թերթ 1. Եր. Օտեան, *Թիւ 17 խաֆիէն*, Գ. գիրք, էջ 285. Այնը, *Անիծեալ տարիներ...*, էջ 92, 546. Կ. Գեորգեան, *Այն տեղում*, էջ 164, ՀՍՀ, հտ. 2, Եր., 1976, էջ 337. Այնը, հտ. 11, Եր., 1985, էջ 348. «Հայկական համաոսոս հանրագիտարան», հտ. 1, էջ 503. «Հայկական հարց հանրագիտարան», էջ 10. «Սովետական գրականութիւն», 1965, թիւ 4, էջ 61. Յ. Սիրումի, *Կոմիտասի հետ*, «Էջմիածին», 1968, Դ, էջ 30

232 Գ. Պալաքեան, *Այն տեղում*. Թէոդիկ, *Յուշարձան...*, էջ 46, 64 (I, II հրտ.). Բ. Պօզաճեան, *Այն տեղում*, էջ 103, 121 (I, II հրտ.). Եր. Օտեան, *Թիւ 17 խաֆիէն...*, Գ. գիրք, էջ 285

233 Գ. Պալաքեան, *Այն տեղում*. Թէոդիկ, *Յուշարձան...*, էջ 45, 63 (I, II հրտ.). Բ. Պօզաճեան, *Այն տեղում*, էջ 109, 127 (I, II հրտ.)

43. Լեւոն Լարենց.- Քիրիշճեան, (1875, Կ. Պոլիս, Սամաթիա - 1915, Էնկիւրի): Նորավիպագիր (նովելիստ), բանաստեղծ, ուսուցիչ, խմբագիր, թարգմանիչ, վերակազմեալ հնչակեան գործիչ: Աւարտել է Կ. Պոլսի Ռօպէրթ քոլեճը: Որոշ ժամանակ աշխատել է Բիւզանդիոնում, ապա քաղաքական պատճառներով մեկնել է Ամերիկա եւ իր վերակազմեալ հնչակեան ընկերների հետ Բոստոնում հրատարակել է Ձայն հայրենեաց թերթը: Յետոյ անցել է Եգիպտոս, Արփիար Արփիարեանի սպանութիւնից յետոյ ուղեւորուել Աթէնք, որտեղից, սահմանադրութեան հռչակումից յետոյ վերադարձել է Կ. Պոլիս: 1908-ի հոկտ. 23-ին այստեղ լոյս է ընծայել Ձայն հայրենեաց շաբաթաթերթը (խմբագրապետն էր), 1912-ի սկզբներէջ՝ Մուրճ օրաթերթը: Անգլերէնից հայերէն է թարգմանել Ղուրանը եւ Լինչի երկհատոր Հայաստանը: «Ճրանս. յեղափոխութեան պատմութիւն»-ը թարգմանել է Բ. Հատորից:

Ձերբակալուել է 1915-ի ապրիլի 11/24-ին, աքսորուել է Այաշ, նահատակուել՝ Էնկիւրիում: Արշակ Ալպոյաճեանի նահատակաց ցանկում է²³⁴:

44. Տիգրան Չէօկիւրեան (1884, Կիւմիւշխանէ - 1915, Էնկիւրի): 1895-ի կոտորածներից որբանալով, 1897-ին յայտնուել է Գաղաթիոյ Կարմիր Վանքի որբանոցում, ապա այլ որբերի հետ տեղափոխուել Կ. Պոլսի Էնգիլուլէի ազգ. որբանոց, այնտեղից՝ Պերպերեան վարժարան, որն աւարտել է 1903-ին (1907?): Նոյն վարժարանում երկար ժամանակ դասաւանդել է Հայոց լեզու, պատմութիւն, աշխարհագրութիւն, օտար ազգաց մատենագրութիւն: Դասա-

234 Գ. Պալաքեան, *Այն տեղում*. Թէոդիկ, - «Ամէնուն տարեցոյցը», 1910, Դ. տարի, էջ 72, 302. Այնը, *Յուշարձան*..., էջ 19, 37 (I, II հրտ.). Արշ. Ալպոյաճեանի ֆ., արխիւ 44, թերթ 1. Եր. Օտեան, *Անճեայ տարիներ*..., էջ 92, 551. Կ. Գեորգեան, *Այն տեղում*, էջ 172

ւանդել է Կ. Պոլսահայ նաեւ այլ վարժարաններում, միաժամանակ ստեղծագործելով: 1910-ին Զարդարեան գրատան կողմից լոյս է տեսել նրա Հայրենի ձայներ նորավէպերի ժողովածուն, 1914-ին՝ Վանքը վէպը (օրագրային կառուցուածքով): 1911-1912 թթ. Միքայէլ Շամտանճեանի (համբարի թիւ 41-ը - Կ. Ա.) հետ հրատարակել է Ուտան եռամսեայ գրական պարբերաթերթը, կատարել է նաեւ յաջողուած թարգմանութիւններ: 1915-ի ապրիլի 11/24-ին ձերբակալուել է, աքսորուել Այաշ, նահատակուել՝ Էնկիւրիում:

Արշ. Ալպոյաճեանի կազմած նայատկների ցանկում է²³⁵:

45. Ղազար Ղազարեան.- Ղազարոս Ղազարոսեան (Մարգպետ), 1878, Թումարգա (Թամզարա) (Կեսարիա) - 1918, Նիսիպին: Ուսուցիչ, դաշնակցական գործիչ:

Մանկուց որբացած, նախնական կրթութիւնը ստացել է Կ. Պոլսի Պէզճեան վարժարանում, ապա հօրեղբայրն ուղարկել է Միւնիխ (Միւնխեն), որտեղ մանկավարժական կրթութիւն է ստացել: Այնտեղից մեկնել է Բուլղարիա, որոշ ժամանակ դաւանել ուսուցչութեամբ, ապա դաշնակցութեան հրահանգով անցել է՝ Պարսկաստան, որպէս դաշնակցութեան ներկայացուցիչը՝ Խոյում: Այստեղ մասնակցել է պարսկական յեղափոխութեան կռիւներին, դարձեալ կուսակցական առաքելութեամբ՝ հասել է Վան ու Բիթլիս: Մասնակցել է նաեւ Հայ-թուրքական ընդհարումներին, ստանձնել զէնքի փոխադրութեան գործը:

235 Գ. Պալաքեան, *Այն տեղում*. Թէոդիկ, Յուշարձան..., էջ 27, 45 (I, II հրտ.). Արշ. Ալպոյաճեանի ֆ., արխիւ 44, թերթ 4. Եր. Օտեան, *Աշ. յուշագր.*, էջ 92, 560. Կ. Գեորգեան, *Այն տեղում*, էջ 171. Գ. Ամատեան, *Յուշեր անհատական մասին*- *Տիգրան Չէօկիւրեան*, տե՛ս «Սովետական գրականութիւն», 1965, թիւ 4, էջ 79-80,- «Հայկական հարց հանրագիտարան», էջ 241, 305, 373:

Սահմանադրութեան հռչակուից հետո հաստատուել է Կ. Պոլսում, նշանակուել Ենի Գաբուլի վարժարանի տեսուչ, ապա՝ տնօրէն: Կուսակցական գործերով կրկին մեկնել է Բուլղարիա եւ վերադարձել՝ 1-ին համաշխարհային պատերազմի սկզբներին: Սարսափի օրերին թաքնուել է, սակայն, ի վերջոյ ձերբակալուել եւ աքսորուել է Այաշ՝ Հայ տարագրեալների երկրորդ քարաւանի հետ: Այաշից ազատուելով թաքցրել է ինքնութիւնը, շնորհիւ գերմաներէնի եւ քրդերէնի անթերի իմացութեան, ճանապարհաշինութեան գերմանացի ղեկավարներին ներկայացել է որպէս Գերմանիայում ուսած քուրդ աշիրապետի որդի՝ ստանձնելով ընկերութեանը աշխատուած Հայթայթողի պաշտօնը: Այսպիսով, կարողացել է գործով ապահովել բազմաթիւ տարագիր Հայերի, միաժամանակ փրկել է նաեւ Հայուհիների, որոնց իբր յարեմն էր տանում որպէս քուրդ շէյխ:

Մահացել է զինադադարից քիչ առաջ՝ ձիուց վայր ընկնելով, թաղուել է Թուրքական գերեզմանոցում²³⁶:

46. Յարութիւն Գոնէալեան (1877, Կեսարիա - 1915, Էնկիւրի), դերձակ, դաշնակցական: 1901-1908 թթ. դերձակութիւն է արել Կրետէ կղզում, Կ. Պոլիս է վերադարձել սահմանադրութեան հռչակումից յետոյ, շարունակելով զբաղուել իր արհեստով: 1913 թ. Լոնդոնեան ցուցահանդէսին մրցանակ է ստացել՝ ճերմակ ապրշումից կարած սմօքինկի համար (կարերն անտեսանելի էին ընդհանրապէս):

236 Գ. Պալաքեան, *Աշ. յուշագր.*, էջ 89, 90 (I, II հրտ.). Թէոդիկ, *Յուշարձան*..., էջ 31-32/49-50 (I, II հրտ.). Բ. Պօզաճեան, *Այն տեղում*, էջ 101/119, 109/127 (I, II հրտ.). Գ.Ա.Ս. Արշ. Ալպոյաճեանի ֆ., արխիւ 44, թերթ 4. Եր. Օտեան, *Թիւ 17 խաֆիէն*, Գ. գիրք, էջ 288. Կ. Գեորգեան, *Այն տեղում*, էջ 167. Հր. Տասնապետեան, *Աշ. աշխ.*, էջ 227. Յ. Սիրումի, *Ինքնակենսագրական ձեռնարկ*, էջ 171-172, 337

Այաշ է աքսորուել, հաւանաբար, տարագրեալների առաջին քարաւանի կազմում, նահատակուել՝ Էնկիւրիում²³⁷:

47. Միհրդատ Հայկազն (1864, Կ. Պոլիս, Պէշիքթաշ - 1915, Էնկիւրի), հովանոցավաճառ, հանրային գործիչ, դաշնակցական, Ազգային երեսփոխան: Աւարտել է ծննդավայրի Մաքրուհեան դպրոցը, 1883-ից ընդգրկուել յեղափոխական գործունէութեան ոլորտ, որի արդիւնքում Նէճիպ Մէլհամէի ձեռամբ աքսորուել է Տրիպոլիս: Սահմանադրութեան հռչակումից յետոյ Կ. Պոլիս գալով բեմադրել է տուել իր կրած տառապալից կեանքը եւ իրեն հալածողների գործելակերպը: Իզմիրլեանի եւ յաջորդի ընտրութեան կապակցութեամբ երկիցս էջմիածին է ուղեւորուել՝ որպէս պատգամաւոր: Հովանոցավաճառութիւնը բարձրթողի արած զբաղուել է ազգային, հանրային գործունէութեամբ, Ռոզոսթոյից ընտրուել է Ազգ. երեսփոխան, ստանձնել է Պէշիքթաշի «Ահարոնեան ակումբ»-ի նախագահութիւնը:

Ձերբակալուել է 1915-ի ապրիլի 11/24-ին, մտաւորականութեան առաջին խմբում աքսորուել Այաշ, նահատակուել է Էնկիւրիում: Ներառուած է Արշ. Ալպոյաճեանի կազմած նահատակաց ցանկում²³⁸:

48. Պետրոս Գալֆաեան (1868, Իջմէ (Սարբերդ - 1915, Այաշ Պէլի), հանրային գործիչ, առեւտր. ասպարէզից, Ազգ. երես-

237 Գ. Պալաքեան, *Աշ. յուշագր.*, Թէոդիկ, Յուշարձան..., էջ 45, 63 (I, II հրտ.)

238 Գ. Պալաքեան, *Այն տեղում*. Թէոդիկ, - «Ամէնուն տարեցոյցը», 1912, Զ տարի, էջ 390. Այնը, *Յուշարձան*..., էջ 41, 59 (I, II հրտ.). Բ. Պօզաճեան, *Աշ. յուշագր.*, էջ 6, 23. Գ.Ա.Ս. Արշ. Ալպոյաճեանի ֆ., արխիւ 44, թերթ 4. Եր. Օտեան, *Թիւ 17 խաֆիէն*, Գ. գիրք, էջ 288. Այնը, *Անճեայ տարիներ*..., էջ 92, 553. Յ. Սիրումի, *Կոմիտասի հետ*- *Մանասպար խաչի*, 1. - *Չարաշուք մանգաղը*- «Էջմիածին», 1968, Դ, էջ 34

փոխան, յայտնի հնչակեան, կուսակցական ծածկանունը՝ Որդոտնունի: 12 տարեկանում որբանալով Կ. Պոլիս է բերուել, որդեգրուել Պալաթի Արիստ. քահանայ Գալֆանի կողմից, եւ ընդունել է նրա ազգանունը: Ուսումը ստացել է Խորհնեան դպրոցում, մտել առետրի ասպարէզ: Իր ջանքերով բացուել է թաղի մանկապարտէզը:

Երիտասարդ հասակում անցնելով հնչակեան կուսակցութեան շարքերը մասնակցել է 1890-ի Գումգաբուի ցոյցին, ապա քարոզչական առաքելութեամբ մեկնել Ա. Փազար (Աղաբազար - Կ. Ա.): 1894-ին փախել է Աթէնք, այնտեղից Ռուսիոյ եւ Բուլղարիոյ որպէս հնչակեան մասնաճիւղերի ներկայացուցիչ: Քէօսթէնճէի օսմ. հիւպատոսը յաջողել է տեղի կառավարութեան ձեռամբ ձերբակալել տալ նրան ու Մ.Տամատեանին եւ Կ. Պոլիս ուղարկել: Անգլիական նաւապետի շնորհիւ երկուսն էլ, ի վերջոյ, իտալական շոգենաւով անցել են Լոնդոն: Այստեղից Պ. Գալֆանը մեկնել է Ռուսուք, ուր առետրական գործունէութիւնից զատ, մի քանի ընկերներով հրատարակել է Վերածնութիւն շաբաթաթերթը, որը յետոյ Փարիզում շարունակուել է Ապագա խորագրով: 1910-ին վերադարձել է Կ. Պոլիս, Հայկ. բանկում ստանձնել յանձնակատարի գործը, որպէս Շիսեանց եւ Խաչատրեանց քարիւղի (նախ) տան ներկայացուցիչ: Ազգ. երեսփոխան է ընտրուել Ալթը Մէրմէրից:

Այալ է աքսորուել 1915-ի մայիսի 4-ին՝ անյատակի, ամենայն հաւանականութեամբ՝ նահատակուել է Այալ Պելի վայրում²³⁹:

239 Թէոդիկ, Յուշարձան... էջ 33/34, 51/52 (I, II հրտ.). Ա. Նազգաշեան, *Այն տեղում*, էջ 55 (Գ. Պալաքեանի այաշականների ցանկի կենսագրականում, *Այն տեղում*, շփոթութիւն է նկատուում Չանդըրլի արտարական, դաշնակցական Յարութիւն Գալֆայեանի (համրիչի թիւ 80-ը - Կ. Ա.) կենսագրութեան համեմատութեամբ):

49. Պետրոս Գալֆանեան.- վաճառական: Հնչակեան Պետրոս Գալֆանեանի (տե՛ս վերոյիշեալ թիւ 48-ը) նոյնանունազգանունակիցը լինելով՝ աքսորուած Այալ, նահատակուած էնկիւրիում²⁴⁰:

50. Կարապետ Թաշճեան.- նահատակուած էնկիւրիում²⁴¹: Նոյնանունազգանունակիցը՝ մսավաճառ, աքսորուել էր Չանդըրը եւ երեք ամիս անց՝ վերադարձել Կ. Պոլիս (տե՛ս համրիչի թիւ 60-ը, ծնթ. 122 - Կ. Ա.):

51. Իւրութիւն Աստուրեան, կամ Աստուրեան՝ նահատակուած էնկիւրիում: Նոյնանունազգանունակիցը՝ տպարանատէր, դիմումով ազատուել է²⁴²:

52. Կարապետ Սարաֆեան.- մաքսային պաշտօնեայ, նահատակուած էնկիւրիում²⁴³:

53. Վառձապուհ Սամուէլօֆ (1880, մարտի 13, Կ. Պոլիս, Սամաթիա - 1915, Այալ Պելի), դրամափոխ, հանրային եռանդուն գործիչ, ռուսահայտակ: Երկար տարիներ պաշտօնավարել է Հ. Սթամպոլեանի վաճառատանը, ապա հիմնել է իր սեփական դրամափոխարանը (սեղանաւորական տունը): Զինուորական ծառայութիւնը կատարել է Օդեսայում: Գործուն դեր է ունեցել ծննդավայրի Սահակեան Սանուց ընկերութեան մէջ, իսկ սահմանադրութեան հոչակումից յետոյ նուիրուել է ազգագուտ ձեռնարկներին: Երկու տարի եղել է Սամաթիայի երկսեռ վարժարանի հոգաբարձու, անդամակցել է Աղանայի եղեռնից յետոյ կազմուած «Որբախնամ-այրիխնամ»-ին եւ «Աշխատանքի տանը», եղել է նաեւ «Հայ կարմիր խաչի»-ի գանձապետ:

240 Գ. Պալաքեան, *Այն տեղում*
241 Նոյն տեղում
242 Նոյն տեղում. Թէոդիկ, «Ամէնում տարեցոյցը», 1916-1920, Ժ-ԺԴ տարի, էջ 115. Բ. Պոզաճեան, *Աշ. յուշագր.*, էջ 109, 127 (I, II հրտ.)
243 Գ. Պալաքեան, *Այն տեղում*

Ձերբակալուել է 1915-ի ապրիլի 11/24-ին, աքսորուել Այալ, նահատակուել է՝ Այալ Պելի վայրում: Ընդգրկուած է Արշ. Ալպոյաճեանի նահատակաց ցանկում, արձանագրուած՝ Վ.Սամուէլեան²⁴⁴:

54. Սարգիս Արմտանցի.- նահատակուել է էնկիւրիում²⁴⁵:

55. Խաչիկ Պէրպէրեան.- ուսուցիչ, Կ. Պոլիս վերադարձած վերապրող²⁴⁶:

56. Վրթանէս Մարտիկեան.- Այալի աքսորական, վերապրող: Տարագրուել եւ Այալ է հասել 12 հոգուց բաղկացած երկրորդ խմբի կազմում: Ազատուել է մի քանի ամիս անց, վերադարձել Կ. Պոլիս: 1918-ի նոյեմբերի 20-ից անուանափոխութեամբ վերաբացուած Ազատամարտի (Արդարամարտ, Արիամարտ, Ծակատամարտ) արտօնատէրն էր²⁴⁷:

57. Միհրան Աղաճանեան.- դրամափոխ (սեղանաւոր): Յայտնի է՝ ուսեալ երիտասարդ լինելը եւ այն, որ Այալից տարուել է Կ. Պոլիս ու Հարպիէի առջեւ կախողան հանուել²⁴⁸:

58. Նշան.- կիտուածանկարիչ, Գումգաբուի բնակիչ, նահատակուած էնկիւրիում²⁴⁹:

244 Գ. Պալաքեան, *Այն տեղում*. Թէոդիկ, *Յուշարձան...*, էջ 42, 60, (I, II հրտ.). Բ. Պոզաճեան, *Այն տեղում*, էջ 103/121, 107/125 (I, II հրտ.). Ա. Նազգաշեան, *Այն տեղում*, էջ 23, 55, Գ.Ա.Թ. Արշ. Ալպոյաճեանի ֆ., արխիւ 44, թերթ 4

245 Գ. Պալաքեան, *Այն տեղում*
246 Նոյն տեղում
247 Գ. Պալաքեան, *Այն տեղում*. Թէոդիկ, «Ամէնում տարեցոյցը», 1916-1920, Ժ-ԺԴ տարի, էջ 274. Բ. Պոզաճեան, *Այն տեղում*, էջ 103/121, 106/124 (I, II հրտ.). Ա. Նազգաշեան, *Այն տեղում*, էջ 34. Յ. Սիրունի, *Կոմիտասի հետ*, «Էջմիածին», 1968, Դ, էջ 30. Այնը, *Ինքնակենսագրական նոթեր*, էջ 168, 337
248 Գ. Պալաքեան, *Աշ. յուշագր.*, էջ 90 (I, II հրտ.). Ա. Նազգաշեան, *Աշ. յուշագր.*, էջ 43
249 Գ. Պալաքեան, *Այն տեղում*

59. Տիգրան Աճէմեան.- Այալի աքսորական, վերապրող: Ըստ Գ. Պալաքեանի՝ «վերադարձած Կ. Պոլիս»: Աքսորակից վերապրող Աւետիս Նազգաշեանի յուշագրութեան համաձայն՝ «Տիգրան Աճէմեան մը կար, որ կ'երեւի գրագէտ Աճէմեանի մը տեղ բերուած էր: Մարդը Անգարացի էր եւ մէկ բառ հայերէն չէր գիտէր (ազատ արձակուեցաւ)»²⁵⁰:

60. Մարկոս Սէֆէր.- փաստաբան, վերապրող: Պատմաբան, խմբագիր, մանկավարժ, Ազգային երեսփոխան Մարկոս Նաթանեանի փոխարէն աքսորուած եւ վերադարձած: Մ. Նաթանեանը Թէոդիկի դիմումով աքսորից (Չորում-Իսքիլիպ ընթացքով) ազատուածների խմբում է: Այս նոյն ցանկում արձանագրուած է. «Գարթալցի փաստաբան Սէրուէթ» ազգանունը՝ այալականների կազմում²⁵¹: Արդեօ՞ք տարբեր անձիք են Սէֆէրն ու Սէրուէթը, թէ տառաչփոթ է եղածը. դեռեւս պարզաբանման, ճշգրտման կարիք կայ:

61. Սերոբէ Նորատունկեան (1884, Սղերդ - 1915, էնկիւրի): Սանասարեան վարժարանի ընթացաւարտ, թուրքերէնի ուսուցիչ, դաշնակցական գործիչ, Ազգային երեսփոխան՝ ծննդավայրից: Նահատակուել է էնկիւրիում, ընդգրկուած է Արշ. Ալպոյաճեանի հաւաքագրած նահատակների ցանկում²⁵²:

62. Բարթող Զօրեան.- Ժիրայր (1879, 01.01, Թամզարա (Թումարզա) - 1915, էնկիւրի): Հրատարակիչ, դաշնակցական գոր-

250 Գ. Պալաքեան, *Այն տեղում*. Ա. Նազգաշեան, *Այն տեղում*, էջ 32:
251 Գ. Պալաքեան, *Այն տեղում*. Թէոդիկ, «Ամէնում տարեցոյցը», 1916-1920, Ժ-ԺԴ տարի, էջ 115. Եր. Օտեան, *Թիւ 17 Խաֆիէն*, Գ. գիրք, էջ 289, Յ. Սիրունի, *Ինքնակենսագրական նոթեր*, էջ 35, 36, 91, 339
252 Գ. Պալաքեան, *Այն տեղում*. Թէոդիկ, *Յուշարձան...*, էջ 39, 57 (I, II հրտ.). Բ. Պոզաճեան, *Այն տեղում*, էջ 106/124, 107/125 (I, II հրտ.). Արշ. Ալպոյաճեանի ֆ., արխիւ 44, թերթ 4:

տաբան Սէրուէթ»-ը: Գրիգորիս ծ. վրդ. Պալաքեանի Այաշի աքսորականների շարքում կայ աքսորադարձ «Մարկոս Սէֆէր, փաստաբան»-ը (տե՛ս տեղում, ծնթ. 255): Թերեւս, ազգանունան մէջ տառաչփոթի արդիւնք է: Ընդհանուր կարիք կայ, հետեւաբար՝ Սէրուէթ ազգանունակրին դեռեւս չենք ընդունում նոր անուն:

76. Սագո կամ Սաքո.- ըստ Այաշի աքսորական-վերապրող Աւետիս Նագագանի յուշագրութեան՝ եղել է ապրիլի 11/24-ին ձերբակալուած եւ Այաշ աքսորուածների առաջին մեծ խմբում²⁷⁰: Երուանդ Օտեանի Թի 17 խաֆիէն գործի անուանացանկում տեղեկացուած է. «Սագո (գոհ. 1915) - հնչակեան գործիչ»²⁷¹: Ամենայն հաւանականութեամբ, Թէոդիկի նահատակաց Յուշարձան...-ի նոյնանուն անձն է այս այաշականը, հետեւեալ կենսագրականով. «Սաքո - Կովկասահայ: Ս. Դ. Հնչակեան կուսակցութեան յայտնի դէմքերէն: Ուսած է գիւղատնտեսութիւն Բարիդ, եւ ուսանողութեան շրջանին՝ եարաբերութիւն հաստատած Նագար Բէկի եւ այլոց հետ: 95-ի Սասնոյ ապստամբութեան ատեն՝ ինք էր որ նիւթական եւ բարոյական ամէն օժանդակութիւն կը փոթացնէր հերոս Մուրատի (Հ. Պոյաճեան): Բազմիցս մասնակցած Կովկասի Հնչ. յանձնախմբին եւ անդամ Գաղափար թերթի խմբ. մարմնին: Հայատեաց Կալիցիինի տերորը կազմակերպողներէն ըլլալով՝ ուսու կառավարութիւնը կ'աքսորէ գինք Սիպերիա: Օսմ. Սահմանադրութենէն ետք կու գայ Պոլիս ուր կը մնայ մինչեւ իր տարագրումը»²⁷²:

77. Ստեփան Ս.Քիւրքեան (1887, Ակն - 1915), գրավաճառ-հրատարակիչ, դաշնակցական: Պապը Ալի, «Եփրատ» գործակալութեան տէրն էր, նաեւ Կ. Պոլսի

270 Ա. Նագագան, *Այ. յուշագր.*, էջ 13, 39
271 Եր. Օտեան, *Թի 17 խաֆիէն*, Գ. գիրք, «Անուանացանկ», էջ 290
272 Թէոդիկ, *Յուշարձան...*, էջ 38, 56 (I, II հրտ.)

Ջուռնալ երգիծաթերթի արտոնատէրը: Զերբակալուել է 1915-ի ապրիլի 11/24-ին, աքսորուել Այաշ՝ տարագրեալների առաջին քարաւանի կազմում²⁷³:

78. Ատոմ Շահէն.- Երիցանց, (1875, մարտ, Ակն - 1915), գրական ծածկանունը՝ Օտայ Ակնի, հրատարակիչ, թարգմանիչ, դաշնակցական գործիչ, Ազգ. երեսփոխան՝ ընտրուած իր ծննդավայրից: Ուսանել է Ղալաթիոյ Կեդրոնական վարժարանում, յետոյ՝ Լայպցիգի, Ենայի, Փարիզի համալսարաններում: Կ. Պոլիս է եկել Սահմանադրութեան հռչակումին եւ Բերայում բացել «Արաքս» տպարանը, նախ հրատարակել Ազատամարտը, ապա՝ գրական, դպրոցական գրքեր, հանդէսներ: Թարգմանել է Հայնէի բանաստեղծութիւնները, եւն:

Զերբակալուել է 1915-ի ապրիլի 11/24-ին, աքսորուել Այաշ: Արշ. Ալպոյաճեանի նահատակաց անուանացանկում է²⁷⁴:

79. Սարգիս Աճէմեան.- յիշատակուած է այաշական վերապրող Բիւզանդ Պողոսեանի յուշագրում. «Միւսնոյն օրը (յուլիս 12) Սարգիս Աճէմեան պաշտօնատուն կանչուեցաւ...» տեղեկատուութեամբ²⁷⁵:

80. Արամ Աչըքպաշեան (Գրիգոր Կարապետեան), (1860, կամ 1867, Արաբկիր - 1915, 15 յունիս, Կ. Պոլսի Սուլթան Բայազետի հրապարակում կախուած): Ազգային-քաղաքական գործիչ, Ազատագրական շարժման մասնակից, հնչակեան կուսակ-

273 Թէոդիկ, *Յուշարձան...*, էջ 46, 64 (I, II հրտ.). Եր. Օտեան, *Թի 17 խաֆիէն*, Գ. գիրք, «Անուանացանկ», էջ 292. *Անիծեալ տարիներ...*, Գ. - Չարաշուք գիշերք, էջ 87, Գ. - *Անձկութեան օրեր*, էջ 111-112, «Անուանացանկ», էջ 566
274 Թէոդիկ, *Յուշարձան...*, էջ 35/36, 53/54 (I, II հրտ.). Բ. Պօզաճեան, *Այն տեղում*, էջ 103/121 (I, II հրտ.). Եր. Օտեան, *Թի 17 խաֆիէն*, Գ. գիրք, էջ 290. Արշ. Ալպոյաճեանի ֆ., արխիւ 44, թերթ 1
275 Բ. Պօզաճեան, *Այն տեղում*, էջ 109, 127 (I, II հրտ.)

ցութեան ակնառու դէմքերից, ազգ. երեսփոխան:

Նախնական կրթութիւնը ստացել է ծննդավայրում, 1886-ին տեղափոխուել Կ. Պոլիս: 1890-ի Գումգաբուլի ցոյցի կազմակերպիչներից էր: Փաստաբանի վկայականը չստացած, կուսակցութեան հրահանգով անցել է Եւրոպա, ապա Փոքր Հայք՝ փորձելով միաւորել այնտեղ գործող հայդուկային խմբերը: Մեծ է նրա դերը Շապին Գարահիսարի ինքնապաշտպանութեան (1895) գործում: 1907-ին Փարիզում, Ս. Սապահ-Գիւլեանի եւ Մեծն Մուրատի հետ ՄԴՀԿ կենտրոնական վարչութեան յանձնարարութեամբ բանակցել է երիտթուրքերի դեկավարութեան հետ: 1908-ին, երիտթուրք. յեղաշրջումից յետոյ վերադարձել է Կ. Պոլիս, 1914-ին ձերբակալուել է՝ այլ կուսակիցների հետ, դատուել իթթիհատի դեկավարներին ահաբեկելու փորձի մեղադրանքով: Ըստ Սողոմոն Թեհլիրեանի Վերջիշումներին՝ Այաշի աքսորական. վերապրող գովտ. Մելքոն Կիւլիստանեանի վկայութեամբ պարզուած է, որ նա եղել է ապրիլի 11/24-ին ձերբակալուած եւ Այաշ աքսորուած ազգ. կուսակցական գործիչների կազմում²⁷⁶, հետեւաբար, ինչ-ինչ հանգամանքներում աքսորից վերադառնալուց յետոյ է, ուրեմն, հնչակեանների «20 կախաղաններ»-ի թուով՝ մահապատժի ենթարկուած: Յիշատակուած 20 մահապարտները հանուանէ ներառուած են Արշ. Ալպոյաճեանի նահատակաց ցանկում²⁷⁷:

81. Գարեգին Հիւսեան (1882, Վան-1915, էնկիւրի): Ուսուցիչ, հնչակեան գոր-

276 Թէոդիկ, *Յուշարձան...*, էջ 49/50, 67/68 (I, II հրտ.). Կ. Գեորգեան, *Այն տեղում*, էջ 169-170. Եր. Օտեան, *Թի 17 խաֆիէն*, Գ. գիրք, «Անուանացանկ», էջ 284. Սողոմոն Թեհլիրեան, *Վերջիշումներ. Թալէաթի ահաբեկումը*, գրի առու Վահան Միւսախորեան, Եր., 1993, էջ 133-134. «Հայկական հարց հանրագիտարան», էջ 41:
277 Գ.Ա.Թ., Արշ. Ալպոյաճեանի ֆ., արխիւ 44, թ. 4

ծիչ: Կրթութիւնը ստացել է Երամեան վարժարանում: Կ. Պոլսում պաշտօնավարել է Գումգաբուլի, Հասքէոյի, Կեդրոնական վարժարաններում, դասաւանդել՝ ազգ. պատմութիւն, աշխարհագրութիւն, դժագրութիւն եւ գեղագրութիւն: Մինչ տարագրումը Պէշիքթաշի Ազգ. վարժարանի տնօրէնն էր:


Այաշ է աքսորուել մտաւորականութեան երկրորդ խմբի կազմում, ընդգրկուած է Արշ. Ալպոյաճեանի նահատակաց ցանկում²⁷⁸:

82. Գարեգին Իբրանոսեան.- Թէոդիկի Յուշարձան...-ի սուղ տեղեկատուութեամբ՝ «Բժիշկ, էսկի Տէնէք Մատենցի, Այաշ»²⁷⁹:

Այաշի աքսորական Բիւզանդ Պողոսեանի յուշագրում յիշատակում է՝

83. «Պարսկահայ Երիտասարդ մը», ուշագրաւ յաւելումով. «Հացի միջուկով աղիւսախաղի քարեր, համրիչներ եւ ճատրակի քարեր կը շինէր մեծ ճարտարութեամբ»²⁸⁰:

278 Թէոդիկ, *Յուշարձան...*, էջ 39, 57 (I, II հրտ.). Բ. Պօզաճեան, *Այն տեղում*, էջ 103, 121 (I, II հրտ.). Գ.Ա.Թ., Արշ. Ալպոյաճեանի ֆ., արխիւ 44, թերթ 1
279 Թէոդիկ, *Յուշարձան...*, էջ 80, 98 (I, II հրտ.)
280 Բ. Պօզաճեան, *Այ. յուշագր.*, էջ 105 123 (I, II հրտ.)



«ԵՐԳ ԵՐԳՈՅԸ» ՈՐՊԷՍ ՀԱՐՍԱՆԵԿԱՆ ՀՆԱԳՈՅՆ ՄԻ ԾԷՍ

Անահիտ Մխիթարեան

1. «Երգ երգոցը» նախաքրիստոնէական շրջանից պահպանուած հարսանեկան ծէսի մի դրուագ է, որը մուտք է գործել Աստուածաշունչ մատենան որպէս եբրայական սիրային հնագոյն երգերի մի ժողովածոյ: Այն ձեւաւորուել է Ք.ա. Գ դարում, սակայն նրա բովանդակութիւնը քրիստոնէական շրջանում մերժուել է եւ ընկալուել իբրեւ Քրիստոս-փեսայի եւ հարս-եկեղեցու խորհրդանշական այլաբանութիւն: Քրիստոնէական ակնարկութիւնն այն վերագրել է եբրայեցիների արքայ Սողոմոնին, որը սիրոյ երգեր է ձօնել իր կնոջը՝ Սուլամիթային:

Ըստ գերմանացի ասորագէտ Յրիզբիլ Դելիչի՝ «Երգ երգոցը», որպէս սրբազան ստեղծագործութիւն, հանդէս է գալիս երեք տեսակի յարաբերութիւններում. ա) կրօնաբարոյականութիւնն է, որտեղ նկարագրուում է ամուսնութիւնը, բ) եկեղեցական-պատմականն է, ուր ներկայացւում է հրէայ ժողովրդի եւ եկեղեցու ճակատագիրը Սողոմոնի թագաւորութեան ժամանակաշրջանում: Եւ գ) նախատիպականութիւնը, քանի որ ամուսնութիւնը նախակերպաւորում է Քրիստոսի եւ եկեղեցու կապը¹: Այս երեք տեսակների հիման վրայ էլ հիմնականում քննուել եւ մեկնաբանուել է «Երգ երգոցը»:

Կայ նաեւ մէկ այլ տեսակէտ. «Համաձայն Որոգինէսի վկայութեան՝ Իսրայէլում մինչեւ երեսուն տարեկան

հասակն արգելուած էր կարդալ այս գիրքը (ինչպէս նաեւ՝ Աստուածաշնչի սկիզբը, Եզեկիէլի մարգարէութեան սկիզբն ու վերջը)»²:

Որոգինէս Աղեքսանդրացին «Երգ երգոցը» համարել է «ամուսնական երգ», այսինքն՝ «հարսանեկան երգ», քանի որ այնտեղ գործող անձինք նոյնն են, ինչ հարսանեկան ծէսի ժամանակ՝ հարս, փեսայ, հարսնացուի ընկերուհիներ եւ փեսացուի ընկերներ³:

«Երգ երգոցի» առաջին մեկնիչները եղել են Հիպոդիտոս Բոստրացին (236 թ.), Որոգինէս Աղեքսանդրացին (254 թ.) եւ Գրիգոր Նիւսացին (394 թ.): Հայ մատենագրութեան մէջ «Երգ երգոցի» մեկնութեանը, աւելի ճիշտ՝ յիշատակութեանն առաջին անգամ հանդիպում ենք Ագաթանգեղոսի մօտ:

Ագաթանգեղոսի երկում՝ «Սուրբ Գրիգորի վարդապետութիւնը» գլխում, «Երգ երգոցի» մի հատուածի առկայութիւնը վկայում է, որ այն մինչ քրիստոնէութիւնը պէտք է երգուած լինէր գրաւոր կամ բանաւոր:

Ահա թէ ինչպէս է մեկնում «Երգ երգոցը» Ագաթանգեղոսը. «Այս այն է, որ ասեն. «Եղբորորդեա՛կ իմ, յարիցես, զարթիցես, մերձաւոր իմ, սիրելի՛ իմ. բացցես ինձ զգուրս տանն, եւ համբու-

1 Толковая Библия или комментарий на все книги Св. писания Ветхого и Нового Завета, Т. V, Санкт-Петербург, 1908, ст. 44 («Книга Песни Песней Соломона»).

2 «Երգ երգոց» հանդերձ մեկնութեամբ Այսուսեան (աշխ. Ս. Մեսրոպ քհն. Արամեան), «Գանձաւար», Եր., 1993, էջ 11

3 Толковая Библия или комментарий на все книги Св. писания Ветхого и Нового Завета, Т. V, ст. 44.